

Uruunu Ambainjana ta Lukas Ibeede

Sua Sotaaranjana ki Lukas

¹⁻² O biibi tio Teopilus, uraata biibi, ta iur ŋonoono ma ipet la mazwanda kek. Mi indeenje ta imanga mata popoten mi imar na, wal pakan, zin timbotmbot mi tire kat pa matan. Zin tina ta tipombolmbol ka sua mi tikiskis ka uraata. Mi tiz-zoyaryaara sua tana ma niam amlenj, mi tomtom pakan tibeede ka mbol kek.✧

³⁻⁴ Mi nio ta kembena. Anjwi nanaana zin wal ta tiute kat uraata tana bekena ituŋ anjute la ta uunu mi imar. Mi anpazal ka mbol ma ingeeze kek, ta inŋi anjbeede ima bekena nu ute kat ta kembei: Sua ta zin tipaute u pa na, ina ŋonoono men.✧

Anjela iso pa pepe ki Yoan

⁵ Indeenje ta king Erot imborro lele ta zin Yuda timbotmbot pa na, patoronjana ka tomtom ta, zaana Sakaria, ni imbotmbot. Ni imbot la lupjana ki Abia pa uraata ki patoronjana. Kusiini zaana Elisabet. Mi ni ziru un imar pa Aron.

⁶ Ziru wal ndeenjan pa Anutu mataana. Pai kizin ta munjaana men, ta titoto Anutu kaljaana mi tutu kini. Mbulu kizin sa isaana som.

⁷ Tamen ziru tipeebe sa som. Pa Elisabet, ni kopo somjana. Mi ziru tiwe kolman kek.✧

✧ **1:1-2:** Ngo 1:1+; Ibr 2:3; 1Pe 5:1; 1Yo 1:1 ✧ **1:3-4:** 2Tim 3:14; 2Pe 1:16 ✧ **1:7:** Un 16:1

8-9 Aigule ta na, lupņana ki Abia kadoono tila be tikam uraata su Merere kereene uunu. Mi mbulu kizin ta kembei: Sombe tila, tona tikam mbulu sa be tire asiņ ta irao be ineene koronj kuziiniņana isu Anutu mataana. Tana tikam, mi Sakaria zaana ipet.

¹⁰ Tana ni ilela Urum Merere mi ikamam uraata tana. Mi iwal biibi na, timbotmbot mat mi tizunzun.

¹¹ Ni ikamam uraata mi molo som na, Merere aņela kini ipet mi imender su you muriini zilņaana ta imbot la ki Sakaria namaana woono na.

¹² Sakaria ire i, to imorsop mi motoņana biibi ikami.

¹³ Tamen aņela iso pini. Iso: “Sakaria, moto pepe. Sunņana ku, ta Merere ileņ kek. Kusim Elisabet, ni kola ipeebe lem pikin tomooto ta. Pikin tana, kozo paata zaana be Yoan.

¹⁴ Nu ko lelem ndabok mi menmeenu biibi pini. Mi nu itum tamen som. Tomtom boozomen ko menmeen zin pini.

¹⁵ Pa ni ko iwe biibi pa Anutu mataana. Mi ni ko irao iwin baen som, yok mbolņana som. *
Indeeņe ta ni imbot lela naana kopoono mi ila na, Bubunņana Potomņana ko izeebi.✧

¹⁶ Mi ni ko ikam zin Israel boozomen ma titooro lenen, mi timiili mini ki Merere Anutu kizin.

¹⁷ Ni ko ikam nņar mi mburaana kembei ta Anutu kwoono Ilia, mi imuunņu pa Merere mi iurpe zaala pini. Ko itooro zin kolman ma lenen ila

* **1:15:** Yoan ko ito mbulu kizin Nasiri. Zin Nasiri na, wal ta tisombe tiwe Anutu lene kat. Tana tinņaseksekitun pa mbulu pakan kembei yok mbolņana winņana mi ute ruunu pupņana.

✧ **1:15:** Nam 6:1+

ki lutun bizin mini, mi ikam zin wal zorzoorɔŋan ma tito ŋgar ambaiŋana kizin wal ndeeŋeŋan. Naso ikam zin tomtom ma tiurpe zitun, mi tizza Merere kizin tabe imar i.”✧

18 Sakaria isu to iwi aŋela. Iso: “Sua ku tana, ko aŋurla be parei? Pa iŋgi niamru waenbi amwe kolman kek.”✧

19 Aŋela ipekel kwoono ma iso: “Iŋgi nio Gabriel tau. Nio aŋmendernder su Anutu kereene uunu. Mi ni itunu ta iŋgo yo ma aŋmar i, beken aŋso sua pu mi aŋkam uruunu ambaiŋana ti pu.”✧

20 Mi leŋ. Sua tio ti kola iur ŋonoono. Tamen nu urla som. Tana ko irao so sua som, mi kwom imun ma irao sua ti iur ŋonoono.”

21 Sakaria imbot ma molo lela urum leleene. Tabe zin iwal tinaami ma som mi tikam ŋgar boozo pini.

22 Beso ni iyooto ma ipet na, irao be iso sua pizin mini som. Iurur namaana men. Paso, kwoono imun kek. Tabe ikam ma tomtom tiso Anutu ko ikam mbulu sa pini lela urum leleene ma iŋgi.

23 Imbotmbot ma uraata kini imap, tona imiili ma ila pa kar kini.

24 Timbotmbot ma waenebi Elisabet kopoono. To imbot ruumu men pa puulu lamata.

25 Mi iso: “Iŋgi ko tomtom matan pasom yo mini som. Pa Merere mataana iŋgal yo, mi ikam uraata ti pio.”✧

Aŋela isotaara Maria pa pepe ki Yesu.

✧ **1:17:** Mal 3:1, 4:5+; Mt 3:3; Mk 9:12 ✧ **1:18:** Un 18:11 ✧ **1:19:** Dan 8:16, 9:21; Ibr 1:14 ✧ **1:25:** Un 30:23

26 Elisabet puulu kini iwe lamata mi ta, to Anutu ingo anjela Gabriel ma ila kar Nasaret, ta imbot lele pakaana ki Galilea na,

27 mi ila ipet ki moori metet ta, zaana Maria. Moori tana, tiroogi kek pa tomtom ta, zaana Yosep. Yosep tana, ni uunu imar pa king Dabit.✠

28 Tana anjela ila ipet ki Maria, mi iso pini ta kembei. Iso: “Maria, aigule ambainana. Merere, ni leleene pu mi ikampe u biibi kat. Mi ni imbotmbot raamu.”

29 Maria ileŋ sua tana na, ikam ngar boozo pa. Iso: “Wai, sua tiŋgi ka uunu be parei?”

30 Tona anjela iso pini: “Maria, moto pepe. Pa kampejana ki Anutu, ta ise ku kek.

31 Leŋ. Nu ko kopom, mi peebe pikin tomooto ta. Kozo paata zaana be Yesu.✠

32 Lutum tana ko iwe tomtom zaanaŋana, mi tipaati be Anutu kor kana Lutuunu. Ni, Merere Anutu ko iuri be ikam tumbuunu Dabit muriini peeze kana.✠

33 Mi peeze kini ko irao imar na som. Ko imboro Yakop wal kini ma alok.”✠

34 Tona Maria iso pa anjela: “Ingi ko mbulu tana ipet pio be parei? Pa nio niamru tomooto sa amkeene zen.”

35 To anjela ipekel kwoono ma iso: “Bubuŋana Potomŋana ko imar ise ku, mi Anutu kor kana mburaana ko isalakaalu. Tana pikin tabe peebe i, na ni potomŋana. Mi ko tipaati be Anutu Lutuunu.✠

✠ 1:27: Mt 1:6+; Lu 2:5 ✠ 1:31: Yesa 7:14; Mt 1:21; Lu 2:21

✠ 1:32: Mbo 2:6+, 89:26+; Yesa 9:6+; Mk 5:7 ✠ 1:33: Dan 2:44,

7:14; Ibr 1:8 ✠ 1:35: Mt 1:18+; Mk 5:7, 15:39

³⁶ Mi leŋ. Nom musaana Elisabet ta iwe kolmanan kek mi muŋgu tiwatwaati be kopo somŋana na, ni tomimi kopoono, mi iŋgi ka puulu iwe lamata mi ta kek.

³⁷ Pa Anutu, ni itat pa kosa sa na som.”✧

³⁸ To Maria iso: “Ambai, nio iŋgi mbesooŋo sorok ki Merere. Sombe sua ku tana iur ŋonoono pio, ina ta tina.” To aŋela izemi mi ila.

Maria ilou Elisabet

³⁹ Aigule pakan ilae, to Maria imanŋa, mi karau ma ila pa kar ta, ta imbot la lele abalabalŋana ki Yudea.

⁴⁰ To ilela ruumu ki Sakaria mi ikam aigule ambainŋana pa Elisabet.

⁴¹ Indeeŋe Elisabet ileŋ Maria kalŋaana na, pikin imuzik lela kopoono mi Bubunŋana Potomŋana izeebe Elisabet.✧

⁴² To kalŋaana biibi ma iso: “O Maria, kampeŋana biibi ki Anutu ta isalakaalu ma lip pa moori ta boozomen. Mi kampeŋana kini ko imbotmbot se ki pikin tabe peebi na.

⁴³ Nio pareiŋoŋ, ta Merere tio naana imar ma ilou yo?

⁴⁴ Pa re. Indeeŋe ta aŋleŋ kalŋom na, pikin ta imbot koponŋ leleene i, imuzik raama menmeeni.

⁴⁵ Kampeŋana ki Merere ko ise ku. Pa nu urla kembei sua ta ni iso pu, inako iur ŋonoono.”

Maria mboe kini (1Sam 2:1-10)

⁴⁶⁻⁴⁷ Tona Maria isu mi iso:

✧ **1:37:** Un 18:14; Mt 19:26; Ro 4:21 ✧ **1:41:** Lu 1:15

“Merere, ni biibi ṅonoono ta ilip pa koron ta boozomen.

Tana nio leleṅ imap ipakuri.

Nio menmeen yo pa Anutu. Pa ni ulaaṅa tio.✧

48 Pa nio mbesoono kini sorokṅon tau.

Tamen ni mataana iṅgal yo mi ipakur yo.

Tana koozi mi ila na, tomtom boozomen ko tizzo pa kampaṅana ki Merere ta ise tio.✧

49 Pa ni mbura keskezeṅana. Mi zaana na, potomṅana.

Mi imbel uraata biibi kat pio.✧

50 Zin tomtom ta timototo i mi tileṅleṅ la kalṅaana na, muṅaiṅana kini imbotmbot se kizin, mi iseṅge iseṅge ma ila.✧

51 Ni iswe mburaana mi ikam uraata bibip.

Pa zin tomtom ta tipakurkur zitun na, ni iyaṅwiiri zin ma timbot leṅaleṅa.✧

52 Mi zin bibip ta tikamam peeze na, ni itatke zin pa murin peeze kana, mi tisu ma tiwe paṅaṅae sorok.

Tamen zin wal sorrokṅan ta tikototo zitun mi tipase pini na, ni ipakur zin.✧

53 Wal ta petel zin na, ni itunu ikam koron ambaimbaiṅan boozomen pizin, mi tikan ma tirao.

Mi zin ta len koron boozo na, ni iser zin ma naman men mi tila len.✧

✧ **1:46-47:** Mbo 34:2+; 1Tim 2:3, 4:10 ✧ **1:48:** Mbo 138:6; Lu 11:27 ✧ **1:49:** Mbo 71:19, 111:9, 126:2+ ✧ **1:50:** Kam 20:6; Mbo 103:13-18 ✧ **1:51:** Lu 18:9+; 1Pe 5:5 ✧ **1:52:** Mbo 113:7, 147:6; Mt 23:12; Kol 2:15 ✧ **1:53:** Mbo 34:10, 107:9; Lu 6:21

54-55 Munġu ikam sua mbukġana pa tumbundu bizin ta kembei: Ni ko imuġai Abaraam mi zin popoġana kini, mi iseenġe iseenġe ma ila. Tanata mataana iŋgal zin mbesoġo kini Israel, mi imuġai zin mi iuulu zin.”✧

56 Maria imbotmbot ki Elisabet ma irao puulu tel ma iŋġ, mana imiili ma ila kar kini mini.

Pepe ki Yoan

57 Indeenġ Elisabet ikam tomtom na, ipeebe pikin tomooto ta.

58 Mi tonmatizinġ kini mi wal ta tigarau i na, tire kampeġana biibi ta Merere ikam pini, to zin ta boozomen zinġan Elisabet menmeen zin.

59 Aigule iwe lamata mi tel pa na, zin timar be tireete pikin tina. Mi tiso tipaata tamaana zaana Sakaria pini.✧

60 Tamen naana iso: “Som! Ni zaana Yoan.”

61 To tiso pini. Tiso: “Ina ambai. Mi nu um bizin mi imar na, kawatwaata pisis tana?”

62 Tana tiurur naman pa tamaana be tire: Ko ni iur pikin zaana asinġ.

63 To Sakaria iso pizin ma tikam koronġ ki bude imar, be ni ibeede. Beso ibeede na, ibeede ta kembei: Ni zaana Yoan. Tabe zin wal tikam nġar boozo.

64 To molo som mi Sakaria kwoono ikam kak, miaana igolok, mi ipakurkur Anutu.

65 Tabe iwal biibi ta kar kan i motoġana ikam zin pa mbulu ta ipet na. Mi tiso ka sua ma irao lele abalabalġana ta boozomen ki Yudea.

✧ **1:54-55:** Un 17:7; Mbo 98:3; Mika 7:20; Ro 11:28; Ga 3:16

✧ **1:59:** Un 17:12

⁶⁶ Mi wal boozomen ta tilen na, tikam ngar boozo pa ma tiso: “Wai, pikin ti, kaimer ko pareinana?” Pa tire kembei Anutu mburaana imbotmbot se kini.

Sakaria mboe kini

⁶⁷ Bubunana Potomnana izeebe pikin tamaana Sakaria, to iwe Anutu kwoono, mi iso kalnana ta kembei:

⁶⁸ “Iti tapakur Merere Anutu ki Israel.

Pa ni imar kek be itatke wal kini pa patanana kizin.✧

⁶⁹ Ingi be ipamender lende ulaana mburaanana mi ipakuri.

Ulaana tana ko ipet la uunu ki mbesoono kini Dabit.✧

⁷⁰ Mi ina ito sua ta mungu kat ni iswe la kizin wal potomnan ta tiwe ni kwoono na.

Pa iso ta kembei. Iso:✧

⁷¹ Ni ko ikamke iti pa kanda koi bizin mi wal boozomen ta tiurur koi piti na.✧

⁷²⁻⁷³ Pa mungu ni imbuk sua pa tumbundu Abaraam mi ipombol sua tana ma imbol kat. Sua ta kembei:

Ni ziru ko tiparlup zin ma tiwe tamen, mi imunainai Abaraam poponana kini ma alok.

Mi ingi ni mataana ingalngal sua mbuknana potomnana tana ta ikam pa tumbundu bizin na,✧

⁷⁴ be itatke iti la kanda koi bizin naman.

Naso toмотo mini som, mi tembesmbeeze pini.✧

✧ **1:68:** Mbo 72:18, 111:9; Lu 7:16 ✧ **1:69:** 1Sam 2:1; Mbo 18:2, 89:17 ✧ **1:70:** Ro 1:2; Tit 1:2 ✧ **1:71:** Mbo 106:10 ✧ **1:72-73:** Un 17:1+, 22:16+; Mbo 105:8+; Ibr 6:13+ ✧ **1:74:** Ro 6:18,22; 1Yo 4:17+; Ibr 9:14

75 Mi takam mbulu ta potomņana mi ndeenņana men pa ni mataana ma irao swondo.”✠

76 To Sakaria iso pa lutuunu ta kembei:
“O lutuņ ri, nu tana ko tipaatu be Anutu kor kana kwoono.

Paso, nu ko muunģu pa Merere,
mi urpe zaala pini.”✠

77 Mi ko pei nģar kizin wal kini pa zaala tabe ni ireege sanaana kizin pa i.

Naso ikamke zin ma timbot ambai.”✠

78 Pa Anutu kiti, ni leleene itaņtaņ piti mi imuņaiņai iti.

Tana ni ko ikam azuņka kini saamba kana ma iyaara su piti, kembei ta zoņ pok ma ise.

79 Mi iur mat piti iwal ta zugut izukkaala iti mi tombot la zaala ki meeteņana na.

Mi ipazal pai kiti be tapa pa zaala kini.

Naso itiņan Anutu taparlup ti ma tewe tamen, mi tombot ambai.”✠

80 Tana pikin tana itumtum raama Bubuņana mburaana ma iwe tomtom. To ila imbotmbot su lele bilimņana ma irao imaņģa pa uraata kini ila zin Israel matan.”✠

2

Pepe ki Yesu (Mt 1:18-25)

1 Indeeņe mazwaana tana na, Kaisa Augustus iur sua be wal boozomen ta timbot la Rom kopo mbarmaana na, timap ma tila be tikam zan se ro.

✠ **1:75:** Ep 4:24; 2Tim 1:9; Tit 2:11+; 1Pe 1:15; 2Pe 1:4 ✠ **1:76:** Yesa 40:3; Mal 3:1, 4:5; Mt 3:3, 11:9 ✠ **1:77:** Yer 31:34; Mt 1:21; Lu 3:3 ✠ **1:79:** Yesa 9:1+; Mt 4:16; Yo 8:12; Nģo 26:18 ✠ **1:80:** Lu 2:40,52

² Ingi zan urņana mataana kana ta ipet indeeņe Kirinius ikamam peeze pa lele pakaana ki Siria na.

³ Tana iwal timap ma tilala pa kar kizin kizin be tiur zan.

⁴ Mi Yosep tomini, ni izem kar Nasaret ta imboto Galilea na, mi isala pa kar ki Dabit, zaana Betelem, ta imboto Yudea na. Paso, ni uunu ipet la ki Dabit.✧

⁵⁻⁶ Tana ni ziru Maria ta tiroogi pini be iwooli na, tila be tiur zan. Indeeņe ziru timbotmbot Betelem na, Maria kopoono iwe roņroņ kana be ikam tomtom.

⁷ Mi ipeebe pikin tomooto munņamunņa, to izuki pa kawaala, mi ipegeeni sula koror ta imboto la mbili murin na. Tana timbotmbot raama zin mbili. Paso, len murin toro sa be timbot pa i som.

Anņela tipet kizin mboronņan kizin sipsip

⁸ Kar zilņana na, mboronņan pakan timborro sipsip kizin pa mbeņ.

⁹ Molo som na, anņela ki Merere ipet kizin. To azunņa ki Merere iyaara su ma iliu zin. Tabe motoņana biibi ikam zin ma tisaana kat.

¹⁰ Tamen anņela iso pizin. Iso: “Komoto pepe. Kelenņ. Nio anņmar be anņso yom pa uruunu ambainņana tabe ikam yom ta munņana men ma menmeen yom biibi.✧

¹¹ Mbeņ ta koozi, Ulaaņa tiom, ni tipeebi isu kar ki Dabit kek. Ni Mesia, mi ni Merere tiom.✧

¹² Mi koronņ tinņi ko iwe kilalan piom: Kala, to ko kere pikin ta tizuki pa kawaala, mi ikenne sula koror ta imboto la mbili murin na.”

✧ **2:4:** 1Sam 16:1; Yo 7:42 ✧ **2:10:** Nņo 13:52; Ro 15:13 ✧ **2:11:** Yesa 9:6; Mt 1:16,21; Nņo 2:36; Yo 3:17; 1Yo 4:14

13 Molo som na, iwal munjaana men ki kar saamba timeke ma tisu, mi tigaaba anjela tana ma tipakur Anutu pa mboe ta kembei. Tiso:

14 “Tapakur Anutu ta imbot kor a. Pa ni zaana biibi.

Wal ta so ni leleene pizin, nako lelen ndabok.

Pa ingi sua luumuɲana * isu toono kek.”✧

15 Tona zin anjela tizem zin, mi timiili ma tisala saamba mini. Mi zin mboronjan tiparso pizin ma tiso: “Ou, tamanga ta buri mi tala Betelem be tere koron ta Merere iso piti pa na.”

16 Tana lonja men mi tila. Mi tindeenje Maria ziru Yosep, mi pikin ta ikenne sula koror.

17 Tila ma tire i, tona tipit mbol pa sua ta anjela iso pa pikin tana.

18 Mi zin tomtom ta tileɲ sua kizin mboronjan na, timap timurur pa.

19 Tamen Maria ikam ngar pa mbulu ta boozomen tana ma iur se ndomoono.✧

20 Kaimer na, zin mboronjan timiili ma tila, mi tipakurkur Anutu mi tiwidit uruunu pa uraata boozomen ta tileɲ mi tire na. Paso, ila itoptop kat la anjela kaljaana tau.

Maria ziru Yosep tikam Yesu ma ila Urum Merere be tireeti

21 Aigule lamata mi tel ilae, to reetejana ka nol ipet. Mi tipaata zaana be Yesu. Pisis tana, Maria kopoono zen mi anjela iso la kini.✧

* **2:14:** Sua luumuɲana ti na, ka uunu ta kembei: Zaala tabe itinjan Anutu taparlup ti ma tewe tamen na Yesu tau. ✧ **2:14:** Yesa 57:19; Lu 19:38; Yo 14:27; Ro 5:1; Ep 2:14 ✧ **2:19:** Lu 2:51 ✧ **2:21:** Un 17:10; Mt 1:21,25

22 Timbotmbot ma irao nol tabe tiurpe zitun ma tingeeze mini pa Anutu mataana kembei ta tutu ki Mose iso na, to tikam pikin tina, mi tisala pa Yerusalem be tiuri ma iwe Merere lene.✧

23 Pa ka sua tibeede ila Merere tutu kini pataaŋa kek ta kembei:
Pikin tomooto boozomen ta muŋgamuŋa na, bela kakam zin ma tiwe Merere lene.✧

24 Tana ziru tila tiur pikin ma iwe Merere lene, mi tipatoron Merere pa mbalmbal munmun ru, bekenā Maria iŋgeze mini pa Anutu mataana. Tito tutu ta Merere iso na.✧

Mboe mi sua ki Simeon

25 Tomtom ta, zaana Simeon, ni imbotmbot Yerusalem. Ni tomtom ndeeŋeŋana mi imoto Anutu mi ilenŋen la kaŋaana. Mi iurur mataana pa mazwaana tabe Anutu ikam zin Israel ma timbot ambai mini. Mi Bubunana Potomŋana imbotmbot raami.✧

26 Mi Bubunana Potomŋana iso i kek ta kembei:
Ni ko imbotmbot mi ire Mesia ki Merere, mana imeete.

27 Yesu naana ma tamaana tikami ma tilela Urum Merere be tikam pini kembei ta tutu iso na. Mi indeeŋe tana, Bubunana ipaŋgutŋguutu Simeon ma imbotmbot lela Urum Merere leleene kek.

28 Tana ni ire pikin, to ikami mi imbaraari. Mi ipakur Anutu ma iso:

29 “O Merere, sua ta nu mbuk pa mbesooŋo ku, ta iŋgi iur ŋonoono kek.

✧ 2:22: Wkp 12:2+ ✧ 2:23: Kam 13:2,12 ✧ 2:24: Wkp 12:8

✧ 2:25: Yesa 40:1

Tana sombe anmeete, na anmeete lak. Nio ko anma raama lelen ambai.✠

30-31 Pa Ulaana ta ngo i ma imar be ikamke zin tomtom i,

ta swe i pizin tomtom ma tire i kek.

Mi itun anre kati tomini.✠

32 Ni ta ko iur mat pizin wal ta Yuda somjan i.

Mi ikam zin wal ku Israel ma zan iwe biibi.”✠

33 Yesu tamaana ziru naana tilen sua ta Simeon iso pa lutun na, tikam ngar boozo pa.

34-35 Tona Simeon ipombol ziru tomini, mi iso pa Yesu naana Maria ta kembei: “Lelen. Pikin taingi ko iwe uunu pizin Israel boozomen ma titoptop. Mi boozomen na, ni ko iwe zaala pizin be Anutu iwit zin. Pa ni ta ko iswe kat Anutu mbulu kini pizin tomtom, mi ikam ma ngar ta imbot la lelen na ipet mat. Tamen tomtom ko tikam sua boozo pini. Mi nu tomini ko yamaana kembei buza mataanaana ingal lelem.”✠

Merere kwoono Ana izzo Yesu ka sua

36 Mi Anutu kwoono moori ta, ni imbotmbot urum lene tomini. Ni zaana Ana, mi tamaana Panuel. Uunu ipet la ki Aser. Ni ra, iwe kolmanan kek. Mungu ziru waene timbot irao ndaama lamata mi ru men, to waene imeete.

37 Tabe ni iwe nora ma imbotmbot mi ingi ndaama kini irao tomtom pan kwoono pan (84). Mi ni imbesmbeeze pa Anutu lela urum lene ikot mben ma aigule. Izemzem som. Mi ingalseksek

✠ **2:29:** Un 46:30; Pil 1:23 ✠ **2:30-31:** Yesa 40:5, 52:10; Lu 3:6

✠ **2:32:** Yesa 42:6, 49:6; Ngo 13:47, 26:23 ✠ **2:34-35:** Yesa 8:14; Mt 21:42+; Yo 19:25; Ro 9:32+; 1Kor 1:23; 2Kor 2:16; 1Pe 2:7+

itunu pa kini kannana pa aigule pakan mi izunzun men.✧

³⁸ Indeenje kat ta Yosep bizin timbotmbot urum lene na, Ana imare kizin, to ipakur Anutu mi izzo pikin tana ka sua ila kizin iwal ta tiurur matan pa Anutu be ikamke Yerusalem na.✧

³⁹ Yosep ziru Maria tikam uraata boozomen ta tutu ki Merere iso na making to, timiili ma tila pa kar kizin Nasaret ta imbot Galilea na.✧

⁴⁰ Mi pikin itum ma iwe kaibinjana mi ikam ngar ambainjana ki Anutu ma imbol pini. Mi kampejana ki Anutu imbotmbot se kini.✧

Yesu nangajjana mi ila Urum Merere

⁴¹ Ndaama ta boozomen Yesu naana ma tamaana tilala Yerusalem pa lupjana biibi ki Pasoba.✧

⁴² Indeenje Yesu ndaama kini iwe laamuru mi ru na, ni zinan tito mbulu tana mi tisala pa Yerusalem.

⁴³⁻⁴⁴ Lupjana imap, tona Yosep ziru Maria timanga be timiili pa kar kizin. Mi Yesu, ni imborene su Yerusalem. Mi tamaana ma naana tiute som. Tindemeere ma tiso ko ni zinan wal pakan timuungu ma tila kek. Tiwwa ma tila mi rou na, tikir mataana. Tabe tila ki tonmatizij kizin ma tiwi zin pini.

⁴⁵ Tamen tindeenji som. Tana timiili ma tila mini pa Yerusalem be tiru i.

⁴⁶ Tiru i ma aigule iwe tel pa i, to tindeenji lela Urum Merere leleene. Ni zinan zin wal ta tikamam

✧ **2:37:** 1Tim 5:5 ✧ **2:38:** Yesa 52:9; Lu 1:68 ✧ **2:39:** Mt 2:23

✧ **2:40:** Lu 1:80, 2:52 ✧ **2:41:** Kam 23:14+

sua pizin tomtom i timbutultul, mi ilenlen zin mi ikamam wiņana pizin.

47 Mi zin wal ta tileņ i na, kwon itaanda pa ngar kini mi pekelnana kini.✠

48 Beso tamaana ma naana tire i na, timurur. Mi naana ila ma iso pini. Iso: “Wai lutuņ, parei ta kam mbulu ta kembei pa niamru tomom? Kopoyam rru pu ma ambel ruņom kek.”

49 To ni iso: “Wa, kuru yo paso? Niom kuute som? Nio bela anbot lela Tamaņ urum kini mi angaabi pa uraata kini.”✠

50 Tamen ziru tikam ngar pa sua kini tina som.✠

51 To ziņan timaņga, mi timiili ma tila pa Nasaret. Mi ni ilenlen la kalņan men. Mi mbulu ta boozomen tana na, naana ikam ngar pa ma iur se ndomoono.✠

52 Mi Yesu itumtum, mi ngar kini izze pa koron ki Anutu. Tana Anutu leleene ndabok pini. Mi zin tomtom ta kembena. Lelen ndabok pini.✠

3

*Yoan, tomtom ki yok kamņana
(Mt 3:1-12; Mk 1:1-8; Yo 1:19-28)*

1 Indeeņe ta Kaisa Tiberius ikamam peeze pa toono biibi ki Rom ma irao ka ndaama lamoro mata i, na Pontius Pilatus ni gabana ki lele pakaana ki Yudea, mi Erot imborro lele pakaana ki Galilea, mi toono Pilip imborro lele pakaana ki Iturea ma Trakonitis, mi Lisanius imborro lele pakaana ki Abilene.

✠ 2:47: Mt 7:28 ✠ 2:49: Yo 2:16 ✠ 2:50: Mk 9:32; Lu 9:45, 18:34 ✠ 2:51: Kam 20:12; Lu 2:19 ✠ 2:52: Lu 2:40

² Mi Anas ziru Kaipas ta bibip kizin patoronḡana kan.✧ Indeeḡe mazwaana tana, Yoan ta Sakaria lutuunu na, imbotmbot lele bilimḡana mi Anutu kalḡaana imar kini.

³ Tana Yoan imaḡa ma iwwa pa lele boozomen ta timbot tigarau yok Yordan na, mi izzoyaryaara sua pizin iwal be titooro lelen mi tikam yok. Naso Anutu ireege sanaana kizin.✧

⁴ Tana sua ki Anutu kwoono Yesaya ta tibeede se ro na, iur ḡonoono. Sua ta kembei: Kalḡaana ta iboboobo su lele bilimḡana ma iso: Kuurpe zaala pa Merere! Kapazal zaala pini.

⁵ Lele ḡgoloblooboḡan ta boozomen na, bela timun. Mi abal ma lele dogodogoḡan ta boozomen na, kataara zin ma raraate. Zaala kokoogoḡan na, kapazal zin. Mi zaala sananḡan na, kuurpe ma ambai.

⁶ Mi tomtom ta boozomen ko tire uraata biibi tabe Anutu ikam bekena ikamke zin tomtom pa i.✧

⁷ Zin iwal biibi ta timar kini be ikam yok pizin na, ni izzo pizin ta kembei: “Niom tina sananḡoyom kat kembei mooto sananḡana lutuunu bizin! Lak, asiḡ iso yom, ta iḡi kamar ti be koko pa Anutu kete malmalḡana kini?✧

⁸ Kozobe kotooro kat leleyom, so kipiyooto ka mbulu ambaimbaiḡan pakan. Mi iḡi som. Niom kozzo Abaraam popoḡana kini ta niom. Ambai. Mi kapase pa koroḡ tana pepe. Pa nio aḡso kat piom:

✧ **3:2:** Mt 26:3; Yo 18:13; ḡgo 4:6 ✧ **3:3:** ḡgo 22:16; 1Pe 3:21

✧ **3:6:** Mbo 98:2; Yesa 40:3-5, 52:10 ✧ **3:7:** Mt 12:34, 23:33

Anutu, ni irao iso pizin pat tingi ma timanja mi tiwe Abaraam poponjana kini.✠

⁹ Mi kere. Ke boozomen ta tipiyotyooto nonon ambaimbaijan som na, ingi be nakabasi ikan zin ma tisu len be tisala you.”✠

¹⁰ To zin iwal tiwi i. Tiso: “Wai. Kena ko amkam parei?”

¹¹ Tana Yoan ipekel kaljan ma iso: “Tomtom sa sombe le kawaala ru, na ikam tasa pa tomtom ta lene som na. Mi tomtom ta sombe ka kinijana, na ni ikam ta kembena tomuni.”✠

¹² Mi zin wal ta tiyyo takesjan i, timar be tikam yok tomuni. Tana tiso pini ma tiso: “Mos katuunu, parei pa niam ti? Ko amkam parei?”✠

¹³ Yoan iso pizin ma iso: “Sombe koyyo takes na, koyyo men ta irao pa kin ta zin bibip tiur piom na. Koyo pakan ma isala ki pepe.”✠

¹⁴ To malmal kan pakan tomuni tiwi i ma tiso: “Mi niam na, ko amkam parei?” Mi ni iso pizin: “Keseeze tomtom matan mi kapamoto zin mi kapakaam zin be kakam kuumbu pa koronj kizin pepe. Kadoono ta so bibip tiom tikam piom na, leleyom ambai pa. Pa ina irao.”

¹⁵ Iwal biibi tiurur matan pa Mesia be imar. Tana tire uraata ki Yoan mi tikam ngar boozo ma tiso Yoan ti ko Mesia ma ingi.

¹⁶ Mi Yoan isu to iso pizin iwal biibi tana ta kembei: “Nio ingi anjam yok piom. Mi tomtom ta mburaana ilip kat pio, ta ingi be imar i. Nio anre itun kembei anrao pini risa som kat. Uraata sorokjana

✠ **3:8:** Mt 7:17+; Yo 8:33,39; Ro 2:28+; Ga 3:7 ✠ **3:9:** Mt 7:19

✠ **3:11:** Mt 25:35+; 2Kor 8:14; Yems 2:15+; 1Yo 3:17 ✠ **3:12:** Lu

7:29 ✠ **3:13:** Lu 19:8

kembe i kumbu keteene ka wooro putkenjana na, ina tomini, anrao ankam pini na som. Mi ni ta ko ikam Bubunana Potomjana raama you ma isalakaala yom.✠

17 Koron imbot la namaana keteene kek be ipelele kini. Ambaimbaijan ko izulla kiri kini mi ikam ma ila ruumu kini. Mi sananjan ramaki musmuuzu, nako ni itun pa you ta irao imap na som.”✠

18 Yoan ipombolmbol zin tomtom pa sua pakan tomini, mi izzoyaryaara uruunu ambaijana pizin bekenan tilej mi titooro lelen.

19 Kaimer to iyaamba Erot ta imborro lele pakaana ki Galilea na. Paso, ni iwoolo kana toono kusiini Erodias, mi ikamam mbulu sananjan pakan tomini.

20 To Erot ikam mbulu toro mini ma isala ki, mi izeebe Yoan lela ruumu sanaana.✠

*Yesu ikam yok
(Mt 3:13-17; Mk 1:9-11)*

21 Indeeje ta zin iwal biibi tikamam yok na, Yesu tomini, ni ila ma ikam yok. Ikam yok makinj, mi izunzunj ma imbotmbot, to saamba ikaaga,✠

22 mi Bubunana Potomjana iwe kembei mbalm-bal, mi isu ma imbot sala njwaana. To tilej kaljana ta imbot saamba mi isu ma isombe: “Nu na, nio lutunj nonono. Nio lelenj ambai pu, mi lelenj pu ilip.”✠

✠ **3:16:** Mt 3:11; Yo 1:33; Ngo 1:5, 2:3 ✠ **3:17:** Mt 13:30 ✠ **3:20:** Mt 14:3+; Mk 6:17+ ✠ **3:21:** Yo 1:32 ✠ **3:22:** Mbo 2:7; Yesa 42:1; Mt 17:5; Yo 1:32; Ngo 10:38

*Yesu uunu bizin ta ipet pa i
(Mt 1:1-17)*

²³ Yesu ndaama kini iwe tomoota laamuru, mi imanja pa uraata kini. Zin tomtom tire i kembei ni Yosep lutuunu. Mi Yosep, ni tamaana Eli.✧

²⁴ Eli tamaana Matat, Matat tamaana Lebi, Lebi tamaana Melki, Melki tamaana Yana, Yana tamaana Yosep,

²⁵ Yosep tamaana Matatias, Matatias tamaana Amos, Amos tamaana Naum, Naum tamaana Esli, Esli tamaana Nagai,

²⁶ Nagai tamaana Maat, Maat tamaana Matatias, Matatias tamaana Semein, Semein tamaana Yosek, Yosek tamaana Yoda,

²⁷ Yoda tamaana Yoanan, Yoanan tamaana Resa, Resa tamaana Zerubabel, Zerubabel tamaana Sealtiel, Sealtiel tamaana Neri,

²⁸ Neri tamaana Melki, Melki tamaana Adi, Adi tamaana Kosam, Kosam tamaana Elmadam, Elmadam tamaana Er,

²⁹ Er tamaana Yosua, Yosua tamaana Elieser, Elieser tamaana Yorim, Yorim tamaana Matat, Matat tamaana Lebi,

³⁰ Lebi tamaana Simeon, Simeon tamaana Yuda, Yuda tamaana Yosep, Yosep tamaana Yonam, Yonam tamaana Eliakim,

³¹ Eliakim tamaana Melea, Melea tamaana Mena, Mena tamaana Matata, Matata tamaana Natan, Natan tamaana Dabit,

³² Dabit tamaana Yesi, Yesi tamaana Obet, Obet tamaana Boas, Boas tamaana Salmon, Salmon tamaana Nason,✧

✧ **3:23:** Lu 4:22; Yo 6:42 ✧ **3:32:** Rut 4:17-22

³³ Nason tamaana Aminadap, Aminadap tamaana Admin, Admin tamaana Ani, Ani tamaana Ezron, Ezron tamaana Peres, Peres tamaana Yuda,✧

³⁴ Yuda tamaana Yakop. Yakop tamaana Isak, Isak tamaana Abaraam, Abaraam tamaana Tera, Tera tamaana Naor,

³⁵ Naor tamaana Serug, Serug tamaana Reu, Reu tamaana Peleg, Peleg tamaana Eber, Eber tamaana Sela,

³⁶ Sela tamaana Kainan, Kainan tamaana Apaksad, Apaksad tamaana Sem, Sem tamaana Noa, Noa tamaana Lamek,

³⁷ Lamek tamaana Metusela, Metusela tamaana Enok, Enok tamaana Yaret. Yaret tamaana Malalel, Malalel tamaana Kenan.

³⁸ Kenan tamaana Enos, Enos tamaana Set, Set tamaana Adam, Adam tamaana Anutu.✧

4

Sadan itoombo Yesu (Mt 4:4-11; Mk 1:12-13)

¹ Bubunjana Potomjana izeebe Yesu, to izem yok Yordan, mi Bubunjana ipangutnguuti ma ila iwwa pa lele bilimjana pa aigule tomtooru.

² Mi Sadan iwedet kini mi itomtoombi. Mazwaana tana, Yesu ikan kini sa som, tabe peteli ma isaana kat.

³ Tana Sadan ipet kini mi iso: “Lak, nu sombe Anutu Lutuunu, na ur sua pizin pat ti, bekena iwe kom kini ma kan.”

⁴ Tamen Yesu ipekel kwoono ma iso: “Sua imbot pataanja kek ta kembei:

✧ 3:33: Un 29:35 ✧ 3:38: Un 1:27

Kini men ko irao ikis tomtom sa ma imbot ndabok na som.”✧

⁵ Tona Sadan ikami ma tisala lele ta imbot kor kat. To karau men mi iso i pa lele mi toono ta boozomen ma imap.

⁶⁻⁷ Mi iso pini mā iso: “Re. Koronj tau ndabok-bokņan mi zannan mi mburanņan taiņgi, nio ko anķam ma iwe lem. Pa koronj ta boozomen taiņgi imar nomonj kek. Tana sombe leleņ be anķam pa tomtom sa, na irao anķam pini. Mi nu itum tau. Sombe lek kumbum pio mi pakur yo, na koronj taiņgi ko imap ma iwe lem.”✧

⁸ Tamen Yesu ipekel kwoono ma iso: “Sua imbot pataņa kek ta kembei: Lek kumbum pa Merere Anutu ku mi mbeeze pa ni itutamen.”✧

⁹ Mi Sadan ikam Yesu ma tila Yerusalem, mi tisala pa Urum Merere uteene, to iso lae pa Yesu ma iso: “Sombe nu Anutu Lutuunu, na mbot ti mi lu u ma sula.

¹⁰⁻¹¹ Pa sua imbot pataņa kek ta kembei: Ni ko iur sua pizin anęla kini be timboro u mi matan pū. Mi zin ko tisiibu, kokena punu se pat.”✧

¹² Tamen Yesu ipekel kwoono ma iso: “Tamen sua lwoono toro iso ta kembei: Nu irao toombo sorok Merere Anutu ku mburaana pepe.”✧

✧ **4:4:** Lo 8:3; Yesa 55:1-2 ✧ **4:6-7:** Yo 12:31; 2Kor 4:4; 1Yo 2:15+
 ✧ **4:8:** Lo 6:13, 10:20 ✧ **4:10-11:** Mbo 91:11+ ✧ **4:12:** Lo 6:16; 1Kor 10:9

13 Tana Sadan itoombo Yesu pa zaala ta boozomen ma som, to izemi ma imbot nana ri.✠

*Yesu imanga pa uraata kini isu Galilea
(Mt 4:12-17; Mk 1:14-15)*

14 Toombojana tana imap na, Bubujana Potomjana mburaana izeebe kat Yesu. To imanga mi imiili ma ila pa Galilea. Mi uruunu irak ma irao lele.

15 Ni ikamam sua pizin tomtom isu lupjana muriini kizin kizin, mi iwal biibi ta tilen sua kini na, tiwidit uruunu.

*Zin Nasaret kan tiurla ki Yesu som mi tirepiili i
(Mt 13:53-58; Mk 6:1-6)*

16 Yesu ila kar kini Nasaret. Indeeje ta ni musaana mi imar na, imbotmbot kar ta tana. Mi indeeje aigule potomjana tabe keten su pa i na, ilela lupjana muriini. Pa mbulu kini ta kembeanjana. Ni ilela, to imanga mi imender la iwal biibi matan be ipaata sua.✠

17 Mi tisara ro ta sua ki Anutu kwoono Yesaya imbot se na ila kini, to ipeepele ma indeeje sua ta iso ta kembei. Isombe:

18-19 Merere Bubujana mburaana ise tio kek.

Pa ni iroogo yo mi iur yo be anla ansoyaara uruunu ambainjana pizin tomtom ta timbot njoobona.

Mi ingo yo be anso pizin wal ta timbot la kan koi bizin naman na ta kembei:

“Koyooto ma kala. Kosa sa ipakaala yom mini som.”

Mi zin wal ta matan pisnan na, ingi be matan peere.

✠ 4:13: Ibr 2:18, 4:15 ✠ 4:16: Mt 2:23

Mi zin wal ta tomtom tiseezeze matan mi tikototo zin na, nio anmar be anjatke zin pa patajana kizin.

Mi anmar be ansoyaara sua pizin tomtom ta kembei: Nol tabe Merere iswe kat kampejana kini i, ta ipet kek.”✧

²⁰ Yesu ipaata sua ma imap, to ilek ro mi iur la ki urum tuunu. Tona mbuleene su be iso ka ngar pizin. Tabe zin iwal ta timbot tina tikor matan pini.

²¹ Mi ni imanğa pa sua ta kembei: “Sua ta kelenlej i, koozi iur nonoono kek.”

²² Iwal biibi tilenlej sua ta ni izzo pa kampejana ki Anutu na, tiwit uruunu mi tikam ngar boozo pa. To tisu na tiparzzo pizin. Tiso: “Wai, to ti, ni Yosep lutuunu tau. Mi parei ta ni irao izzo sua ta kembei?”✧

²³ Tana Yesu iso pizin ta kembei: “Nio anjute. Niom inği be koso yo pa sua ta gorgori tizzo na ma kosombe: ‘Nu tomtom ta urpewe zin tomtom pa mete kizin na, motom inğal be urpe itum mungu. Mbulu ta amlej nu kamam su kar Kapenaum na, parei ta kam su tinği som? Pa inği sa itum kar ku na.’”✧

²⁴ To Yesu iseenge sua kini mini ma iso: “Nio anso kat piom: Tomtom ta so iwe Anutu kwoono, na itunu wal kini ko tiur lelen pini som.”✧

²⁵ Mbulu ta ipet mungu na, motoyom inğal som? Indeeje gorgor ki Anutu kwoono İlia na, yan isu som pa ndaama tel mi pakaana. Tana peteele biibi

✧ **4:18-19:** Yesa 61:1+; Yo 3:34; 2Kor 6:2 ✧ **4:22:** Mk 1:22; Yo 6:42, 7:15 ✧ **4:23:** Mk 1:21+ ✧ **4:24:** Mt 13:57; Yo 4:44

ikam zin. Mi Israel nan na, noroŋa boozomen timbotmbot.✧

²⁶ Tamen Anutu inŋo Ilia ma ila be iuulu kizin tasa na som. Ni inŋo i ma ila ki nora ta, ta imbot su kar Sarapet ta imbot lele pakaana ki Sidon na.✧

²⁷ Mi indeeŋe gorgor ki Anutu kwoono Elisa tomini na, zin Israel tomtom kizin boozomen ta mbetmbeete sananŋana ikam zin. Tamen Elisa iurpe tomtom kizin tasa som. Iurpe Naeman itutamen ma mete iko pini. Naeman tana tomini, tomtom ki lele pakaana toro zaana Siria.”✧

²⁸ Iwal biibi ta timbotmbot lela lupŋana leleene na, tileŋ Yesu sua kini, to keten ibeleu kat.

²⁹ Tana timaŋga mi tiziiri i pa kar, to tiyaaru tataati ma tisala pa lele ndomoonoŋana ta kar kizin imbot pa na. Mi tisombe tipiri i sula pa lele sipkatŋana.

³⁰ Som, mi ni ipa pa mazwan, mi ibeleu ma imar ila lene.✧

*Yesu iziiri bubuŋana sananŋana pa tomtom ta
(Mk 1:21-28)*

³¹ Yesu imaŋga mi isula pa kar ta ki Galilea, zaana Kapenaum. Mi indeeŋe aigule potomŋana tabe keten su pa i na, ni ikamam sua pizin tomtom.

³² Mi zin tileŋ sua ma kwon itaanda. Pa ni izzo katkat sua raama mburaana kembei ta tomtom ta zaana pa uraata kini.✧

³³ Mi lupŋana muriini leleene na, tomtom ta imbotmbot. Ni, bubuŋana sananŋana izeebi. Tana iboobo mi kalŋaana izalla ma iso:

✧ **4:25:** 1Kin 17:1, 18:1; Yems 5:17+ ✧ **4:26:** 1Kin 17:8+

✧ **4:27:** 2Kin 5:1+ ✧ **4:30:** Yo 8:59, 10:39 ✧ **4:32:** Mt 7:28+; Yo 7:46

34 “Aii, Yesu ki Nasaret, nu sombe kam parei piam? Ingi mar be pambiriizi yam? Nio anjilaalu kek. Nu Anutu tomtom kini potomņana.”✠

35 Tamen Yesu inņasaari ma iso: “Hait, mane mi yooto pini!” Tona bubuņana sananņana ipalkeete tomtom tana isu iwal biibi keren uunu mi iyooto pini. Mi ikam kosa sa pini som.

36 Zin iwal biibi tire mbulu tina ma timurur pa Anutu mburaana. To tiparso pizin ma tiso: “Ingi sua ti pareiņana? Ingi kembei tomtom tiņgi le mburaana mi zaana be iur sua pizin bubuņana sananņan ma tiyooto ma tila len.”

37 Ingi uunu tiņgi tabe Yesu uruunu irak ma irao lele pakaana tina.

Yesu iziiri mete pizin wal boozomen
(Mt 8:14-17; Mk 1:29-34)

38 To Yesu imanņa ma izem lupņana muriini tana, mi ilela Simon ruumu kini. Mi Simon rwoono mooribi, ni kuliini ibayou kat ma ikenne. Tabe titaņroro Yesu be iuuli.

39 Tona Yesu ila ma imender salakaali, mi iyaamba mete tana be iyooto pini. To mooribi tana, burup ma imanņa, mi ila iurpe kan kini.

40 Rou ma zoņ isula na, zin iwal tiyyo zin tomtom kizin ta mete matakiņa ikam zin na, ma tilala kini be iuulu zin. Mi ni iur namaana salakaala zin tataņa, mi iurpe zin ma nin ambai lup.

41 Mi bubuņana sananņan tomini tiyotyooto pizin tomtom, mi kalņan izalla ta kor a ma tizzo: “Nu Anutu Lutuunu tau.” Tamen ni iyaamba zin

✠ 4:34: Mt 8:29; Mk 1:24; Yems 2:19

mi ipeteke zin be tiswe i pepe. Paso, zin tiute: Ni ta Mesia.*

*Yesu izzoyaryaara sua pizin tomtom
(Mk 1:35-39)*

⁴² Mbenbenjana mi Yesu imanga ma ila pa lele ta ka tomtom somjana i bekena itutamen imbot. Mi som. Pa tomtom pakan tiru i ma timar. Beso tindeeni na, tisombe tiruuti. Kokena izem zin.*

⁴³ Tamen ni imanga mi iso: “Som. Nio bela anla ma ansoyara uruunu ambainana pa peeze ki Anutu ila kar bibip pakan tomini. Pa Anutu injo yo pa uraata ta kembei.”*

⁴⁴ Tana ni iwwa pa lele pakaana ta zin Yuda timbotmbot pa na, mi izzoyaryaara sua lela lupjana muriini kizin kizin.

5

*Yesu iboobo zin nanjaj mataana kan
(Mt 4:18-22; Mk 1:16-20)*

¹ Aigule ta na, Yesu imendernder su peende ki yok tatiliujana Genesaret. Mi zin iwal biibi timokor la kini, mi tiliu i ma sik be tilej len sua ki Anutu.

² Mi ni mataana ila na, ire woongo ru ta tiyaaru sala ma timbotmbot. Pa katuunu bizin tisu ma tila tingurnguuru pu kizin.

³ Woongo ta na, ki Simon. Tana Yesu ila ma iso pini be iyaaru ma isula. To ise mi tikeltapaari ma tiperae nana ri. Tana ni mbuleene sala woongo tana, mi ikam sua pizin iwal biibi.

* **4:41:** Mk 1:24+, 3:11+ * **4:42:** Mbo 5:3; Mt 14:23; Mk 6:46

* **4:43:** Lu 8:1; 1Kor 9:16

⁴ Ikam sua pizin ma imap, to iso lae pa Simon: “Kozo ngaltekeere ri mi teperae lijana, to pu tiom isula. Pa iŋga ye murin.”

⁵ Simon ipekel kaljaana ma iso: “Wai mos katu-unu, mbeŋi amnok amnok ma som. Tamen iŋgi nu so, tana ko pu isula.” ☆

⁶ Beso timaŋga pa na, pu be rek.

⁷ To tikoolo lela pa waen bizin be tikam woŋgo toro ma tipet mi tiuulu zin. Zin timar mi tikinke zin ye pa pu ma tisula woŋgo ru mabe timonmon.

⁸ Simon Petrus ire mbulu tana na, itop su Yesu kereene uunu mi iso: “Biibi, mbot molo pio. Pa nio tomtom sananŋoŋ.” ☆

⁹⁻¹⁰ Ni iso ta kembei paso, ziŋan waene bizin ta timbot woŋgo na, tire mbulu ki ye kamjana tana ipa ndel kat. Tabe timurur pa Anutu mburaana. Mi zin men som. Yems mi Yoan ta Zebedi lutuunu bizin mi tigabgaaba Petrus pa uraata na, zin tomini timurur pa.

Tamen Yesu iso pa Petrus ma iso: “Moto pepe. Indeeŋe ta koozi ma ila na, nu ko kam zin tomtom ta kembei.”

¹¹ Tana tiyaaru woŋgo kizin ma tisala peende, to tizem koronj kizin ta munjaana men ma imborene lup, mi tito i. ☆

Yesu iurpe tomtom ta mbetmbeete sananjana ikami

(Mt 8:2-4; Mk 1:40-45)

¹² Indeeŋe Yesu imbotmbot kar ta na, tomtom ta, ni mbetmbeete sananjana ikam kati. Imar ma ire Yesu, to itop su kereene uunu, mi itanoro i ma iso:

☆ **5:5:** Yo 21:3+ ☆ **5:8:** Yesa 6:5; 1Tim 1:15+ ☆ **5:11:** Lu 5:28, 14:33; Pil 3:7+

“O biibi, sombe lelem isaana pio, na nu rao ziiri mete tio ti ma kuliŋ iŋgeeze mini.”

¹³ Mi Yesu namaana ila ma iteegi, mi iso: “E, nio lelenj be aŋuulu u. Kulim ambai lak.” To loŋa men mi mete tana iko pini ma kuliini iŋgeeze mini.

¹⁴ To Yesu ipeteke i be iso tomtom sa pa mbulu tana pepe. Mi iso pini. Iso: “La ma pamaala itum pa patoronŋana ka tomtom sa muŋgu. To kam patoronŋana pa kulim ta iŋgeeze na, kembei ta tutu ki Mose iso na. Naso ipombol zin patoronŋana kan be tiurla tio.” ✧

¹⁵ Tamen uraata kini uruunu irak ma iwe biibi ma ilala, tabe zin iwal timekewe ma tilala kini be tilenlenj mibe iurpewe zin pa mete kizin.

¹⁶ Mi lwoono pakan na, ni izemzem zin iwal, mi ilala pa lele bilimŋana be izuŋzuŋ. ✧

*Yesu iurpe tomtom narapeŋana ta
(Mt 9:1-8; Mk 2:1-12)*

¹⁷ Aigule ta na, Yesu ikamam sua pizin tomtom. Mi zin tutu kan mi ŋgarŋan pakan ki tutu, ta ziŋan timbotmbot. Wal tana, pakan timar pa kar ta boozomen ki Galilea, pakan timar pa Yudea, mi pakan timar pa Yerusalem. Mi Merere mburaana imbota se ki Yesu, tana ni irao be iurpe zin metenjan.

¹⁸ Timbotmbot mi wal pakan tisiŋ tomtom narapeŋana ta ma timar. Mi tirru zaala be tikami ma tilela ruumu mi tiuri su Yesu kereene uunu.

¹⁹ Tamen zalan sa som. Pa iwal biibi mete. Tana tikami ma tisala pa ruumu uteene, to tipetepis ruumu uteene, mi titu i ma isula ma indeenje kat Yesu ziŋan iwal biibi keren uunu.

✧ **5:14:** Wkp 14:1+; Lu 17:14 ✧ **5:16:** Mt 14:23; Mk 1:35, 6:46

20 Yesu ire wal tina urlañana kizin imbol kat. Tana iso pa tomtom narapeñana tina ma iso: “Tizin, sanaana ku ta añreege pu ma ila ne kek.” ✧

21 Tabe zin tutu kan mi zin ngarñan ki tutu tisu mi tiparzzo pizin. Tiso: “Ingi so tomtom ta ipasansaana sua pa Anutu i? Tomtom sa irao be ireege sanaana? Anutu itutamen ta irao.” ✧

22 Mi Yesu, ni iute ngar kizin kek. Tana ipekel kwon ma iso pizin. Iso: “Wai, parei ta leleyom iurur mi kakamam ngar boozo?”

23-24 Sua tanjoi ta imarra be añso? Añso pa tomtom tainji be añreege sanaana kini, som añso pini be burup ma imanja mi ipa? Mi leleñ be niom kuute kat ta kembei: Tomtom Lutuunu, ni zaana be ireege sanaana kizin tomtom isu toono.” Iso sua tana ma imap, to iso pa tomtom narapeñana tana ta kembei: “Nio añso pu: Manja, lek mi ku, mi la pa ruumu ku.” ✧

25 To wal ta boozomen tikor matan pa nara-peñana tina, mi ni imanja ma ilek mi kini, mi iwidit Anutu uruunu mi ila pa ruumu kini.

26 Mi zin iwal ta tire mos tana na, timurur pa Anutu mburaana mi tipakur zaana. Mi motoñana biibi ikam zin ma tiso ta kembei: “Wai, mbulu ta koozi tere na, ipa ndel kat. Takam ngar pa ma tarao som.”

Yesu iso pa Lebi ma ito i
(Mt 9:9-13; Mk 2:13-17)

27 Yesu izem kar tina, mi ila, to ire tomtom ta iyyo takes ñana i, zaana Lebi. Ni imbutultul su

✧ 5:20: Lu 7:48 ✧ 5:21: Mbo 32:5; Yesa 43:25; Mika 7:18; Lu 7:49 ✧ 5:23-24: Yo 5:8

uraata kini muriini. Yesu ila to iso pini. Iso: “Mar to yo!”

²⁸ To Lebi imanja ma izem koronj kini ta munjaana men ma imborene, mi ito Yesu. ✧

²⁹ Kaimer to Lebi ikam kini biibi pa Yesu isu ta ruumu kini a. Mi wal boozo ta tiyyo takesnan i, zinan zin tomtom pakan timar ma zinan timbotm-bot mi tikanan kini.

³⁰ Wal tutu kan pakan zinan gaabanjan kizin ta len ngar biibi pa tutu i tire mbulu tana, to timanja mi tikam nununjunun pa. Mi tiso pizin nanjan ki Yesu ma tiso: “Wai, parei ta niom tina kagabgaaba zin wal ta tiyyo takesnan i mi zin wal sananjan ma niomjan kakanan mi kiwinin la mbata?” ✧

³¹ Yesu ipekel kwon ma iso: “Parei? Tomtom ta iurpewe zin metenjan i, ko ila pizin wal ta nin ambaimbanjan? Som. Ni ilala be iuulu zin metenjan.

³² Mi nio ta kembena. Anmar be anboobo zin wal ndeenjan na som. Anmar be anboobo zin wal sananjan bekeno titooro lelen mi tizem mbulu kizin sananjan.” ✧

Winjana pa mbulu ki kini ngalsekana

(Mt 9:14-15; Mk 2:18-20)

³³ To zin tiso: “Zin nanjan ki Yoan na, tingalsekek zitun pa kini kannana bekeno matan ingal Anutu mi tikamam sunjan. Mi zin tutu kan tomini, nanjan kizin tikamam ta kembei. Tamen nu ku na, som. Tikanan ma tiwinin pa aigule ta boozomen.”

³⁴ Tona Yesu ipekel kwon ma iso: “Ambai. Mi ta sombe tikam kini biibi pa ula poponana sa, mi ni

✧ 5:28: Lu 5:11, 14:33; Pil 3:7+ ✧ 5:30: Lu 15:1+ ✧ 5:32: Yo 3:17; 1Tim 1:15

ziŋan toroono bizin timbotmbot, ko kuur ŋgalseki pizin pa kini kanŋana? Som. ☆

³⁵ Mi kaimer, ma sombe wal sa timar mi tikam tomtom ta iwoolo popoŋana na ma izem zin, tona toroono bizin tana ko lelen ipata mi tiŋgalsek zitun pa kini kanŋana.”

Zaala muŋguŋana irao igaaba zaala popoŋana na som

(Mt 9:16-17; Mk 2:21-22)

³⁶ Yesu iso makin, mi ikam sua tooroŋana taiŋgi pizin tomini: Isombe: “Lak, ko teyembut kawaala popoŋana pakaana mi tesesekaala la ki kawaala muŋguŋana? Som. Kokena ipasaana kawaala popoŋana. Mi tomini, kawaala popoŋana tana, ko raraate pa muŋguŋana som.

³⁷ Mi yok baen popoŋana ta kembena. Ko tilij sula baen putuunu muŋguŋana? Inako som tomini. Kokena baen popoŋana iti putuunu muŋguŋana, to imapaala mi baen borok su lene. To baen raama putuunu tisaana lup.

³⁸ Som. Baen popoŋana bela isula putuunu popoŋana. ☆

³⁹ Mi zin wal ta tiwinin baen muŋguŋana na, lelen pa popoŋana som. Pa ina kola tiso ta kembei: ‘E-e, kanda muŋguŋana men imar. Pa ina ambai.’ ” ☆

6

Yesu ta imborro aigule potomŋana
(Mt 12:1-8; Mk 2:23-28)

☆ **5:34:** Yo 3:29 ☆ **5:38:** Nŋo 15:1+; Ro 10:4; Ibr 8:13 ☆ **5:39:** Ro 10:16

¹ Indeeje aigule potomɲana ta kizin Yuda tabe keten su pa i, na Yesu ziɲan naɲgaɲ kini tiwwa pa zaala ta ıla pa wit lene. Mi naɲgaɲ kini tiwwa ma tila, mi tikewe ɲonon ma timbulmbuulu se naman be kulin ikam pokpok mi tikanan.*

² Mi tutu kan pakan tire zin, to tiwi zin. Tiso: “Ai, iɲgi sa aigule potomɲana tabe ketende su pa i. Kekewe wit ɲonon paso? Pa mbulu ta kembei na, tutu iɲgalsek pa.”*

³ Yesu isu to ipekel kwon ma iso: “Sua ta iso pa mazwaana ta king Dabit ziɲan wal kini petel zin ma tiru zalan na, niom kapaata som?”

⁴ Sua tana iso ta kembei: Mazwaana tana, Dabit ilela beeze ki Anutu, mi ikam narabu potomɲana ta tiurur la Anutu kereene uunu na. Narabu tana, ka ɲgalsekiɲana. Pa tutu iso zin patoronɲana kan men ta tirao be tikan. Mi som. Dabit ikam ma ikan, mi ikam pizin wal kini ma tikan tomini. Mi ka sua sa som.”*

⁵ To Yesu iseɲge sua kini ma iso: “Aigule potomɲana tabe ketende su pa i, na Tomtom Lutuunu ta imborro.”*

Yesu iurpe tomtom nama kaamaɲana pa aigule potomɲana

(Mt 12:9-14; Mk 3:1-6)

⁶ Indeeje aigule potomɲana toro tabe keten su pa i na, Yesu ilela lupɲana muriini ta, mi ikamam sua ki Anutu pizin tomtom. Mi tomtom ta imbotnbot lela lupɲana tana. Ni namaana wono ikaama.

⁷ Mi zin ɲgaɲɲan ki tutu ziɲan zin tutu kan pakan tireudut Yesu, beso ni iurpe tomtom tina pa aigule

* **6:1:** Lo 23:25 * **6:2:** Kam 20:10, 34:21 * **6:4:** Wkp 24:5+; 1Sam 21:1+ * **6:5:** Kol 2:16+

potomņana, tonabe iwe le uunu be tiņgal mataana pa.

⁸ Tamen Yesu, ni ikam la ņgar kizin kek. Tana iso pa tomtom nama kaamaņana tina ma isombe: “Maņa mi mender la iwal biibi matan.” To ni imaņa ma imender.

⁹ Mi Yesu iwi zin ma iso: “Lak. Aņwi yom. Mbulu pareiņana ta ito kat aigule potomņana ka tutu. Takam mbulu ambaiņana, som mbulu sananņana? Tu'uulu zin tomtom, som tapasaana zin?”

¹⁰ Mi mataana ikam zin iwal maķiņ, to iso pa tomtom tana. Iso: “Swooro nomom.” Beso iswooro namaana na, ambai.

¹¹ Tabe zin tutu kan keten ibeleu kat mi tiparso pizin ma tiso: “Iņgi kozo ko takam parei pini?”

*Yesu ipeikat naņgaņ laamuru mi ru ma tiwe lene
(Mt 10:1-4; Mk 3:13-19)*

¹² Mbeņ ta na, Yesu isala abal ta be isuņ pa Anutu. Izuņzuņ ma ila berek,

¹³ to iboobo zin naņgaņ kini ma timar, mi ipeikat tomtom kizin laamuru mi ru, mi iur zin pa uraata be tiwe le ņgoņana.

¹⁴ Wal tina zan ta kembei: Simon (ni, Yesu ipaata zaana toro be Petrus) mi tiziini Andreas, Yems ma Yoan, Pilip, Batolomai,

¹⁵ Matai, Tomas, Yems ta Alpai lutuunu i, Simon (ni igabgaaba zin wal ta tisombe tikam malmal pa Rom mi tiziiri zin na),

¹⁶ Yudas ta Yems lutuunu, mi Yudas Iskariot ta kaimer iur Yesu ila ka koi bizin naman.

*Yesu ikam sua pizin tomtom mi iurpe zin
meteņan
(Mk 3:7-12)*

¹⁷ To Yesu ziŋan naŋgaŋ kini tisula ma timender su lele keteeneŋana. Lele tina, ina zin iwal biibi timar timbot. Zin wal ta titoto i na, ziŋan wal boozo kat ki Yudea, Yerusalem, mi zin sousou uunu kan ki Tiro mi Sidon tomini.

¹⁸ Zin timar be tileŋi, mibe iurpe zin pa mete kizin. Mi zin tau bubuŋana sananŋan tipasansaana zin na, ni izirziiri bubuŋan tana pizin.

¹⁹ Mi zin iwal biibi tana tiliu i ma titomtoombo be titeegi men tau. Paso, mburaana biibi iyotyooto pini, mi ikamam ma tomtom boozomen nin ambai mini.

Zin wal tabe menmeen zin
(Mt 5:1-12)

²⁰ Yesu mataana ila kizin naŋgaŋ kini, mi iso ta kembei:

“Niom wal ta leynom koron somŋoyom na, leleyom ambai pa kampeŋana ki Anutu ta imbotmbot se tiom.

Pa inŋi kombot lela peeze ki Anutu kek.✧

²¹ Mi niom ta koozi petel yom i, na leleyom ambai, pa kampeŋana ki Anutu ta imbotmbot se tiom.

Pa ni ko ikam koyom kini mi karao kat.

Mi niom ta koozi leleyom ipata mi katanŋan i, na leleyom ambai pa kampeŋana ki Anutu ta imbotmbot se tiom.

Pa niom ko leleyom ambai kat mi keseŋge.✧

²² “Mi niom ta so kototo Tomtom Lutuuu, mi ikam ma tomtom tiur koi piom, mi tiziiri yom pa lupŋana kizin, mi tipiri sua repiiliŋana piom,

✧ **6:20:** Mt 25:34; Yems 2:5 ✧ **6:21:** Mbo 126:5+; Yesa 55:1+; Tur 7:16+

mi tipasaana zoyom ma tire yom kembei wal sananjoyom kat, na leleyom ambai pa kampejana ki Anutu ta imbotmbot se tiom.✧

²³ Leleyom ambai mi kululu yom raama menmeen yom biibi. Pa kadoono tiom biibi, ta izza yom ta saamba a. Kere. Mbulu tana popoana som. Mungu tumbun bizin tomuni, tikamam mbulu raraate men pa Anutu kwoono bizin.✧

Zin wal tabe lenen ipata

²⁴ “Aiss, niom ta koozi leynom koronj boozo ma karao kat, na ra, tembel yom kek.

Pa koronj tiom ambainana ta kakam pataana kek.✧

²⁵ Mi niom ta koozi karao kat pa koyom kini, na ra, tembel yom kek.

Pa niom ko petel yom ma kombot njoobo.

Mi niom ta koozi leleyom ambai kat mi kezenzeenge, na ra, tembel yom kek.

Pa niom ko leleyom ipata, mi kataj ma keyeryer.✧

²⁶ “Mi niom ta wal boozomen tiwidit uruyom na, tembel yom kek. Pa mungu zin wal ta tipakamkaam ma tiso sorok be zin tiwe Anutu kwoono bizin na, tumbuyom bizin tipakurkur zin ta kembena.✧

Tuur lelende pa kanda koi bizin

(Mt 5:38-48)

²⁷ “Niom ta kelenlej yo i, nio anso piom ta kembei: Kuur leleyom pa koyom koi bizin, mi kakamam mbulu ambainana men pizin wal ta tiurur koi piom.✧

✧ **6:22:** Yo 15:19, 16:2; 1Pe 4:14 ✧ **6:23:** Ngo 5:41, 7:52; 1Tes 2:15

✧ **6:24:** Lu 16:25; Yems 5:1 ✧ **6:25:** Yesa 65:13 ✧ **6:26:** Yo 15:19;

1Yo 4:5; Yems 4:4 ✧ **6:27:** Ro 12:20

28 Zin wal ta so tiwirri sua sananɲana piom na, kuzuɲzuɲ Merere be ikampe zin. Mi zin tomtom ta so tikamam mbulu sananɲana piom na, kuzuɲzuɲ pizin.✠

29 Sombe tomtom sa ipeeze poɲom, na pekel namaana pepe. Tooru mi ipeeze pakaana tomini. Mi sombe tomtom sa ikam mburu ku kor kana, na kam meleebe kana ma ila pini tomini. Ruutu pepe.✠

30 Zin tomtom ta sombe tisuɲu pa len koron, na kam pizin. Mi sombe tomtom sa ikam koron ku sa, na so pini be ipimiili pepe.✠

31 Mbulu ta niom leleyom be zin wal tikam piom, na niom kupumuunɲu pizin.✠

32 “Niom sombe kuurur leleyom pizin wal ta lelen piom men, na asiɲ ko ipakur yom? Som. Pa zin wal sananɲan tikamam ta kembena tomini.

33 Mi sombe kakampe zin wal ta tikampe yom men, na asiɲ ko ipakur yom? Som. Pa ina, zin wal sananɲan tikamam ta kembena tomini.

34 Mi niom sombe kakamam koron tiom ilala pizin tomtom ta niom kuute zin tirao be tipekel, na asiɲ ko ipakur yom? Som. Pa ina, zin wal sananɲan tikamam ta kembena tomini. Pa bela tiute kembei zin ko tikam len pekelɲana ta ikot kat koron kizin, tona tiyok pizin tomtom be tikam koron kizin.

35 Tamen niom na, kuur leleyom pa koyom koi bizin, mi kakampe zin. Kakam koron pizin raama leleyom. Mi kuur motoyom pa leyom pekelɲana sa pepe. Naso kakam mbulu ki Tomoyom Anutu

✠ **6:28:** Lu 23:34; Nɲo 7:60 ✠ **6:29:** 1Kor 6:7 ✠ **6:30:** Lo 15:7+;
1Yo 3:17 ✠ **6:31:** Mt 7:12

kor kana, mi ni ikam leyom kadoono biibi. Pa zin wal sananjan mi zin wal ta matan mbeleele pa kampejana kini na, ni ikampewe zin men.✧

³⁶ Tana leleyom izanzaana pizin tomtom, mi ku'uluulu zin kembei Tomoyom Anutu ikamam.

*Tere waende bizin kembei wal sananjan pepe
(Mt 7:1-6)*

³⁷ “Kere waeyom bizin mi loja koso zin sananjan pepe. Kokena Anutu ire yom tomini kembei wal sananjoyom. Mi kangal waeyom bizin matan pepe. Kokena niom tomini, Anutu injal motoyom. Tana kumunjai waeyom bizin, mi kezem ngar pa sanaana kizin. Naso Anutu imunjai yom tomini mi ireege sanaana tiom.✧

³⁸ “Ku'uluulu zin tomtom. Naso kendeenje leyom ulaanja pakan tomini. Pa mbulu mi koronj ambaimbaijan ta so kakam pizin tomtom, inako kere ka pekelnana ta ilip ma ilip kat. Pa mbulu mi koronj ta so kakam pizin tomtom, ta ko imiili piom.”✧

³⁹ Yesu ikam sua tooronjana taiŋgi pizin tomini. Iso: “Parei? Sombe tomtom mata pisjana tasa imuŋgu mi iso waene toro ta mata pisjana i pa zaala, ko ziru titop sula naala som? Som. Ko titop.✧

⁴⁰ Mi nanjan ta buri ikamam ngar i, ko irao be ilip pa kolman ta ipaute i? Som. Tamen nanjan tana, sombe ikam kat ngar, inako iwe kembei ta kolman ta ipaute i na.✧

✧ **6:35:** Ro 5:8 ✧ **6:37:** Mt 6:14; Ro 2:1; Yems 2:13 ✧ **6:38:** Tut 19:17; Mk 4:24; Ga 6:7+ ✧ **6:39:** Mt 15:14 ✧ **6:40:** Mt 10:24+; Yo 13:16, 15:20

41-42 “Re. Ke pakaana biibi ta imbot la motom na, yamaana som? Kena parei ta loŋa kwom la pa ke tipiini ri ta imbot la toŋmatiziŋ ku mataana na, mi su ma so pini: ‘A barau, ke tipiini ri ta imbot la motom na, nio aŋsombe aŋjuulu u mi aŋpai ma isu lene.’ Ina nu kam pakaamŋana! Pai nu ku ta biibi na ma isu muŋgu. Naso re kat tipiini ta imbot la toŋmatiziŋ ku tana mataana na, mi irao pai ma isu lene.*

*Ke ŋonoono ta iswe ke pareiŋana
(Mt 7:16-18, 12:33-35)*

43 “Ke ambaiŋana ko irao ipiyooto ŋonoono sananŋana sa na som. Mi ke sananŋana ta kemberena. Ko irao ipiyooto ŋonoono ambaiŋana sa na som.

44 Tana iti tere la pa ke ŋonoono, tona tikilaala. Ke ambaiŋana, som sananŋana. Parei, ko worwooro matanmatanŋana ipiyooto kanda ŋonoono ambaiŋana sa be teke? Som.

45 Ina raraate men pizin tomtom. Wal ambaimbainan na, tipiyotyooto mbulu ambaimbainan ta imbotmbot la lelen na. Mi wal sananŋan na, tipiyotyooto mbulu sananŋan ta imbotmbot la lelen na. Pa ŋgar ta lelende bok pa, ta iwedet pa kwondo.

*Tomtom ru tipo ruumu
(Mt 7:24-27)*

46 “Parei ta niom kawatwaata yo be Merere, Merere, tamen kototo sua tio som?*

47 Tomtom ta so imar tio mi ilenlen la sua tio mi itoto na, tomtom tina, ni pareiŋana? Ko aŋso yom pini.*

* 6:41-42: Ro 2:1+ * 6:46: Yems 2:26 * 6:47: Ro 2:13; Yems 1:22

⁴⁸ Ni kembei tomtom ta iso ipo ruumu, mi ikel kitiimbi muriini ma isula kat ta ran na. Beso yan mosoolo isu ma wo ipet mi itok ruumu tana, na irao imuzu na som. Paso, tomtom tana, ni ipo ruumu mboljana kat.

⁴⁹ Tamen tomtom ta ni ilenlen sorok kaljon, mi itoto som, ni kembei tomtom ta ipo ruumu pa ke kaskas, mi iur sorok su toono. Tabe indeenje yan biibi ma wo ipet, to lonja men mi ruumu tana borok su lene, mi ka mburu ta boozomen porokporok ma imap.”

7

Yesu iurpe mbesoonjo ta ki biibi kizin malmal kan (Mt 8:5-13)

¹ Yesu ikam sua tana pizin tomtom ma imap, to imanja ma ila pa kar Kapenaum.

² Mi tomtom ta ki Rom, ta imborro zin wal malmal kan tomtom lamata na, ni imbotmbot. Mi ni le mbesoonjo ambainana ta, ta ni leleene pini ilip. Mi mbesoonjo tina, ni mete biibi ikami mabe imeete.

³ Tana indeenje biibi tana ilej Yesu uruunu, tona ingo zin kolman pakan kizin Yuda ma tila be tiso pa Yesu ma imar be iurpe mbesoonjo kini ma niini ambai.

⁴ Tana timar ki Yesu, mi titanroro i ma tiso: “Ou, ko irao be mar mi uulu tomtom tanga. Pa ni tomtom ambainana.

⁵ Ni iur kat leleene piti Yuda, mi ipo leyam lupjana muriini ta.”

⁶ To zijan Yesu timanja ma tila. Tigarau ruumu, mi biibi kizin malmal kan ingo wal kini pakan ma

tila tiso pa Yesu. Tisombe: “Merere, biibi tiam iso pu ta kembei. Iso: ‘Mbuulu itum pa pai pepe. Pa nio tomtom ambainon som. Tana lelen be nu mar ruumu tio pepe.

⁷ Uunu tinji tabe re, itun irao anma som. Mi nio anurla ta kembei: Nu sombe ur sua men, na mbesoono tio ko niini ndabok.

⁸ Pa nio anute pa itun. Nio ti anbot la zin bibip pakan kopon mbarman. Mi zin malmal kan pakan timbot la nio kopon mbarmaana. Tana sombe anso pa tinji ma anso: ‘La!’ nako ila. Mi sombe anso pa tinja: ‘Mar!’ nako imar. Mi sombe anso pa mbesoono tio: ‘Kam ta kembei.’ nako ikam.’ ”

⁹ Yesu ilen sua kizin tana na, imurur pa. To itoori mi iso pizin iwal ta titoto i na. Iso: “Nio anso kat piom. Nio andeenje tomtom sa ki Israel ta urlanana kini imbol kembei wal ta tinji biibi kizin na som.”[☆]

¹⁰ Tona zin wal ta biibi tana ingo zin ma tila na, timili ma timar ruumu. Tipet ruumu na, tire mbesoono ki biibi tau, ni niini ambai ma imbotmbot.

Yesu ipei nora ta lutuunu ma imannga mini

¹¹ Aigule toro na, Yesu imannga ma ila pa kar Nain. Mi zin nangan kini zinan zin iwal biibi tito i ma tila.

¹² Tila ma tigarau zaala kwoono ki kar, to tire wal pakan tisin uri ta ma tizem kar mi timar. Tomtom meetanana tana, ina ra, nora lutuunu ta itutamennana. Tabe iwal biibi ki kar tina, tigaabi mi zinan tipa ma timar.

¹³ Merere ire nora tana ma leleene isaana pini. To iso lae pini. Iso: “A barau, tan pepe!”

[☆] **7:9:** Mt 15:28

14 Mi ipa ma ila ma iteege ke poŋana ta uri imbot sala na, to zin tomtom ta tisiŋi na tuŋ ma timbotmbot. Mi Yesu iso: “Nanŋaŋ, nio aŋso pu: Manga!”✠

15 To tomtom meeteŋana tana burup ma imanŋa, mi imbutul mi izzo sua. To Yesu ikami mi iuri ila ki naana.✠

16 Tabe motoŋana biibi ikam zin iwal, mi ti-wit Anutu uruunu ma tiso: “Wai, iŋgi ko Anutu kwoono zanaŋana ta imbotmbot mazwanda i. Iŋgi Anutu mataana iŋgal iti wal kini mi iuulu iti kek.”✠

17 Tana Yesu uruunu irak ma irao toono ta boozomen kizin Yuda mi kar zilŋanzilŋan tomini.

*Yoan iŋgo nanŋaŋ kini ma tila ki Yesu
(Mt 11:2-19)*

18 Yoan nanŋaŋ kini tila ma tiso Yoan pa mbulu boozomen ta Yesu ikamam na. Tabe Yoan iboobo nanŋaŋ kini ru,

19 mi iŋgo zin ma tila ki Merere be tiwi i ta kembei: “Ulaaŋa tabe imar i, ina nu tau? Som amsa tomtom toro sa?”

20 Tana ziru tila ma tipet ki Yesu, to tiso: “Yoan ta yok kamŋana tomtom na, iŋgo yam ma amar be amwi u: Ulaaŋa tabe imar i, nu tau? Som amsa tomtom toro sa?”✠

21 Indeeŋe mazwaana tana Yesu, ni iurpewe zin tomtom boozomen ta mete matakiŋa ikam zin na. Mi izirziiri bubuŋana sananŋan, mi iurpewe tomtom boozomen ta matan piŋŋan na, ma tire lele mini.

✠ **7:14:** Lu 8:54; Ngo 9:40 ✠ **7:15:** 1Kin 17:17+; 2Kin 4:32+

✠ **7:16:** Lu 1:68,76, 24:19; Yo 4:19 ✠ **7:20:** Mal 3:1

²² Tana Yesu ipekel wiņana kizin ma isombe: “Uraata ta kerre mi sua ta keleş i, kimiili ma kala, to koso Yoan pa. Koso pini: Matan pisņan tire lele, mi narapeņan tipa, kulin mbetmbeeteņan na, kulin iņgeeze mini, talņan munņan tileņ sua, meeteņan timaņga, mi uruunu ambaiņana ilala pizin wal ta timbot ņoobo na.

²³ Mi tomtom ta so leleene iwe ru pio som, mi ikiskis urlaņana kini, nako menmeeni pa kampaņana ki Anutu tabe ise kini i.”✧

²⁴⁻²⁵ Yoan ņgoņana kini timiili ma tila, to Yesu iso pizin iwal biibi pa Yoan. Iso: “Indeeņe ta niom kala lele bilimņana be kere Yoan na, koso ko kere sokorei? Me wiini ta miiri ipamirri i? Som tomtom sa ta iru pa mburu ambaimbaiņan? Ina som! Pa zin wal ta tirru pa mburu ambaimbaiņan ta kadon bibip i, mi zin mbio uunu na, zin timbotmbot ruumu kizin king. Mi irao tizem murin ambaimbaiņan tana na som.

²⁶ Lak! Kena kala be kere sokorei? Anutu kwoono sa, na? Mi keleş. Nio aņso kat piom: Yoan tina, ni zaana ruk ten ņana pa Anutu kwoono bizin ta boozomen.

²⁷ Ina ni ta tibeede ka sua pataaņa kek ta kembei: ‘Re. Nio ko aņgo tomtom tasa be iwe kwon. Mi ni ko imuņgu mi iurpe zaala pu.’✧

²⁸ Nio aņso kat piom. Wal boozomen ta nan bizin tipeebe zin su toono ti na, tasa zaana biibi ma ilip pa Yoan na som. Tamen tomtom sorokņana sa,

✧ **7:23:** Yesa 29:18+, 35:5+, 61:1; Lu 4:18 ✧ **7:27:** Mal 3:1; Mk 1:2

isombe ikilaala kat peeze ki Anutu mi imbot lela, na ni ilip pa Yoan.”

²⁹ Tomtom ta munjaana men ziŋan zin wal ta tiyyo takesŋan i, tilen sua tana na, tikam ngar pa mi tiso: “O Anutu, mbulu kini, ina indeeŋe men.” Pa zin tiurla sua ki Yoan mi tikam yok kek.✧

³⁰ Tamen zin tutu kan mi zin ngarŋan ki tutu na, titit uraata ta Anutu isombe ikam pizin. Pa tiurla sua ki Yoan som, tana tikam yok som.✧

³¹ Yesu ikam sua tooroŋana ma iso: “Ingi ko aŋso parei pizin wal ta koozi timbotmbot i? Wal ti pareiŋan?”

³² Zin kembei pikin ta timbutultul isu kar ke-teene, mi tiboboobo la pa waen bizin ma tiso: ‘Niam amse kombom piom, mi niom karak som. Mi ambo lelaŋ, mi niom kataŋ som.’

³³ “Pa Yoan, ta yok kamjana ka tomtom na, ni imar na iwinin baen som mi igabgaaba zin tomtom pa kini biibi kanjana som. Mi niom leleyom pini som, mi kosombe ni bubuŋana sananjana izeebi.

³⁴ To Tomtom Lutuunu imar mi ikanan ma iwinin. Tamen niom leleyom pini som tomini, mi kosombe: ‘Ingi to tau igabgaaba zin wal sananjan mi zin tau tiyyo takesŋan i, mi ziŋan timbel kini kanjana mi baen winjana’.✧

³⁵ Tamen Anutu ngar kini, ina biibi mi indeeŋe men. Tana zin tomtom ta titoto ngar ki Anutu na, zin tikilaala kembei ngar tana, ina indeeŋe men.”

✧ 7:29: Lu 3:12 ✧ 7:30: Mt 21:32 ✧ 7:34: Lu 5:29+, 15:1+

Mbulu ta tomtom tutu kana ta mi moori sanannana ta tikam pa Yesu

³⁶ Zin tutu kan, tomtom kizin ta, zaana Simon, iso pa Yesu be ila ruumu kini ma ziŋan tikan kini. Yesu ila ma ziŋan mbulen su pa kini kannana.✧

³⁷ Moori ta ki kar tana, ni moori sanannana. Ilen kembei Yesu imbotmbot la ruumu ki tomtom tana pa kini kannana, to ikam ngere kuziiniŋana mi ila.

³⁸ Ila to mbuleene isu ta Yesu kumbuunu uunu, mi itanŋan ma mata luluunu itoptop se Yesu kumbuunu. Mana imus pa ute ruunu, mi imbenbeenje pini. To isu na, ilin ngere kuziiniŋana ise Yesu kumbuunu.

³⁹ Ruumu katuunu ta iboobo Yesu ma ila na, ni ire mbulu tina, to iso pa itunu. Iso: “Wai, sombe tomtom tinŋi, ni Anutu kwoono ŋonoono, so ikilaala moori ta itekteegi na kek. Pa ni sa moori sanannana na.”

⁴⁰ Yesu isu mi iso: “Simon, nio len sua ri tabe anso pu.”

Simon iso: “Mos katuunu, so lak!”

⁴¹ To Yesu iso: “Tomtom ru tila ki tomtom ta, mi tikam mbun la kini. Ta ikam pius tomtooru laamuru, toro ikam pius lamata.

⁴² Tamen kaimer ziru len pat sa be tikot som. To tomtom tana imunjai zin, mi iyembut mbun kizin ma imborene. Lak, wal ru tana, inŋoi ko leleene pa tomtom tana ilip?”

⁴³ Simon iso: “Inako tomtom ta ikam mbun biibi mi koron katuunu imunjai i na.” Mi Yesu iso: “Ambai, nu so kat.”

⁴⁴ To itoori ma kereene ila ki moori tau, mi iso pa Simon: “Lak, nu so pio, ta anmar ruumu ku ti.

✧ 7:36: Lu 11:37

Tamen nu kam leŋ yok sa be anŋuuru kumbuŋ? Som. Mi re moori ti. Ni inŋuuru kumbuŋ pa mata luluunu mi imus pa ute ruunu.✠

⁴⁵ Mi nu mbenŋbeeŋe pio som. Mi ni na, imbeli. Pa indeeŋe ta aŋle aŋbot ti na, ni imbenŋbeeŋe pa kumbuŋ mi inoknok men i.

⁴⁶ Mi nu liŋ ŋgere risa isala uteŋ som. Tamen ni na, iliŋ ŋgere kuziiniŋana ise kumbuŋ.✠

⁴⁷ “Tana nio aŋso pu. Nonoono, moori ti sanaana kini biibi. Tamen sanaana kini ta boozomen, nio aŋreege ma imap lup. Tanata ni iur kat leleene pio. Mi ni ta indemeere ma isombe le sanaana musaari, inako iur kat leleene pio som.”✠

⁴⁸ To Yesu iso pa moori tana: “Sanaana ku ta boozomen, nio aŋreege kek.”✠

⁴⁹ Tabe wal ta ziŋan tikanan na, tikam ŋgar boozo ma tiso: “To ti, ni asiŋ ta iso ni irao be ireege sanaana?”✠

⁵⁰ Mi Yesu iso pa moori: “Urlaŋana ku ta ikamke u kek. La raama lelem ambai.”✠

8

Zin moori ta tigabgaaba Yesu bizin ma ziŋan tiwwa

¹ Kaimer mana, Yesu imanŋa pa pai mini. Ila kar ta, ikam uruunu ambaiŋana pizin pa peeze ki Anutu makinŋ, to ila kar toro. Ta kembei mi iwwa pa kar bibip mi kar munmun ta boozomen, mi izzo zin pa uruunu ambaiŋana. Mi nanŋaŋ kini laamuru mi ru,

✠ **7:44:** Un 18:4 ✠ **7:46:** Mbo 23:5 ✠ **7:47:** Mbo 32:1 ✠ **7:48:** Mt 9:2; Mk 2:5+; Lu 5:20+ ✠ **7:49:** Mt 9:3; Mk 2:7 ✠ **7:50:** Mt 9:22; Mk 10:52; Lu 17:19, 18:42

² zijaŋ zin moori pakan ta Yesu iziiri bubuŋana sananŋan mi mete ma iko pizin na, tigabgaabi ma zijaŋ tila. Zin moori tana zan ta kembei: Maria ki Magdala (ni ta Yesu iziiri bubuŋana sananŋan lamata mi ru ma tiko pini na),

³ Yoana ta kusiini Kuza na (Kuza tana, ni iuluulu Erot pa uraata pakan), to Susana, mi zin pakan tomini. Zin moori tana ra, tiuluulu Yesu zijaŋ nanŋaŋ kini pa kan kini ma len koronŋ pakan.✧

*Sua tooroŋana pa kini iweniwen tiyaaraŋana
(Mt 13:1-9; Mk 4:1-9)*

⁴ Mazwaana ta, iwal biibi kizin karkari timar-mar ki Yesu be tileŋ sua. Mi ni ikam sua tooroŋana taŋgi pizin. Isombe:

⁵ “Lwoono ta na, tomtom ta, ni ikam kini iweniwen mi ila mokleene kini be itiyaara. Itiyaryaara ma ila na, pakan titoptop su zaala keteene ma tomtom tipadagdaaga, mi man timar ma tire su pa, to tiŋa kan ma tila.

⁶ Mi pakan titoptop su toono ta raŋ biibi imbot meleebe na. Tabé tindom ma tise ma timetmeete. Pa toono kerekereŋana mi ka yok somŋana.

⁷ Mi pakan na, titoptop su lele ta worwooro matanmatanŋan tindomdom pa i. Beso worwooro tindom na, tikaukau kini tana ma isaana kat.

⁸ Mi pakan na, titoptop su toono ambaiŋana. Tana titum ma tise mi tipiyooto ŋonon boozo kat kembei tomtu lamataŋa.”

Yesu ikam sua tooroŋana tana makinŋ, to kalŋaana biibi ma isombe: “Niom so talŋoyom, na keleŋ sua ti mi kakam ŋgar pa.”

✧ **8:3:** Mt 27:55

⁹ To nanḡanḡ kini tiwi i pa sua tooroḡana tiḡḡi uunu.

*Uunu ta Yesu ikamam sua ila sua tooroḡan
(Mt 13:10-17; Mk 4:10-12)*

¹⁰ Mi Yesu iso: “Peeze ki Anutu na, ka uunu turkeḡana. Mi iḡḡi Anutu isombe ipeeze ḡḡar tana ma imbot mat piom. Mi zin pakan na, tilenḡenḡ sua kini la sua tooroḡana men. Tabe Matan irre, mi tikilaala som. Mi talḡan ilenḡenḡ, tamen tikam kat ḡḡar pa ka uunu som.✠

*Yesu ipeeze sua ta ni itooro pa kini iweniwen tiyaaraḡana
(Mt 13:18-23; Mk 4:13-20)*

¹¹ “Mi sua tooroḡana tiḡḡi, ina ka uunu ta kembei: Kini iweniwen, ina Anutu sua kini.✠

¹² Mi iweniwen ta titoptop su zaala keteene na, ina ise kizin wal ta tilenḡ sua. To Sadan loḡa imar mi itatke sua ta imbot la lelen na. Kokena tiurla, to Anutu ikamke zin.

¹³ Mi pakan ta titoptop su toono ta raḡ biibi imbot meleebe na, ina ise kizin wal ta tilenḡ sua ki Anutu, mi nin se mi menmeen zin pa. Tamen sua tina isula kat lelen som. Tana tiurla pa mazwaana rimen, miombe toomboḡana sa indeeḡe zin, to karau men mi tizem urlaḡana kizin.

¹⁴ Mi kini iweniwen ta titoptop su lele ta worwooro matanmatanḡan tindomdom pa i, ina ise ki zin wal ta tilenḡ sua ki Anutu, mi tamen tikam ḡḡar biibi mete pa pataḡana ta izeze kizin i, mi koronḡ matakiḡa ki toono ipalpaala matan. Tabe koronḡ

✠ **8:10:** Yesa 6:9+; Nḡo 28:26; Ro 11:8 ✠ **8:11:** 1Pe 1:23

soroksorok tina ikaukau zin, ma urlanana kizin ipiyooto nonono ambainana sa som.✠

15 Mi iweniwen ta titoptop su toono ambainana, ina zin tomtom ta lelen ngeezenan. Tana tilen sua ki Anutu, mi tiur kat lelen pa, tikiskis ma imbol pizin, mi timender mbolnana, mi tipiyooto ka nonono.”✠

Sua tooronana pa lam

(Mk 4:21-25)

16 Yesu iseenge sua kini ma iso: “Parei, sombe tutun lam sa, ko tukutunkaala pa kuuru, som tuur lela mbalia kopo mbarmaana? Som. Iti tuurur se kor. Naso iur mat pizin tomtom ta tile ruumu na.✠

17 Pa koron zuknan ta boozomen, inako kaimer tipeeze ma borok su. Mi koron turkenan ta boozomen, ko tiswe ma timbot mat lup.✠

18 Tana kungun talnoyom kat mi kakam ngar pa sua ta kelenlen i. Paso, tomtom ta sombe ikam ngar pa sua ki Anutu mi ikam ka uraata, nako Anutu ikam le ngar pakan ma isala ki. Tamen tomtom ta sombe indemeere sorok kembei ni irao pa sua ki Anutu, mi ikam ka uraata som, ina ngar kini musaari tina, Anutu kola itatke pini, mi ni imbot sorok.”✠

Yesu naana mi tonmatizij kini

(Mt 12:46-50; Mk 3:31-35)

19 Indeeje tana, Yesu naana mi tiziini bizin timar mi tisombe tire i. Tamen iwal biibi mete.

✠ **8:14:** 1Tim 6:9-17; 2Tim 4:10 ✠ **8:15:** 1br 10:36; Yems 1:25

✠ **8:16:** Mt 5:15; Lu 11:33 ✠ **8:17:** Mt 10:26; Lu 12:2 ✠ **8:18:**

Mt 13:12, 25:29

²⁰ Tabe wal pakan tila, to tisotaari. Tiso: “Ai, nom ma tizim bizin ta timendernder mat a, mi lelen be tire u.”

²¹ Yesu ipekel kwon ma iso: “Nio nanḡonj bizin mi tiziḡ bizin, ina zin wal tiḡgi ta tilenleḡ Anutu sua kini mi titoto ka mbulu.”✠

Yesu ipunmeete miiri ma duubu

(Mt 8:23-27; Mk 4:35-41)

²² Aigule ta na, Yesu isu to iso pa nanḡanḡ kini. Iso: “Ouo, tamanga mi takam woḡḡo mi talae mbaaga.” Tana baram sala woḡḡo ta, mi tipet ma tila.

²³ Tiyaara ma tila, mi Yesu mata ḡenḡeene. Tabe isu ma ikeene. Tilala mi molo som na, miiri ipol. To ipei duubu ma lele isaana kat. Mi tai borokborok sula woḡḡo leleene mabe timon.

²⁴ Tabe nanḡanḡ kini tila ma tipai Yesu. Tiso: “Wai biibi, iḡgi be tusula lende i.” To Yesu imanga, mi iḡasaara la pa miiri ma duubu. To taun isu.

²⁵ Mi Yesu isu to iso pizin nanḡanḡ kini. Iso: “Parei ta niom loḡa mi kezem urlaḡana tiom?”

Mi nanḡanḡ kini, motoḡana biibi ikam zin mi tikam ḡgar boozo. To tiparwwi zin ma tiso: “Wai, tomtom tiḡgi, ni pareiḡana, ta iur sua, mi miiri ma duubu tomini tilenleḡ la kalḡaana.”✠

Yesu iziiri bubuḡana sananḡana pa tomtom ta

(Mt 8:28-34; Mk 5:1-20)

²⁶ Tona le isala mini, mi tiyaara ma tila tipet lele pakaana ki Gerasa, ta imbot la tai Galilea pakaana mbaaga na.

✠ **8:21:** Yo 15:14+; Ro 8:29; Ibr 2:11+ ✠ **8:25:** Mbo 65:7, 89:9, 107:29

27 Tila ma sor lela, to Yesu ilu i su peende ma ila. To tomtom ta ki kar tana ikoḡuru i ma imar. Tomtom tana, ni bubuḡana sananḡan tizeebi ta muḡu kek mi imar. Ni irru pa mburu som, mi imbotmbot la ruumu som. Mi muriini na, raḡ sumbunsumbun ta tiurur zin wal meeteḡan tilelala na.

28-29 Ire Yesu, to iyak mi ila itop su Yesu kereene uunu. Tona Yesu iur sua pa bubuḡana tana be iyooto pini. Mi ni kalḡaana izalla ma iso: “Aii, Yesu, Anutu kor kana Lutuunu, iḡi ko kam parei pio? Nio aḡḡaroro u. Seeze motoḡ pepe.” Tomtom tana, gorgori ta sombe bubuḡana sananḡana imanḡa pini, to tomtom tiwwo kumbuunu ma namaana pa re mi sen be tikisi ma iur niini. Tamen ni inin koronḡ tana som. Iyatutut ma tizzu len, mi bubuḡana sananḡana ipirie i ma ikowo ma ila ne pa lele bilimḡana.✧

30 To Yesu iwi i. Iso: “Ai, nu zom asinḡ?” Ni ipekel ma iso: “Nio zonḡ Legion. Pa iḡi niam iwal kat.” Ni iso ta kembei paso, bubuḡana sananḡan ta tiloondo pini na, wal sorok som.

31 To titaḡroro Yesu be iziiri zin ma tila timbot sula naala ta usomḡana i pepe.✧

32 Lele tina na, ḡe uunu biibi kat ta tikanan sala abal zilḡaana ma timbotmbot. Tana bubuḡana sananḡan tina titaḡroro Yesu be iyok pizin, mibe tila tiru pizin ḡe.

33 Ni iyok pizin, to tiyooto pa tomtom tana, mi tila ma tiru pizin ḡe. To ḡe tana tiparkamtoto zin ma tila pa yok tatiliuḡana kezeene, to tizirir

✧ 8:28-29: Mt 25:41; Yems 2:19 ✧ 8:31: Tur 9:2

pa dogo ma tisula, mi tiwin katkat yok ma timet-meete lup.

³⁴ Zin wal ta timborro ngeŋan i, tire mbulu tina, to tiko ma tila mi tizzo uruunu pizin tomtom ta boozomen ma irao kar ma ila.

³⁵ Tabe tomtom timeke ma timar be tire kat mbulu ta ipet na. Tipet ki Yesu na, tire tomtom ta bubuŋana sananŋan tiko pini na, ngar kini ambai mini, mi izeebi pa mburu, mi imbutultul su Yesu kumbuunu uunu ma imbotmbot. Wal tina tire i na, motoŋana ikam zin.

³⁶ To zin wal ta timbotmbot mi tire kat mbulu tana pa matan na, tipit mbol pa uraata ta Yesu ikam pa tomtom tana ma iwal tileŋ.

³⁷ To zin tomtom ki lele tana, motoŋana biibi kat ikam zin lup. Tana timanŋmaŋ Yesu be izem zin mi ila ne. Tana Yesu ziŋan nanŋanŋ kini tisula ma tise woŋgo be timiili ma tila.

³⁸ Som, mi tomtom ta zin bubuŋana sananŋan tiko pini na, imar to ikam biluunju be ziŋan Yesu tila. Tamen Yesu iyok pini som, mi iso pini ta kembei. Iso:

³⁹ “Som. Miili ma la kar ku, mi so zin pa uraata biibi ta Anutu ikam pu na.” Tana ni imiili ma ila, mi izzo uraata ta Yesu ikam pini na, uruunu ma irao kar.

Yesu iurpe moori ta, mi ipei Yairus lutuunu moori ma imanŋa mini

(Mt 9:18-26; Mk 5:21-43)

⁴⁰ Zin iwal biibi tire Yesu imiili, to menmeen zin biibi mi tikami. Pa tizza i tau.

⁴¹ Mi molo som na, tomtom ta imborro lupŋana muriini na, zaana Yairus, ni imar ma itop su Yesu

kumbuunu uunu, mi itanjoro i be ziru tila ruumu kini.

⁴² Pa lutuunu moori ikamam be imeete. Lutunu moori tana, ni itutamenjana, mi ndaama kini irao kembei laamuru mi ru.

Yesu iwwa ma ila, mi iwal biibi tikuuti mi tiparzalla pizin ma zinan tila.

⁴³ Tiwwa ma tila mi tindeene moori ta. Ni mete kizin moori ikisi pa ndaama laamuru mi ru kek, mi tomtom sa irao be iuuli i na som.

⁴⁴ Tana ni itokelkeele Yesu ma ila, mi iteege lae pa mburu kini kwopiriini. To loja men mi mete kini imap.

⁴⁵ To Yesu iwi zin. “Wai, asinj iteege yo?” Mi zin tiso: “E-e, niam som.” To Petrus isu ma iso: “Mos katuunu, ina tomtom sa ko isala pu ma inji. Pa inji iti iwal biibi.”

⁴⁶ Tamen Yesu iso: “Soom. Tomtom sa iteege yo kek. Pa anyamaana kembei mburoj ri izem yo.”

⁴⁷ Tana moori ire kembei le zaala sa be iwatkaala itunu na som. Tabe kete kutkut mi ila, to itop su Yesu kumbuunu uunu, mi iso pa uunu ta ni iteegi ma zin iwal tilej. Mi iso zin tomini pa Yesu mburaana tau ikam ma mete kini loja men mi imap.

⁴⁸ To Yesu isu na iso pini. Iso: “Lunri, urlajana ku ta iuulu u ma nim ambai. La raama lelem ambai.”

⁴⁹ Yesu izzo sua pini ma imbotmbot, mi tomtom ta, ni imbot ruumu ki Yairus mi imar. To iso lae pa Yairus ma iso: “Ou kolman, segeede sorok tomtom biibi tana ma ila ruumu ku pepe. Pa lutum moori ipas kek.”

⁵⁰ Yesu ileŋ na, iso lae pa Yairus: Iso: “Moto pepe. Kis urlaŋana ku. Lutum moori ko imanŋa mini. Pa nio aŋbotmbot.”

⁵¹ Tila tipet ruumu ki Yairus, to Yesu iziiri zin wal ma tiyooto lup, mi ikam Petrus, Yoan, Yems, mi pikin tamaana ma naana. Ina zin men ta ziŋan tilela ruumu.

⁵² Indeeŋe tana na, tiŋiizi isu ma isaana pa morri tau. Yesu isu to iso pizin. Iso: “Kataŋ pepe. Ni imeete som. Inŋa sa ikeene na.”✠

⁵³ Tileŋ sua kini tana na, tiseeŋge pini. Pa zin tiute ni ipas kek.

⁵⁴ Mi Yesu ila, to iteege su pa namaana, mi kalŋaana biibi ma iso: “Morri, maŋga.”✠

⁵⁵ To bubuŋana iru pini mini, mi burup ma imanŋa pataaŋa. Mi Yesu iso pizin be tikam ka kini ma ikan.

⁵⁶ Morri tana naana ma tamaana tire uraata tana ma nŋar kizin imap. Tamen Yesu inŋalsek pizin be tiso uruunu pizin tomtom ma tileŋ pepe.✠

9

*Yesu inŋo zin nanŋaŋ kini laamuru mi ru pa uraata
(Mt 10:1-15; Mk 6:7-13)*

¹ Kaimer mana Yesu ilup zin nanŋaŋ kini laamuru mi ru, mi iur zin pa uraata, mi ikam len mburan be tiziiri bubuŋana sananŋan ta boozomen mi tiurpe zin tomtom pa mete kizin.

✠ **8:52:** Yo 11:11+ ✠ **8:54:** Yo 5:21, 11:43; Ro 4:17 ✠ **8:56:** Lu 5:14

² Mi inġo zin ma tila be tisoyaara sua pizin tomtom pa peeze ki Anutu, mibe tiurpe zin metenjan ma nin ndabok. ✧

³ Mi iso pizin ta kembei: “Kala, na kapa raama mburu boozo pepe. Tana koronj kembei tete, pelpeele, kini, pat, mi mburu keenejana na, kakam pepe. ✧

⁴ Mi sombe kala pa kar sa mi tiur yom pa ruumu tasa, na kombotmbot ruumu tina men ma irao kezem kar tana.

⁵ Mi sombe kar sa tikam yom som, mi titit yom, na kitirke ululu kizin pa kumbuyom ma isu lene, mi kezem zin ma kala leyom. Naso iwe kilalan pizin pa sanaana kizin.” ✧

⁶ Iso pizin makinj, to tila ma tiwwa pa kar ta boozomen, mi tizzoyaryaara uruunu ambainjana pizin tomtom, mi tiurpewe zin pa mete kizin.

Erot ikam nġar boozo pa Yesu

(Mt 14:1-2; Mk 6:14-16)

⁷ Erot, biibi ta imboro lele pakaana ki Galilea na, ilej Yesu uruunu pa uraata ta ni ikamam na, to ikam nġar boozo pa. Pa tomtom pakan tiso ta kembei: “Inġa Yoan ta imeete ma ila, ta ko burup ma imanġa mini a.”

⁸ Mi pakan tiso: “Soom. Inġa Anutu kwoono Ila ta ipet mini a.” Mi pakan tisombe: “E-e. Inġa ko Anutu kwoono toro sa ta imeete munġu kek mi imanġa mini a.”

⁹ Tamen Erot itunu iso: “Yoan na, nio anjyebut nġureene ma put kek. Mi inġi asinj toro mini ta anlenlenj uruunu i?” Tabe irru zaala be ire i. ✧

✧ **9:2:** Mt 28:19+; Mk 16:15+ ✧ **9:3:** Lu 10:4 ✧ **9:5:** Lu 10:4+; Nġo 13:51 ✧ **9:9:** Lu 23:8

Yesu iputu tomtom munjaana lamata (5,000)
(2Kin 4:42-44; Mt 14:13-21; Mk 6:30-44; Yo 6:1-13)

¹⁰ Kaimer to Yesu ngonjana kini timiili ma zinan Yesu tilup mini, mi tiwidit mbol pa uraata boozomen ta tikamam na. Tona ni ikam zin ma zinan tiko ma tila pa lele pakaana ki kar Betsaida bekenan zin men timbotmbot.

¹¹ Tamen iwal biibi tileŋ urun, to tito zin. Mi Yesu, ni leleene ambai pizin iwal biibi tana, mi izzo zin pa peeze ki Anutu, mi iurpe zin metenjan kizin ma nin ndabok.

¹² Timbotmbot ma lele ikamam be rou, to nanŋan kini tila kini mi tiso pini. Tiso: “Biibi o, so pizin iwal ti be tila pizin kar ta koloulouŋan ti, ma tiru kan kini mi tiru murin be tikeene. Pa re. Inŋi tombot lele ta ka kini somjana i.”

¹³ Mi Yesu iso pizin. Iso: “Soom. Niom ituyom kakam kan kini ma tikan.”

To tiso: “Wai, niam ti amrao be amputu zin iwal tiŋi? Wal ti sorok? Niam inŋi narabu tiam zaraaba lamata men, raama ye luluunu ta. Parei, nu sombe amla mi angimi kan kini?”

¹⁴ Tiso ta kembei paso, wal tana, tinin zin to-mooto men ma irao kembei munjaana lamata (5,000).

Tona Yesu iso pizin: “Kuur zin tomtom ma irao tomtooru laamuruŋa pa uunu uunu.”

¹⁵ Tana tila ma tiur zin makin, tona tiso pizin iwal biibi tana ma mbulen su.

¹⁶ To Yesu ikam ye luluunu ta mi narabu zaraaba lamata tana, mi mataana isala kor, mi isuŋ. To itete mi izarra la kizin nanŋan kini, mi tila ma tirai pizin tomtom.

17 Mi zin iwal tikan ma kopon isaana. Mi surun-surun ta imbotmbot na, nanḡanḡ kini tiyo sula kiri laamuru mi ru ma bokbok.

Petrus iswe kat kembei Yesu ni Mesia
(Mt 16:13-20; Mk 8:27-30)

18 Aigule ta na, Yesu itutamen ikamam sunḡana kini. Mi nanḡanḡ kini na, timbotmbot raami. To isu na iwi zin: “Lak, nio ti, tomtom tikam nḡar pio be parei?”

19 Nanḡanḡ kini tipekel kalḡaana ma tiso: “Wal pakan tisombe nu Yoan ta munḡu ikamam yok pizin tomtom na. Mi pakan tisombe nu Anutu kwoono Iliā. Mi pakan tisombe nu Anutu kwoono toro sa ta munḡu imeete ma ila kek, mi inḡi imanḡa mini.” ✧

20 To Yesu iwi zin mini mi iso: “Mi niom na, koso nio asinḡ?” Petrus imanḡa ma ipekel kalḡaana ma iso: “Nu Mesia tau. Anutu inḡo u ta mar.” ✧

21 Tana Yesu isu to kwoono imbol pizin be tiswe i la ki tomtom toro sa pepe.

Yesu iso pa meetenḡana kini
(Mt 16:21-23; Mk 8:31-33)

22 Tona Yesu iso: “Tomtom Lutuunu, ni bela ibaada patanḡana booḡo mi ire yoyounḡana biibi. Pa zin peeze kan, zinḡan zin bibip kizin patoronḡana kan, mi zin nḡarḡan ki tutu, ko tititi. Mi ko tipuni ma imeete. Tamen mbenḡ iwe tel pa, to Anutu ipei i ma burup ma imanḡa mini.”

Zaala tabe toto Yesu pa
(Mt 16:24-28; Mk 8:34-9:1)

23 Mi Yesu iso pizin iwal ta kembei. Iso: “Tomtom sa isombe igaaba yo ma iwe len, na bela ikoto itunu, mi ikwaara ke pambaaraḡana kini pa aigule ta boozomen, mi ito yo. ✧

24 Pa tomtom sa isombe ikam ḡgar biibi pa itunu kuliini men, inako ikam mbotḡana ḡonoono ta ki Anutu i som. Mi tomtom sa isombe izem kat itunu pio, inako ikam mbotḡana ḡonoono ta ki Anutu i. ✧

25 Mi parei? Sombe tomtom sa ikam koron toono kana ta munḡaana men ma imap, mi tamen itunu kunuunu ila lene, ko ambai? Som.

26 “Tomtom sa sombe imoto, mi iwatkaala nio zon mi sua tio ila tomtom matan, na indeeḡe ta so Tomtom Lutuunu ziḡan zin aḡela mburannan timiili, mi iswe itunu mburaana mi azuḡka kini biibi, ramaki Tamaana mburaana ma ipet mat, na ni ko iwatkaala tomtom tana zaana tomini. ✧

27 “Mi kelen. Nio aḡso kat piom: Tomtom tiom pakan ta itiḡan tombotmbot i, ko kemeete zen, mi kere Anutu peeze kini ipet mat.”

*Yesu ruḡguunu itooro ma iwe milmilḡana
(Mt 17:1-8; Mk 9:2-8)*

28 Yesu iso sua tana ma imap, mi aigule lamata mi tel ilae, to ikam Petrus, Yoan, mi Yems ma ziḡan tisala pa abal be tisun.

29 Yesu izuḡzuḡ ma ilala, mi ruḡguunu itooro mi mburu kini iwe kokouḡana mi imilmil kat.

30-31 To molo som mi tomtom ru, Mose mi Ilia, tipet kini raama azuḡka. Mi ziḡan tizzo pa uraata

✧ 9:23: Mt 10:38; Lu 14:27 ✧ 9:24: Mt 10:39; Lu 17:33; Yo 12:24+

✧ 9:26: Mt 10:33; Lu 12:9; 2Tim 2:12

ta Anutu iur pini be ikam su Yerusalem mi zaala tabe izem toono ma isala mini pa saamba i. ✧

³² Mi Petrus ziŋan waene bizin na, matan ikam sanaana zin ma tikeenemeete. To timaŋga ma matan ikam pak na, tire azuŋka ki Yesu, mi wal ru ta ziŋan Yesu timendernder na. ✧

³³ Timbotmbot mi wal ru tana tikamam be tizem Yesu to, Petrus imaŋga mi iso la pa Yesu. Iso: “Wai mos katuunu, iŋgi ambai kat. Pa itinaŋ ta tombotmbot i. Mi parei, ko ampo beeze tel sa? Ta pu, ta pa Mose, mi ta pa Ilia?” Sua ti ni iso sorok.

³⁴ Petrus izzo sua, mi miiri tieene isu ma izukkaala zin. Tabe motona biibi ikam zin. ✧

³⁵ To tileŋ kalŋaana ta imbot lela miiri tieene mi imar ma iso ta kembei. Iso: “Lutuŋ tamen ŋonoono ta aŋroogi mi aŋuri pa uraata ta tina. Kelenj la kalŋaana!” ✧

³⁶ Sua tana imap, mi zin naŋgaŋ matan ila na, tire Yesu itutamen imbotmbot. Mi uraata biibi ta tire na, loŋa mi tiso uruunu pa tomtom sa som. Timbotmbot ma kaimer mana tiso.

*Yesu iziiri bubuŋana sananŋana pa naŋgaŋ ta
(Mt 17:14-20; Mk 9:14-29)*

³⁷ Timbotmbot ma aigule toro, to tizem abal mi timiili mini ma tisula. Mi tise kizin iwal biibi ta timar be tire i.

³⁸ To tomtom ta, ta imbotmbot la iwal biibi tina lelen na, ni itaŋroro Yesu ma iso: “Mos katuunu, re. Ingi lutuŋ tamen ŋonoono ta ti.

³⁹ Ni, bubuŋana sananŋana ikamami. Re beso koronj tana imanga pini, to ipalkeeti su toono, mi

✧ **9:30-31:** Lu 9:22, 13:33 ✧ **9:32:** Kam 34:29; Yo 1:14; 2Pe 1:16+

✧ **9:34:** Kam 40:34+ ✧ **9:35:** Mbo 2:7; Yesa 42:1; Lu 3:22

iyakyak ma biibi. Mi ikadat mi ka toptoobo izzu. Tana ipasaana kati. Mi izemzemi som.

⁴⁰ Tana anjanroro zin nanjan ku be tiziiri bubujana tana ma ila ne. Tamen titoombo ma tirao som.”

⁴¹ To Yesu iso: “Aiss, niom wal ta koozi kombotmbot i, ko som kat! Leyom urlajana sa som. Niom zorzoorojyom kat. Itijan tembel mbotjana kek. Tana anso ko ngar tiom ipet risa? Mi inji som. Ambai. Kam lutum ma niomru kamar.”

⁴² Nanjan tana iwwa ma imar, mi bubujana sananjana tana imanja pini mini ma ipalkeeti su toono mi ikadat. Mi Yesu injasaara bubujana sananjana tana, to izem nanjan tana mi iyooto. Mi ni iurpe i ma niini ndabok, mi iuri la ki tamaana mini.

⁴³ Tabe ikam ma zin iwal sua kizin imap. Pa timurur pa Anutu mburaana tau.

*Yesu iso mini pa meetenana kini ma iwe ru pa
(Mt 17:22-23; Mk 9:30-32)*

Zin iwal tikamam ngar boozo pa uraata ta Yesu ikamam na, mi Yesu iso pizin nanjan kini ta kembe. Iso:

⁴⁴ “Kozo kopo sua tio ti ise ndomoyom. Tomtom Lutuunu, ni ko tikami ma tiuri la tomtom pakan naman be tipuni ma imeete.” ✧

⁴⁵ Tamen nanjan kini, tikilaala sua kini tana ka uunu som. Pa ike pizin. Mi lelen be tiwi i som. Pa timoto. ✧

*Asij ta ni zaana biibi ma ilip?
(Mt 18:1-5; Mk 9:33-37)*

⁴⁶ Timbotmbot mi nanḡaḡ kini timanḡa na, tipar-zooro pa kizin asiḡ ta ko zaana biibi ma ilip. ✧

⁴⁷ Mi Yesu ikam la pa ḡgar kizin kek. Tana ikam nanḡaḡ musaana ta ma imar imender su zilḡaana uunu,

⁴⁸ mi iso pizin: “Tomtom sa isombe ikam pikin tiḡi mi imbeeze pini pa nio zoḡ, na ni imbeeze pio tau. Mi tomtom ta sombe imbeeze pio, na ni imbeeze pa Ni ta iḡgo yo ma aḡmar i tomini. Tana tiom tasa isombe ikoto itunu ma iwe kembei mbesooḡo sorok, ina ni ta zaana biibi kat.” ✧

Tomtom ta so iwe kanda koi som, na ni iwe gaabaḡanda

(Mk 9:38-40)

⁴⁹ Yoan ileḡ sua tana to iso: “Biibi, niam amre tomtom ta, ni izirziiri bubuḡana sananḡan pa nu zom. Mi ni igabgaaba iti som. Tana ampeteke i.”

⁵⁰ Tamen Yesu iso pini: “E-e, kepeteke i pepe. Pa tomtom ta sombe iwe koyom koi som, na ni gaabaḡoyom.” ✧

Zin Samaria kan tipizil ndemen pa Yesu

⁵¹ Yesu ka nol igarau kek be Anutu ikami ma isala pa kar saamba. Tabe leleene imet kat be isala pa Yerusalem. ✧

⁵² Mi iḡgo zin tomtom pakan ma timuunḡu ma tila kar ta ki Samaria be tiurpe koronḡ pini.

⁵³ Tamen zin tomtom ki kar tana lelen be tikami som. Paso, ni isombe isala pa Yerusalem. ✧

✧ **9:46:** Mk 10:35+; Lu 22:24+ ✧ **9:48:** Mt 10:40; Lu 10:16; Yo 13:20 ✧ **9:50:** Mt 12:30; Lu 11:23; 1Kor 3:1-9 ✧ **9:51:** ḡgo 21:12+ ✧ **9:53:** Yo 4:9

54 Mi nanḡaḡ kini ru, Yems mi Yoan tileḡ, to timanḡa mi tiso: “Merere, parei? Ko amso pa you ma isu pa saamba mi ikan wal tana?” ✧

55 Tamen Yesu itoori mi iyaamba lae pizin.

56 Tona zinḡan nanḡaḡ kini timanḡa mi tipa ma tila pa kar toro.

Wal pakan ta tiso tito Yesu

(Mt 8:19-22)

57 Tiwwa pa zaala, mi tomtom ta isu na iso pa Yesu. Iso: “Biibi, lele sa ta nu so la pa i, na nio ko aḡto u men.”

58 Mi Yesu iso pini: “Me saḡsaḡḡan na, len murin ta toono sumbuunu. Mi man na, len ḡgini. Tamen Tomtom Lutuuu, ni le muriini sa be imbot pa mi keteene su na som.” ✧

59 Mi tomtom toro imar, to Yesu iso pini. Iso: “To yo.”

Tamen ni iso: “Biibi, parei? Ko irao aḡmiili, ma aḡturke taman mataana muḡgu, mana aḡto u?”

60 Tamen Yesu iso pini: “Na som. Zin wal ta timbot la zaala ki meeteḡana na, zin irao titwi zin meeteḡan. Mi nu la, mi soyaara sua pizin tomtom pa peeze ki Anutu.”

61 To tomtom toro imar kini mi iso: “Biibi, nio leleḡ be aḡto u. Tamen aḡso aḡla ma aḡsotaara zin wal tio, mi niamḡan ampateeḡe nomoyam muḡgu, tonabe aḡmar aḡto u.”

62 Tamen Yesu iso pini: “Som. Tomtom sa isombe iteeḡe peeze pa woḡgo, mi mataana im-ilmili, inako woḡgo irao iko kat som. Tomtom ta

✧ 9:54: 2Kin 1:10+; Mk 3:17 ✧ 9:58: 2Kor 8:9; Pil 2:6+

kembe, ni irao be ikam uraata pa peeze ki Anutu na som.” ☆

10

Yesu inḡo zin nanḡaḡ tomtō tel laamuru mi ru (72)

¹ Kaimer to Yesu ipeikat tomtom tomtō tel laamuru mi ru (72) tomen, mi iur zin se ruḡa pa uraata be timuḡḡu ma tila pa kar boozomen ta ni isombe ila pa i.☆

² Mi iso pizin ta kembei: “Kere. Kini metmetḡana na, biibi kat. Tamen wal uraata kan tabe tikam na, zin rimen. Tana kuḡu pa kini katuunu be inḡo zin uraata kan pakan ma tila pa kini ḡgaamaḡana.☆

³ Niom kembei sipsip ta inḡi be anḡo yom ma kala kombot la me malmalḡan mazwan. Tana sombe kala, na motoyom inḡal ituyom.☆

⁴ Mi kapa raama kautu, som pelpeele, som kumbuyom keteene sa pepe. Mi sombe kese kizin tomtom su zaala lwoono, na koyo kwoyom pa sua boozo pepe.☆

⁵ “Mi ruumu ta sombe kala pa, na loḡa mi kupumuḡḡu sua luumuḡana pa ruumu katuunu bizin ma koso: ‘Anutu ko imboro yom ma kombot ambai.’

⁶ Mi sombe ruumu katuunu ni tomtom ambaiḡana, to pombolḡana tiom ko imbotmbot se kini. Mi sombe som, nako imiili ma ima tiom mini.

⁷ Mi ruumu ta so kala pa, na kombotmbot men ruumu ta tina. Kapa pa ruumu pakan pepe. Mi kini ma yok ta so tikam piom, inako iwe leyom

☆ **9:62:** Lu 17:32; Pil 3:13+ ☆ **10:1:** Mk 6:7; Nḡo 13:2, 15:39+

☆ **10:2:** Mt 9:37+; Yo 4:35 ☆ **10:3:** Mt 10:16; Nḡo 20:29; 1Kor 15:32

☆ **10:4:** 2Kin 4:29; Lu 9:3+

kadoono. Kakan mi kiwin men. Pa niom kakam uraata pizin tau.✧

⁸ Tana sombe kala kar sa, mi tikampe yom mi tikam koyom kini, na kepelele pepe. Kakan men.✧

⁹ Mi kuurpe zin metenjan ki kar tina ma nin ndabok, mi koso pizin ta kembei. Koso: 'Ingi peeze ki Anutu imar igarau yom kek!'

¹⁰⁻¹¹ Tamen, sombe kala kepet kar sa mi tikam yom som, to kala kar keteene mi kitirke ululu ki kar tana pa kumbuyom, mi koso pizin: 'Kere. Ululu tiom ta imbot la kumbuyam, ta ingi amtirke leyom koronj ma isu lup. Pa ingi peeze ki Anutu imar piom, tamen kitit.' "✧

¹² To Yesu iseenge sua ma iso ta kembei: "Nio anso kat piom: Kar sa tisombe tikam ta kembei, na mbenj kaimer zin kola tikam patajana ma ilip kat pa kar Sodom.✧

*Yesu iyaamba zin kar ta tiurla kini som
(Mt 11:20-24)*

¹³ "Oora, niom Korazin koyom mi Betsaida koyom na, tembel yom kek! Mos bibip ta tipet su kar tiom na, kozobe zin wal matan munjan ki kar Tiro ma Sidon tire koronj ta kembei, so lelen ipata pa sanaana kizin ma tingun muungu pa, mi titooro lelen ta alok kek.

¹⁴ Nio anso piom: Indeeņe mbenj kaimer ma sombe Anutu iur kadoono pizin tomtom, na ni ko leleene imiili ri pizin. Tamen niom, nako som kat.

✧ **10:7:** Mt 10:10; 1Kor 9:11+; 1Tim 5:18 ✧ **10:8:** 1Kor 10:27

✧ **10:10-11:** Lu 9:5; Njgo 13:51, 18:6 ✧ **10:12:** Un 19:24+; Mt 10:15

15 Mi niom Kapenaum koyom na, niom kosombe Anutu ko iwit yom ma kasala kar saamba? Som! Niom ko kusula kat ta kar sanaana a.✠

16 “Niom wal ta kewe ngojana tio na, tomtom sa isombe ileŋ la sua tiom, na ni ileŋ la sua tio. Mi tomtom ta so itit yom, na ni itit yo tau. Mi zin wal ta titit yo, ina zin titit Ni ta inŋo yo ma anmar i.”✠

Zin tomtom tel laamuru mi ru timiili

17 Zin tomtom tomtom tel laamuru mi ru tila tipa pa sua maŋ, to timiili ma timar raama lelen ambai mi tiso pa Yesu. Tiso: “Merere, sombe amur sua pizin bubuŋana sananŋan pa nu zom, na zin tomini tileŋleŋ la kalŋoyam!”

18 Yesu isu to iso pizin. Iso: “Inŋi kembei anre Sadan itop pa kar saamba mi isu karau men kembei ta lele ikimit i.”✠

19 Tana keleŋ. Nio anŋkam leyom mburoyom bekena niom karao kapadaaga mooto sananŋan mi zirkuumbu, mi kokoto Tomtom Sanaana mburaana. Tana kosa sa ko irao be ipasaana yom kat na som.✠

20 Tamen niom menmeen yom pa bubuŋana sananŋan ta tileŋleŋ la kalŋoyom na pepe. Pa uunu ŋonoono tabe menmeen yom pa i, ina ta kembei: Zoyom tibeede se ro ki kar saamba kek.”✠

21 Yesu iso sua tana maŋ, mi Bubuŋana Potomjana ikami ma leleene ambai ma ambai kat. Tana isu mi iso: “O Tamaŋ, nu Merere ki saamba mi toono, nio anpakuru. Pa koronŋ ta nu turke pizin

✠ **10:15:** Yesa 14:13+ ✠ **10:16:** Mt 10:40; Yo 13:20; 1Tes 4:8; 1Yo 4:6 ✠ **10:18:** Mk 3:27; Yo 12:31; Tur 12:7+, 20:2+ ✠ **10:19:** Mbo 91:13; Mk 16:18; Ro 8:37+; Nŋo 28:5 ✠ **10:20:** Kam 32:32; Dan 12:1; Mt 7:22; Pil 4:3; Ibr 12:23; Tur 3:5, 20:12, 21:27

wal ngarjan, ta inġi swe pizin wal tau len ngar biibi som ma kembei ta zin pikin i. Tabe zin timbot mat pa. E Tamañ, mi ina nu to itum lelem tau.✠

22 “Koroñ ta munjaana men, ta Tamañ iur mar nomoñ kek. Tomtom sa kuliini irou kat Lutuunu som. Tamaana itutamen. Mi Tamaana ta kem-bena. Tomtom sa kuliini irou kati som. Lutuunu itutamen, mi zin tau Lutuunu ipeikat zin be iswe Tamaana pizin. Ina zin men tina ta tiute i.”✠

23 Tona Yesu itoori ma kereene ila kizin nangañ kini, mi iso lae pizin ma iso: “Niom ta kerre uraata ti na, leleyom ambai pa kampejana ki Anutu ta ise tiom na!”✠

24 Pa nio aņso kat piom: Munġu Anutu kwoono bizin mi zin bibip ki toono boozomen lelen ilip be tire koroñ ta niom kerre i. Tamen tire som. Mi lelen be tileñ koroñ ta niom kelenleñ i. Tamen tileñ som.”✠

*Mbulu ambaijana ki tomtom Samaria ta
(Lu 18:18-30)*

25 Tomtom ta, ni le ngar biibi pa tutu, imanga mi iso itoombo Yesu. Tana ikam wiņana pini ma iso: “Mos katuunu, ko aņkam parei, to aņkam mbotjana mata yaryaaraņana?”

26 Mi Yesu iso pini. Iso: “Sua ta imbot la tutu na, paata na iso parei?”

27 To tomtom tana iso:
Ur lelem ila ki Merere Anutu ku, raama mburom mi ngar ku ma imap ma iwe ni lene men.

✠ **10:21:** 1Kor 1:20,26+, 3:18+ ✠ **10:22:** Mt 28:18; Yo 1:18, 3:35, 10:15, 17:26 ✠ **10:23:** Mt 13:16+ ✠ **10:24:** 1Pe 1:10+

Mi ur lelem pa waem bizin kembei ta lelem pa itum.”☆

28 Yesu ileŋ na iso pini: “Ambai, nu pekel kat. Kozo kamam ta kembena, to Anutu ikam mbotŋana mata yaryaaraŋana pu.”☆

29 Tamen tomtom tina, ni leleene be tire i kembei mbulu kini indeeŋe kat pa tutu tina. Tana iso pa Yesu mini ma iso: “Wai, mi waen bizin ziŋoi tabe aŋur leleŋ pizin i?”

30 Yesu ipekel kwoono ma iso: “Kembei ta tomtom ta. Ni imbot Yerusalem, mi isombe ipa ma isula pa kar Yeriko. Izulla pa zaala lwoono, mi zin kuumbuŋan tipet kini, to tipun kati ma ruŋguunu isaana, mi imetekat ma isu imbotmbot. Mi tikem mburu kini ta boozomen, mi tiko ma tila len.

31 Molo som na, patoronŋana ka tomtom ta, ni ipa ma isu. Iwwa ma isula, mi ire la pa tomtom ta ikenne su zaala ma imbotmbot. To ipa lae zaala zilŋaana, mi izemi ma imar ila lene.

32 Mi urum tuunu ta, ta kembena. Isu pa zaala tamen tau. Isula na, ire tomtom tana ikenne su ma imbotmbot. To ni tomini ire su pini, mi ipasali mi imar ila.

33 To tomtom ta ki lele pakaana ki Samaria, ni ipa ma isula pa zaala tina tomini. Iwwa ma isula mi ire tomtom tana, to leleene isaana pini.☆

34 Tana ikonŋuru i ma ila, mi iliŋ ŋgere ma baen siŋiini izze zaaba kwon muriini, mi ipo. Tona iwiti se doŋki kini, mi ikami ma ila ruumu kizin leembe, mi imboro i.

☆ **10:27:** Wkp 19:18; Lo 6:5 ☆ **10:28:** Wkp 18:5; Ezek 20:11+; Ro 13:8+; Ga 3:12 ☆ **10:33:** Yo 4:9

³⁵ Timbotmbot ma aigule toro, to iweene pat denari ru pa kautu kini, mi ikam pa ruumu katu-unu ma iso pini. Iso: ‘Pat ru ti ima ku be imboro tomtom ti. Mi sombe pat tina imap, na uluuli ma irao an̄mar mini, to an̄kot pat ku.’”

³⁶ Yesu iso sua tana makin, to iwi tomtom ngarņana ki tutu. Iso: “Lak, wal tel tana, nu kam ngar pizin be parei? Tomtom ingoi ta iur kat leleene pa tomtom ta zin kuumbun̄an tikam zaaba pini na?”

³⁷ Tomtom ngarņana ki tutu iso: “Tomtom ta imuņai i na.” Tona Yesu iso pini: “Ta tina. La mi kam mbulu raraate men.”

Yesu ila ilou Mata ma Maria

³⁸ Yesu ziņan nanņan̄ kini tiwwa ma tila tipet kar ta. Mi moori ta, ni zaana Mata, ikami ma ila ruumu kini.✧

³⁹ Mi Mata tiziini moori Maria, ni mbuleene su Yesu kumbuunu uunu mi ilen̄leņ sua kini.

⁴⁰ Tamen Mata, ni imbesmbeeze pizin leembe. Tana tata ikami, mi izzu ma izze pa uraata. To iman̄ga na iso: “Merere, nu kam ngar pio risa som? Parei ta nio itun̄ tamen an̄kamam uraata, mi tizin moori imbomboorene sorok? So pini ma imar iuulu yo lak!”

⁴¹ Merere ipekel kalņaana ma iso: “O Mata, nu zzu ma zze pa uraata, mi kamam ngar pa koron̄ boozo mete.

⁴² Mi koron̄ tamen, ta so kam, ina irao. Maria, ni ikam koron̄ ambain̄ana ma ilip. Mi koron̄ tana na, irao titatke pini na som.”✧

✧ **10:38:** Yo 11:1, 12:2+ ✧ **10:42:** Mbo 27:4, 73:25; Mt 6:33

11

*Yesu ipaute nanḡaḡ kini pa sunḡana ka mbulu
(Mt 6:9-13)*

¹ Aigule ta na, Yesu izunḡunḡ su lele ta. Isunḡ makinḡ, mi nanḡaḡ kini ta, isu mi iwi lae pini ma iso: “Merere, so yam pa zaala ki sunḡana kembei ta Yoan ikam pa nanḡaḡ kini na.”

² Tabe Yesu iso pizin. Iso: “Kelenḡ. Sombe kusunḡ, to koso ta kembei:

‘Niam Tomoyam, nu zom iwal ko tipotom pa.

Kam zin tomtom ma tito peeze ku.✧

³ Ur koyam kini pa aigule ta boozomen.✧

⁴ Reege sanaana tiam.

Pa niam tomini amzemzem ḡgar pa sanaana boozomen ta tomtom tikamam piam na.

Mi ziiri toomboḡana ma imbot molo piam.’ ”✧

⁵ Tona Yesu iseḡḡe sua kini ma iso pizin: “Sombe guraaba ku sa imbot lele molo mi ima pa mbeḡ lukutuunu, mi sombe nu kom kosa sa be kam pini som, inako kam so? Nu ko la ki torom sa mi so pini: ‘Ou toroḡ, kam narabu zukḡana tel sa imar be aḡkam ma aḡla.

⁶ Pa guraaba tio ta imbot lele molo mi imar, mi inḡi koḡ kosa sa be aḡkam pini som!’

⁷ “Tamen takankaana pa. Ko torom tana mburaana som ma inḡi, mi ipekel kalḡom ma iso: ‘Aiss, pagesges yo paso? Pa niamḡan lutuḡ bizin amkotkaala kataama, mi amsu muriyam kek. Inḡi

✧ **11:2:** 1Kor 15:24+; Tur 11:15 ✧ **11:3:** Mbo 23:1; Pil 4:19; 1Tim 6:8 ✧ **11:4:** Mt 18:21+; Yo 17:15; Ep 4:32; 2Tes 3:3

be amkeene i. Irao anɲanɲa mi anɲkam kosa sa pu na som.’

⁸ “Lak, parei? Sombe ni ipekel ta kembei, ko zemi? Som. Nu ko noknok sua pini. Mi nio anso kat piom. Nonoono, torom tana, ni niini gesges. Tamen ni kola ileɲ la kalɲom mi iuulu u pa koron boozomen ta nu ru zaala pa. Pa sombe iuulu u som, to itunu uruunu isaana.✠

Anutu ko ileɲ sunɲana kiti. Pa ni kampeɲana katuunu

(Mt 7:7-11)

⁹ “Tana nio anso piom: Kiwi, to kakam. Kuru, to kendeenɛ. Kutut kataama, to kataama ikaaga piom.✠

¹⁰ Pa sombe tomtom sa iwi, nako ikam. Mi tomtom ta so iru, nako indeenɛ. Mi tomtom ta so itut kataama, nako kataama ikaaga pini.

¹¹ Parei? Sombe pikin tasa iwi tamaana pa ka ye, ko tamaana ikam ka mooto sa?

¹² O sombe iwi i pa ka man kutuluunu, ko ikam ka zirkuumbu sa? Som.

¹³ Lak, niom na sananɲoyom. Tamen mbulu tabe kakam pa lutuyom bizin na, niom kuute. Tanata kakamam koron ambaimbaiɲan pizin. Mi Tomoyom ta imbot saamba a, kampeɲana kini ilip kat piom. Tana zin wal ta so tisun i pa Bubunɲana Potomɲana, na ni ko ikam pizin.”✠

Tiso Yesu ikam Sadan mburaana

(Mt 12:22-30; Mk 3:22-27)

¹⁴ Tomtom ta, ni bubunɲana sananɲana ikami ma kwoono imun. Mi Yesu iziiri bubunɲana sananɲana

✠ **11:8:** Lu 18:1+ ✠ **11:9:** Mk 11:24; Yo 15:7; 1Yo 5:14+ ✠ **11:13:** Yo 4:10, 7:38+, 14:16+; Nɲgo 2:38

tana ma iyooto pini, to tomtom tana iso sua. Tabe iwal biibi tire mi kwon itaanda pa.

¹⁵ Tamen tomtom pakan timanga mi tiso: “Inga sa Belsebul, biibi kizin bubuɗana sananɗan ta ipombolmboli. Tanata le mburaana be iziiri zin bubuɗana sananɗan ma tiyooto.”

¹⁶ Mi pakan na, tiso titoombo Yesu. Tisombe ni itooro mos sa tabe iswe kembei ni iwwa raama saamba mburaana, to tiurla kini.✠

¹⁷ Mi Yesu, ni iute ngar kizin kek. Tana iso pizin: “Parei, lele sa, sombe ka tomtom bizin tibalak zitun mi tiparkam malmal pizin, ko timbot ambai? Som. Ko tiparkazas zin ma lele tana bilim. Mi ruumu tomini. Sombe ka tomtom bizin tikam ta kembei, inako tireege ruumu ma borok su lene.✠

¹⁸ “Mi Sadan ta kembena. Sombe zin wal ta ni ikamam peeze pizin i, tibalak zitun mi tiparkamam malmal pizin, nako peeze kini imbol be parei? Kere. Niom tina kosombe Belsebul ta ipombolmbol yo, mi aɗzirziiri zin bubuɗana sananɗan ma tiyotyooto.

¹⁹ Kena parei pa nanɗanɗ tiom ta tizirziiri zin na? Asiɗ ipombolmbol zin? Sua ta kipiri pio, ta imiili pa ituyom ma iswe ngar tiom sananɗana.

²⁰ Tamen sombe Anutu mburaana ta ipombolmbol yo mi aɗzirziiri zin bubuɗana sananɗan, ina iswe kembei peeze ki Anutu ipet mat ma imbot la mazwoyom kek.✠

²¹ “Mi tomtom sa ta ni mburaanaɗana i, sombe iur mburu kini malmal kana ila niini lup, mi

✠ **11:16:** Mt 12:38, 16:1; Mk 8:11 ✠ **11:17:** Mt 9:4 ✠ **11:20:** Kam 8:19; Lu 17:21

imenderkalkaala ruumu kini mbolɔna, nako korɔn kini boozomen imbot ambai.

²² Tamen, sombe tomtom toro sa, ta mburaana ilip kat na, imar mi ziru tikam malmal, inako ilip pini. Tonabe iyo mburu malmal kana boozomen ta tomtom mataana kana ipase pa na, mi iyo le korɔn kini pakan tomini, mi irai ma irao waene bizin.✠

²³ “Tomtom ta so igabgaaba yo som, ina ni iwe koɔn koi. Mi sombe tomtom sa, iuluulu yo be anluplup zin tomtom som, na ni kembei iyanɔwirɔnɔwiiri zin.”✠

Sua tooroɔna pa bubuɔna sananɔna ta ila mi imiili mini

(Mt 12:43-45)

²⁴⁻²⁵ Yesu iseɔnge sua kini mini ma iso: “Bubuɔna sananɔna sa, sombe iru pa tomtom sa mi iyooto mini, inako iwwa le sorok pa lele bilimɔna, mi iru muriini be imbot pa mi keteene su. Mi sombe iru ma som, nako iso: ‘A, nio iɔgi ko aɔmiili ma aɔla aɔlou muriɔ munɔɔna mini.’ Mi so imiili ma ila muriini munɔɔna tana, mi ire kembei tisiiri ma iɔgeze kek,

²⁶ nako ila mini mi iyo waene bizin lamata mi ru tomen ta tilip pini pa mbulu sananɔna na, ma ziɔan timar mi tiru pa tomtom tana ma timbotm-bot. Tabe ni isaana kat. Munɔu na pe som, mi iɔgi isaana ma isaana kat.”✠

²⁷ Yesu izzo sua tana, mi moori ta imbot lela iwal biibi mazwan, ni imanɔa to iso la pini ma iso:

✠ **11:22:** Kol 2:15; 1Yo 3:8, 4:4; Tur 20:2 ✠ **11:23:** Mk 9:40; Lu 9:50

✠ **11:26:** Yo 5:14; Ibr 6:4+; 2Pe 2:20+

“Moori ta ipeebu mi ipiwinu pa tui na, ni ikam kampejana biibi!”✠

²⁸ Tamen Yesu iso: “Ina nonoono. Tamen zin wal ta tikan la sua ki Anutu mi titoto, ina zin tomimi tikam kampejana biibi.”✠

Yona iwe kilalan
(Mt 12:38-42)

²⁹ Tomtom boozo timarmar, to Yesu imanga mi ikam sua pizin. Iso: “Wal ta koozi timbotmbot i, zin sananjan kat. Pa tiso tire mos sa pa matan, to tiurla. Mi mos tamen kembei ta munju ipet pa Anutu kwoono Yona na, mos tamen tina ta ko Anutu ikam pizin.

³⁰ Pa munju Yona iwe kilalan pizin tomtom ki Ninibe, mi ipei ngar kizin pa mbulu kizin sananjan. Mi Tomtom Lutuunu ko ikam mbulu raraate men pizin tomtom ta koozi timbotmbot i.✠

³¹ Indeeje mbenj kaimer ma Anutu iso iur kadoono pizin tomtom na, moori zaanaana ta munju ikamam peeze pa lele pakaana ta mbuleene kat na, ni tomimi zijan zin tomtom ta koozi timbotmbot i, ko timanga. Mi ni ko injal matan pa zooronana kizin. Paso, ni iute Anutu som, tamen imbel pai pa lele molo mi imar, bekena ilej ngar ta Anutu ikam pa king Salumo na. Mi inji tomtom ta ilip pa Salumo, ta koozi imbotmbot i.✠

³² Mi zin Ninibe kan tomimi. Zijan zin tomtom ta koozi timbotmbot i, ko timanga mi tinjal matan.

✠ **11:27:** Lu 1:28,42,48 ✠ **11:28:** Lu 8:15,21; Yo 14:21; Yems 1:25

✠ **11:30:** Yona 1:17, 2:10, 3:4 ✠ **11:31:** 1Kin 10:1+; 2Sto 9:1+

Pa munḡu zin tileḡ sua ki Yona, mi titooro lenen. Mi inḡi tomtom ta ilip pa Yona, ta koozi imbotmbot i.✠

Mat mi zugut

(Mt 5:14-16, 6:22-23)

³³ “Parei, sombe tutun lam sa, ko tuturke? Som. Iti tuur se kor, bekena zin tomtom ta tile na, timbot la mat tomini.✠

³⁴ Iti matanda ta iurur mat piti. Tana sombe matanda ambai, ina iswe kembei mat imbot la lelende kek. Mi sombe matanda isaana, ina iswe kembei tombot la zugut lene men.

³⁵ Tana motom inḡalḡal itum. Kokena nu nde-meere sorok ma so ko mat imbot la lelem, mi tamen ko zugut ma inḡi.

³⁶ Tana sombe koronḡom sa ikam zugut ka mbulu sa som mi mbotmbot la mat leleene men, nako kembei ta lam iyaara kat pu i.”

Mbulu sananḡana kizin tutu kan mi zin ḡgarḡan ki tutu

(Mt 23:1-36; Mk 12:38-40)

³⁷ Yesu ikamam sua tana, mi tomtom ta kizin wal tutu kan, ni iso pini be ziru tila ma tikan kini la mbata.

³⁸ Tila ma mbulen su pa kini kanḡana. Mi tomtom tina ire Yesu inḡuuru namaana som, mi ikan kini, tabe ikam ḡgar boozo.✠

³⁹ To Merere iso pini. Iso: “Aiss, niom tutu koyom, kakam ḡgar biibi pa koronḡ mat kana men kembei ta mbooro ma kuuru ḡguuruḡana. Tamen leleyom na, bok pa kuumbu mi mbulu sananḡan ta boozomen.✠

✠ **11:32:** Yona 3:5+ ✠ **11:33:** Mt 5:15; Mk 4:21; Lu 8:16; Pil 2:15+

✠ **11:38:** Mt 15:1+; Mk 7:1+ ✠ **11:39:** Mk 7:4; Tit 1:15

40 Niom tallinoyom kat! Parei, Anutu ikam ngar pa koronj mat kana men, mi lelende som?

41 Tamen sombe kuur leleyom pizin wal sor-roknan mi ku'uulu zin, nako koronj ta munjanana men ingeeze piom.✠

42 “Niom tutu koyom na, tembel yom kek! Pa motoyom ingalngal be kikinin zeere tiom soroksorok mataana kana be kakam la ki Anutu. Mi ina ambai. Tamen tutu bibip nonoono, ina kakam ngar pa som! Tutu ta kembei: Takam mbulu ndeejanana men, mi tuur kat lelende pa Anutu mi zin tomtom. Niom sombe koto tutu, na bela koto tutu ta boozomen, tona ambai.✠

43 “O niom tutu koyom na, tembel yom kek! Pa sombe kelela lupjana muriini, na niom leleyom be mbuleyom izze mbalia ta wal zannan murin na. Mi sombe tipakur yom isu kar keteene, to leleyom ndabok mi niyom ise.✠

44 Aiss, tembel yom kek! Niom kembei wal lepen ta tomtom tire som, tana tiso ko lele ambainana men, mi tilala mi timarmar pa.”

45 To tomtom ta, ni zin wal ta ngar kizin ilip pa tutu i, iso pa Yesu. Iso: “Biibi, sua ta piri na, ipamianj yam tomini.”

46 Tabe Yesu iso pini. Iso: “Aiss, niom wal ta ngar tiom iliip pa tutu i, niom tomini tembel yom kek! Pa tutu tiom ikamam patajana boozomen pizin tomtom. Nonoono, tutu tana ipata piom som. Mi zin na, ipata pizin. Tamen kuur nomoyom kunuunu risa be ku'uulu zin na som.✠

✠ **11:41:** Yesa 58:6+; Lu 12:33; Tit 1:15; Yems 1:27 ✠ **11:42:** Lo 6:5; Mika 6:8 ✠ **11:43:** Lu 14:7, 20:46 ✠ **11:46:** Ngo 15:10; Ga 5:1

47-48 “Mi Anutu kwoono bizin ta munḡu tumbuyom bizin tipun zin ma timetmeete lup, ta koozi kuurpewe lepen be inḡeeze kat. Tamen mbulu ta kakamam, ina iswe kembei nḡar tiom raraate kembei ta tumbuyom bizin, mi koyok pa mbulu kizin sananḡana. Tana tembel yom kek.✧

49 Tanata Anutu iswe nḡar kini biibi ma iso ta kembei: ‘Nio ko anḡo zin wal ta tiwe nio kwon na, mi zin nḡonḡana tio. Mi pakan na, tomtom ko tipun zin ma timetmeete. Mi pakan, nako tiseeze matan.’

50-51 Mi kadoono sananḡana kizin wal boozomen ta tipun sorok Anutu kwoono bizin, inako ise tiom. Indeeḡe ta Anutu iur saamba mi toono, mi meeteḡana ki Abel, mi imar imar ma meeteḡana ki Anutu kwoono Sakaria ta tipuni su artaal uunu lela urum lene na, mbulu sananḡan ta boozomen tana ka kadoono kola ise kizin tomtom ta koozi timbotmbot i. E, nio anḡso piom: Niom ta ko kere kadoono kizin.✧

52 “O niom wal ta nḡar tiom iliplit pa tutu i, tembel yom kek! Pa sua ki Anutu ta iwe zaala pizin tomtom be tiute kati na, niom keswe pizin som. Mi ituyom kombot lela peeze ki Anutu som, mi zin wal ta tikamam be tilela na, kapakalkaala zaala pizin.”

53 Yesu ikam sua tana ma imap, to imanḡa be izem zin. Som, mi zin tutu kan mi zin nḡarḡan ki tutu keten malmal kat pini. Tana timanḡa mi tikam wiḡana boozo pini,

54 beso ipekel nḡoobo ma inḡi, tona iwe le uunu be tikami.

✧ 11:47-48: Nḡo 7:51+ ✧ 11:50-51: Un 4:8; 2Sto 24:20+

12

Takam pakaamɲana pa urlaɲana pepe
(Mt 10:26-27, 16:6; Mk 8:15)

¹ Iwal ta munɲaana ka tieene kat timar tilup zin mi tiparzalla pizin ma timbotmbot. Mi Yesu imanɲa pa sua kamɲana ma iso lae pizin nanɲaɲ kini munɲu. Isombe: “Kozo kere yom pa yis kizin tutu kan. Yis tana, ina pakaamɲana ta tikamam pa urlaɲana kizin na.✧

² Pa koronɲ zukɲan ta boozomen, nako tipeeze ma borok su. Mi koronɲ turkeɲan ta boozomen, nako kaimer tiswe ma imbot mat.✧

³ Tana sua ta koso la zugut lene, nako tiswe ma ipet mat pa aigule. Mi sua ta kumburumrum pa lela ruumu leleene, inako tisoyaara isu kar keteene.

Komoto pepe
(Mt 10:28-31)

⁴ “O toronɲan, nio anso piom. Zin tomtom ta tiso tipun yom ma kemetmeete na, komoto zin pepe. Pa sombe tipun yom ma kemeete, ina imap ta tina. Kaimer na, zin ko tirao be tikam kosa sa toro piom mini na som.✧

⁵ Mi Anutu, to komoto i. Pa ni mburaana biibi. Irao be ipun tomtom ma imeete. Mi irao iziiri kunuunu tomini ma ila imbot kar sanaana. Tana anso piom: Komoto Anutu itutamen tau.✧

⁶ “Kakam ɲgar pa man kimbinbin. Ina man sorokɲana. Irao tingiimi lamata pa pat siɲsiɲɲan ru. Tamen Anutu, ni mataana mbelelele tasa na som.

✧ **12:1:** Mt 16:6; Mk 8:15; 1Kor 5:6+; 1Pe 2:1 ✧ **12:2:** Mk 4:22; Ro 2:16; 1Kor 4:5; Ibr 4:13 ✧ **12:4:** Ibr 13:6 ✧ **12:5:** Ibr 10:31; Yems 4:12

⁷ Mi niom na, ndomoyom ŋoyom. Kilip kat pizin man kimbinbin. Uteyom runrun na, Anutu inin ma imap. Tana komoto koyom pepe.✧

⁸ “Nio aŋso kat piom. Sombe tomtom sa iswe kembei ni iwe leŋ ıla tomtom matan, na Tomtom Lutuunu ko iswe i tomini kembei ni nanŋaŋ kini ıla zin aŋela ki Anutu matan.✧

⁹ Tamen, sombe tomtom sa iwatkaala nio zoŋ ıla tomtom matan, na Tomtom Lutuunu ko iwatkaali tomini ıla zin aŋela ki Anutu matan.✧

¹⁰ “Tomtom sa, isombe igiibi sua sananŋana pa Tomtom Lutuunu, na sanaana kini tina Anutu ko irao ireege pini. Tamen sombe igiibi sua sananŋana pa Bubunŋana Potomŋana, nako Anutu ireege pini na som.✧

¹¹ “Mi sombe tikam yom ma tipamender yom lela lupŋana muriini, som zin bibip mi zin peeze kan keren uunu, na kopoyom rru mi kuru zaala pa sua pareiŋana tabe kepekel pa i na pepe.✧

¹² Pa mazwaana tana Bubunŋana Potomŋana itunu ko ikam ŋgar piom mi iso yom pa sua tabe koso i.”

Sua tooroŋana pa mbio uunu ta ni talliŋana kat

¹³ To tomtom ta, ni imbot lela iwal biibi lelen, mi iso la pa Yesu ma iso: “Mos katuunu, so pa atoŋ be ipeete koronŋ ta tomoyam iur piam na ma nio leŋ pakaana.”

¹⁴ Tamen Yesu ipekel ma iso: “Wai, asiŋ iur yo be aŋtiiri sua tiom mi aŋpeete koronŋ tiom?”

✧ **12:7:** Lu 21:18; Nŋo 27:34 ✧ **12:8:** Tur 3:5 ✧ **12:9:** Mk 8:38; Lu 9:26; 2Tim 2:12; 1Yo 2:23 ✧ **12:10:** Mt 12:31+; Mk 3:28+; Ibr 6:4+, 10:26; 1Yo 5:16 ✧ **12:11:** Mk 13:11; Lu 21:14+

15 Tona iseenge sua kini, mi iso pizin iwal ta kembei. Isombe: “Motoyom ingal ituyom: Kokena motoyom berber pa koron boozo mi motoyom koronoyom. Pa sombe tomtom sa, ni irao kat pa koron ta boozomen ki toono, na koron tana men ko irao be ikami ma imbot ndabok na som.”✧

16 Tona ni ikam sua tooronana taingi pizin. Isombe: “Kembei ta mbio uunu ta. Ni toono kini mbuyeene biibi, tabe koron kini boozomen ta iwaswaaza na, titum ma tizze ma nonon ta sorok som kat.

17 To tomtom tana imbot ma som mi ikam ngar. Iso: ‘Wai, ingi kozo ko ankam parei pa kini tio ti? Ko anur ila parei? Pa muriini tingi na, irao som.’

18 To imanga mi iso pa itunu ta kembei: ‘Oo, ingi ko ankam ta kembei: Ko anreege diditu munmun tingi, mi anpo bibipnan. Naso andaaba kini ma koron tio ta munjana men lela.

19 Toinabe anmanga mi anso pa itun ma ansome: Aa buri, kini ta andaaba lela muriini tingi, ta ko imboro yo ma irao ndaama boozomen. Tana buri be ketej su, mi ankam kat mboti ambainana. Ko ankanan ma anwinin, mi anbotmbot men ta kembei.’✧

20 “Tamen Anutu iso pini ta kembei: ‘A, nu tana tallinom kat! Mberj ta koozi ko meete. Mi koron ta ndoundou na, ko asinj ikam?’ ”✧

21 Tona Yesu ipemet sua kini ma iso ta kembei. Iso: “Mbulu raraate men, ta ko ipet pizin wal ta

✧ **12:15:** Mbo 62:10; Lu 4:4; 1Tim 6:6-17 ✧ **12:19:** 1Kor 15:32; Yems 5:5 ✧ **12:20:** Mbo 39:4-6, 49:16+, 52:7; Yems 4:14

tindoundou len koronj boozo su toono, mi tamen koronj nonoono ta ki Anutu i, na zin tirao pa som.”✠

Anutu ko mataana piti

(Mt 6:25-34)

²²⁻²³ To Yesu iso pizin nanjanj kini. Isombe: “Tana kopoyom rru pa koyom kini mi leyom mburu pepe. Pa koronj kulindi kana men kembei kini mi mburu, ina irao ikam ti ma tombot ndabok na som.✠

²⁴ Kere. Zin man tiwaswaaza kini, som titoutou kini ma tidabdaaba lela ruumu? Som. Anutu itunu ipututu zin. Mi niom na, kilip kat pizin man.

²⁵ Mi parei? Sombe tiom tasa iru zaala be iseenje itunu swoono ma imbot molojana ri, ko irao? Som.

²⁶ Mi sombe karao be kakam koronj rinja ta kembei som, na parei ta kopoyom rru pa koronj pakan?

²⁷ “Mi kere aigau boozomen ta tizze na, tika mam uraata sa? Som. Mi zitun tiurpewe len mburu be tizeebe zin pa i? Som. Mi nio anso kat piom: Munju, king Salumo, ni izebzeebi pa mburu milmiljan ta ndabokbokjan kat. Tamen mburu kini sa irao kembei aigau tingi na som.✠

²⁸ Mi aigau tingi, ingi koronj sorok. Koozi timbot. Gaaga tila len. Tamen Anutu itunu ta iurpe ma ambai kat. Lak, sombe ni mataana ingalngal koronj soroksorok ta kembei, nako mataana ingalngal yom pa leyom mburu tomini. Oo niom, urlajana tiom musaari metel!✠

✠ **12:21:** Mt 6:19+; 1Tim 6:18+; Yems 2:5 ✠ **12:22-23:** Pil 4:6; Ibr 13:5; 1Pe 5:7 ✠ **12:27:** 1Kin 10:4+; 2Sto 9:3+ ✠ **12:28:** Mt 10:29

²⁹ Tana kopoyom rru pa koyom kini ma yok mi kakam ngar boozo pa pepe.

³⁰ Pa ina, zin karkari ta tiute Anutu som, ta tika-mam ngar biibi pa koronj ta kembei. Tamen niom, sombe kuru zoloyom pa koronj sa, na Tomoyom iute kek.

³¹ Tana bela kakam kinkiini pa peeze kini munju, to ni ikam zin koronj taingi ma ito ma ima.”☆

*Tupun mburanda pa koronj nonono
(Mt 6:19-21)*

³² Yesu iso: “O niom sipsip ki Anutu, niom wal boozonoyom som. Mi komoto pepe. Pa Tomoyom, ni leleene be ikam yom ma kombot lela peeze kini leleene mi kelela kar saamba.☆

³³ Tana kongomoono koronj tiom, mi karai ka pat pizin wal ta len koronj somjan i. Naso kuurpe leyom kautu ta irao be isaana som, mi imbotm-bot ma alok su kar saamba. Mi ina wal kuum-bunan tirao be tikem som. Mi rap tomini, irao be ipasaana som.☆

³⁴ Pa lele ta so nu re kembei koronj ku nonono imbotmbot pa, inako ur lelem imap ma ilala pa lele ta tana.”

*Zin mbesoonjo be tiurur matan pa miilijana ki
biibi kizin
(Mt 24:45-51; Mk 13:32-37)*

³⁵ “Kutun lam tiom ma ikanan, mi kuurpe ituyom ma kazza.☆

☆ **12:31:** Mbo 37:4,25; Ro 14:17 ☆ **12:32:** Mt 25:34; Tur 1:6

☆ **12:33:** Lu 18:22; Ngo 2:45; 1Tim 6:18+ ☆ **12:35:** Mt 25:1+; Pil 3:20; 1Tes 5:4; 1Pe 1:13

³⁶ Kembei zin mbesooŋo ta tiurur matan pa biibi kizin ta imbot ula uunu na, beso imiili mi itut kataama, na loŋa mi tisol pini.

³⁷ Nio aŋso piom: Zin mbesooŋo ta sombe biibi kizin imar, mi ire zin tiurur matan pini mi tizza i, inako lelen ambai pa kampeŋana tabe ise kizin i. Nio aŋso kat piom: Biibi kizin ko iselek mburu kini mi iurpe itunu pa uraata, to iso pizin ma mbulen isu be tikan kini, mi itunu imbesmbeeze pizin.✠

³⁸ “Tana sombe biibi kizin imar pa mbeŋ luku-tuunu, som man itaŋtaŋ, mi ire zin tizza i, inako lelen ambai pa kampeŋana tabe ise kizin i.

³⁹ “Lak, sombe ruumu katuunu iute nol tabe tomtom kuumbuŋana imar pa i, ko izem ruumu kini ma imborene sorok mi ila? Som. Ko imenderkaala ruumu kini ma imbotmbot. Kokena tomtom kuumbuŋana tana ipetepaala ruumu mi ilela.✠

⁴⁰ Tana niom ta kembena. Kozo kuurur moyom ma kombotmbot. Pa nol ki Tomtom Lutunu na, niom kuute som. Ni ko imar kembei ta pamururŋana.”✠

⁴¹ To Petrus iso: “Merere, sua tooroŋana tana, nu so piam men, som so pizin iwal biibi?”

⁴² Merere ipekel kwoono ma iso: “Mbesooŋo ta so ni mata seŋana mi le ŋgar ambaiŋana, nako biibi kini iuri be imboro ruumu ka uraata mibe irre waene bizin pa kan kini.

⁴³ Mi sombe biibi kini ila lele sa, mi imiili ma imar mini, mi indeeŋe mbesooŋo tana ikamam kat uraata kini, inako mbesooŋo tana leleene ambai pa kampeŋana tabe ise kini i.

✠ **12:37:** Yo 13:4 ✠ **12:39:** 1Tes 5:2+; 2Pe 3:10; Tur 3:3 ✠ **12:40:** Mk 13:33; Tur 16:15

44 Nio anso kat piom: Biibi kini ko iuri ma iwe mataana be imboro koronj kini ta boozomen.✠

45 “Tamen sombe mbesoonjo tana ikam ngar ta kembei. Iso: ‘Aa, biibi tio ko loŋa mi imar na zeen.’ To imaŋga ma ipun sorok zin mbesoonjo pakan, mi igaaba zin winŋana kan mi ziŋan tiwinin ma tigadgaada, na kozo ire i.✠

46 Pa biibi kini ko imar ma ipamururi. Tonabe ikam zaaba pini, mi ipiri i ma ila igaaba zin wal ta tiurla som na.

47 “Mbesoonjo sa, sombe iute mbulu ta biibi kini leleene pa i, mi tamen iurpe ka uraata som, inako tibalisi ma kuliini berebere.✠

48 Mi sombe mbesoonjo sa iute som, mi ikam ŋoobo mbulu, inako biibi kini leleene imiili ri pini mi iseeze kat mataana som. Pa tomtom ta so Anutu ikam le koronj biibi, na ni bela ipimiili ma biibi. Mi sombe tomtom sa, Anutu indemeeri mi iur koronj biibi ila namaana be ikam uraata pa, inako Anutu iur mataana pini be ipimiili ma biibi.✠

Yesu ko iwe uunu pizin tomtom be tiparyapaala zin

(Mt 10:34-36)

49 “Nio ti anmar be anpiri you isu toono. Mi so you tana ikanan pataŋa, so leleŋ ndabok.

50 Tamen pataŋana biibi tabe isalakaala yo i, ina iwwa i. Tana leleŋ ipata ma ipata kat. Mi ko anbotmbot ta kembei ma irao pataŋana tana ikam yo, mi anbaada ma imap.✠

✠ **12:44:** Lu 19:17+ ✠ **12:45:** 2Pe 3:3 ✠ **12:47:** Yems 4:17

✠ **12:48:** Wkp 5:17; Ro 2:12+; 1Tim 1:13 ✠ **12:50:** Mk 10:38+; Yo 12:27

51 Parei? Niom koso ko nio anjar be anjup zin tomtom ma lelen iwe tamen? Ina som. Pa nio ko anje uunu pizin be tiparyapaala zin ma timbot ndelndelja.

52 Pa indeene koozi mi ila na, lupjana kizin tonmatizij ko imureege, mi lelen iwe tamen mini som. Sombe zin lamata, nako tel timbot pakaana, ru timbot pakaana.

53 Mi zin kolman zijan lutun bizin ko tilup zin mini som, mi tiparmbot molo pizin. Mi zin kolmannan ta kembena. Ko zijan lutun moori bizin tilup zin mini som, mi tiparmbot molo pizin. Mi zijan rwon moori bizin tomini, ko tikam mbulu raraate men tau.”✧

Kilalan
(Mt 16:2-3)

54 Yesu iso pizin iwal mini ma isombe: “Kelej. Niom sombe kere miiri tieene izukzuk re uunu ri, to loja mi koso: ‘O, inji be yan imar i.’ Mi yan imar.

55 Mi sombe kayamaana miiri iloondo ki iwaara, to kosombe: ‘Inji be lele ilomo mini.’ Mi lele ilomo.

56 Niom wal ta kakamam pakaamjana pa urlajana tiom! Pa lele na, niom karao be kikilaala. Mi mbulu ta koozi iwedet i, parei ta karao be kikilaala som?

Loja mi tuurpe lelende pa kanda koi bizin
(Mt 5:25-26)

57 “Mbulu ndeenejana na, niom kuute kek. Mi parei ta kusu mi katalli pa mini?

58 Sombe tomtom sa ikamam be ipamenderu pa sua, na mbotmbot pepe. Loja men mi toombo be la kini, mi niomru kuurpe leleyom. Kokena ni

✧ 12:53: Mika 7:6

ikamu ma niomru kala ki biibi ta itirtiiri sua i. To biibi tana iuru la zin mendernjan naman, mi tipiri u lela ruumu sanaana.

⁵⁹ Mi nio anso kat pu. Nu ko irao yooto karau na som. Ko mbotmbot ma irao posop kat kadoono ta tiur pu na.”✧

13

Sombe totooro lelende som, inako tala lende

¹ Indeeje mazwaana tina, tomtom pakan timar mi tisotaara Yesu pa zin Galilea kan pakan ta tika-mam patoronjana ila ki Anutu, mi Pilatus ipun zin ma sinjin ireere sala artaal ki patoronjana tana.

² Tana Yesu iso pizin ma iso: “Wal tana, niom kakam ngar pizin be parei? Sanaana kizin ilip pizin Galilea kan pakan, tana patanjana ta kembei ise kizin?”✧

³ Nio anso piom: Som kat! Mi kelenj. Sombe kotooro leleyom som mi kezem sanaana tiom som, na niom ta munjaana men ko kamap ma kala leynom kembei ta zin na.”✧

⁴ Mi zin wal lamoro mata mi tel ta ruumu ute ngutnguutušana zaana Siloam ipol salakaala zin ma timetmeete na, niom kakam ngar pizin be parei? Sanaana kizin ilip pizin wal pakan ki Yerusalem?

⁵ Nio anso piom: Som kat! Mi sombe kotooro leleyom mi kezem sanaana tiom som, inako kala leynom tomini raraate kembei ta zin.”

Yesu ikam sua tooronjana pa ke ta njono somjana

⁶ To Yesu ikam sua tooroŋana taiŋgi pizin. Isombe: “Ke fik ta imender la baen lene ki tomtom ta. Ni ila na, mataana izalla pa uteene be iru ka ŋonoono. Mi som.

⁷ To isu na iso pa mbesooŋo kini ta imborro baen lene na ta kembei. Iso: ‘Leŋ! Nio aŋbelmbel lele ti marŋana pa ndaama tel i, be aŋru ke tiŋgi ka ŋonoono. Mi ŋonoono sa som. Tana taara ma isu lene. Kokena ikam sorok toono mbuyeene.’[☆]

⁸ Tamen tomtom ta imborro baen lene na, iso pini ta kembei: ‘O biibi, pasaana paso? Imbotm-bot mi aŋtoombo ma aŋkamam toono ila uunu pa ndaama tasa.’[☆]

⁹ Mi ndaama toro, to tere. Sombe ŋonoono, inako kena. Mi so som, inako tataara ma isu lene.’ ”

Yesu iurpe moori ta pa aigule potomŋana

¹⁰ Indeeŋe aigule potomŋana ta na, Yesu ni ikamam sua pizin tomtom ilela lupŋana muriini.

¹¹ Mi moori ta, ni bubuŋana sananŋana ipasaani ma ikunkun ki pai ma irao ndaama lamoro mata mi tel kek. Irao iswooro ndemeene risa som.

¹²⁻¹³ Mi Yesu ire i, to iboobi ma ila kini, mi iur namaana isalakaali mi iso pini. Iso: “Moori, mete ku ko ikisu mini som.” To loŋa men iswooro ndemeene, mi imender kat mi ipakur Anutu.

¹⁴ Tamen tomtom ta imborro lupŋana muriini na, ni keteene malmal. Pa Yesu iurpe moori tana pa aigule potomŋana tau. Tanata iso pizin iwal ma isombe: “Aiss, parei ta niom kamar be iurpe yom pa uraata lene som? Ingi sa aigule potomŋana tabe ketende su pa i.”[☆]

[☆] **13:7:** Mt 3:10, 7:19; Yo 15:2,6 [☆] **13:8:** Ro 2:4; 2Pe 3:9,15

[☆] **13:14:** Kam 20:8+

15 Tabe Merere iso: “Niom wal pakamkaamᵊoyom! Niom ta boozomen kuputkewe mbili tiom, mi kakamam zin ma tilala tiwinin kan yok pa aigule potomᵊana.”✠

16 Mi moori ti, ni Abaraam popoᵊana kini. Tamen Sadan ikisi pa ndaama lamoro mata mi tel kek. Parei? Ko irao tatatke i pa pataᵊana kini pa aigule potomᵊana som?”✠

17 Yesu ka koi bizin tilenᵊ pekelnᵊana kini na, kan mianᵊ. Mi zin iwal biibi na, menmeen zin pa uraata mburanᵊan mi ndabokbokᵊan ta ni ikamam na.

Yesu itooro sua pa zeere mastet

(Mt 13:31-32; Mk 4:30-32)

18 To Yesu iso: “Peeze ki Anutu na, ka mbulu pareinᵊana? Ko anᵊso se ki sokorei, to kakam nᵊar pa?”

19 Ina kembei mastet iweene musaari kat ta tomtom ikam, mi ila ipaaza sula mokleene kini. Mi kaimer to indom ma iwe biibi kembei ta ke i, mi iur namannaman boozo. Tana zin man tila ma tipo len nᵊgini isala.”✠

Sua tooronᵊana pa yis

(Mt 13:33)

20 To Yesu iso mini. Iso: “Peeze ki Anutu ka mbulu, nako anᵊso se ki sokorei toro?”

21 Ina kembei ta yis. Sombe moori sa ikam mi itooro raama palawa biibi, to koronᵊ ri tana irao izil pa palawa biibi tana ma imap.”

Zaala ta ila pa kar saamba na, kwoono musaana

(Mt 7:13, 14:21-23)

✠ **13:15:** Lu 14:5; Yo 7:22+ ✠ **13:16:** Yesa 58:6+; Lu 6:9 ✠ **13:19:** Mt 24:14

22 Yesu isombe isala pa Yerusalem. Ni ipa ma ila, beso indeenje kar tasa, to ikam sua pizin, mi imanja mini ma ila. Ta kembei kembei mi ila.

23 Mi tomtom ta, isu to iwi i. Iso: “Merere, parei? Wal tabe Anutu ikamke zin i, ko rimen nonono?”

24 Yesu iso pizin ma iso: “Kar saamba na, ka kataama musaari. Tana kakam kinkiini be kelela. Pa tomtom boozomen ko titoombo be tilela ma tirao som.✠

25 “Tana kere. Pa kaimer ruumu katuunu ko imanja mi ikotkaala kataama. Indeeje tana, niom sombe kombotmbot mat mi kutut kataama ma koso: ‘Merere, sol kataama piam lak!’, nako ni ipekkel ma iso: ‘Niom zinoi? Nio ankankaana piom.’✠

26 Tona niom ko kamanja mi koso: ‘Wai, parei ta nu kankaana piam? Mungu itinjan takanan ma tiwinin, mi nu kamam sua piam isu kar tiam na.’

27 Tamen ni ko iso piom mini ma isombe: ‘Nio ankankaana piom. Niom so kar i? Kala leyom. Pa niom wal sananjoyom.’✠

28 “Mi niom sombe kere Abaraam, Isak, Yakop, mi Anutu kwoono bizin ta boozomen zinjan Anutu tilup zin lela kar kini, nako zonyom neknek mi katanjan. Paso, niom, nako tipiri yom pera mat kek. Zoyom sa mini som.✠

29 Mi tomtom ko timar pa toono ta boozomen, be mbulen su pa kini kanjana lela Anutu kar kini.✠

30 Tana kere. Zin wal ta timar kaimer, nako timuunju. Mi zin tau timuunju, nako tikemer.”✠

✠ **13:24:** 1Kor 9:24+; Pil 2:12+ ✠ **13:25:** Mt 25:10+ ✠ **13:27:** Mt 25:41 ✠ **13:28:** Mt 8:11+, 13:42, 24:51 ✠ **13:29:** Mt 8:11+; Lu 14:15; Tur 19:9 ✠ **13:30:** Mt 19:30, 20:16

*Yesu leleene isaana pa Yerusalem
(Mt 23:37-39)*

³¹ Indeeŋe tana, zin tutu kan pakan timar ki Yesu mi tiso pini. Tiso: “Aa, maŋga ma zem lele tiŋgi, mi ko ma la lem lele toro sa. Pa Erot isombe ipunu.”

³² Yesu ipekel kalŋan ma iso: “To ri tana, ni irao kat pa ŋgar bozboozo! Kala ma koso pini ta kembei: ‘Nio iŋgi aŋzirziiri bubuŋana sananŋan mi aŋurpewe zin tomtom ta koozi, gaaga, mi ko malama, to aŋposop uraata tio ma imap.’

³³ Tana nio ko aŋkam pai ta koozi, gaaga mi malama. Pa sombe tipun Anutu kwoono sa ma imeete, na bela tikam su Yerusalem.”

³⁴ To Yesu iseŋge sua kini ma iso: “O Yerusalem, Yerusalem! Anutu kwoono bizin ta niom kembel kasŋana kek. Mi zin ŋgoŋana kini ta ni iŋgo zin piom i, na kupunun zin pa pat ma timetmeete. Mi nio na, gorgori leleŋ be aŋkokor yom ma kamar kembei ta man ikuubukaala lutuunu bizin. Tamen leleyom pio som.

³⁵ Tana Anutu ko izem yom ma Urum Merere tiom imborene sorok. Mi nio aŋso kat piom ta kembei: Niom ko kere moton mini som ma irao ituyom kosombe:✠

‘Merere ko ipombol tomtom ti mi ikampe i. Pa ni ko ikam ruŋguunu ta imar i!’ ”✠

14

Yesu iurpe tomtom metenana toro pa aigule potomŋana

✠ 13:35: Mt 23:37+; Lu 21:20,24 ✠ 13:35: Mbo 118:26

¹ Aigule potomɲana toro tabe keten su pa i na, Yesu ıla ruumu ki biibi ta kizin wal tutu kan be ziɲan tikan kini. Mi tomtom pakan ta ziɲan timbotmbot mi tireuduti. ✧

² Molo som na, tomtom ta, ta kumbuunu mi namaana izarzar na, ni ilela mi imender su Yesu kereene uunu.

³ Tabe Yesu imanɲa to, iwi lae pizin wal tutu kan ziɲan zin nɲarɲan ki tutu ma iso: “Lak, tutu kiti iso parei? Ko irao tuurpe zin tomtom pa aigule potomɲana, som som?” ✧

⁴ Mi zin tipekel sua sa som. Timaane men. To Yesu iteege su pini ma niini ambai, mi iso pini ma ıla lene.

⁵ Tona Yesu iso pizin ta kembei. Iso: “Parei, kozobe tiom tasa lutuunu, som mbili kini sa itop sula yok sumbuunu pa aigule potomɲana tabe ketende su pa i, ko ire i mi imbotmbot? Som. Ina kola ıla karau men, mi imaati ma ise.” ✧

⁶ To sua kizin imap. Pa Yesu ipiri la ma koɲ.

Tapakur itundu pepe. Tokoto itundu

⁷ Yesu ire wal pakan ta timar pa kini kanɲana na, tikoɲuru mbalia mataana kana. Tabe ikam sua tooroɲana tiɲgi pizin. ✧

⁸ Iso: “Sombe tomtom sa iso pu be la mi niomɲan kakan kini ula kana, na mbulem isu sorok lele ta tiur pizin bibip i pepe. Pa takankaana pa. Sombe tomtom toro, ta zaana biibi ma ilip pu i, ni ima tomini,

⁹ inako kini tamaana ima mi iso: ‘Ou, manɲa mi tomtom ti mbuleene su.’ Tona ko manɲa raama

✧ 14:1: Lu 11:37 ✧ 14:3: Mt 12:10; Lu 6:9 ✧ 14:5: Mt 12:11; Lu 13:15 ✧ 14:7: Mt 23:6

kom mianj, mi miili ma la mbulem su ta kaimer kat.

¹⁰ Tana kam mbulu ta kembei pepe. Sombe sua ikamu be la pa kini kanjana, na mbulem isu mbalia ta kaimer kat. Naso kini tamaana ima, mi iso pu ma iso: ‘O toronj, manja mi mar mbulem isu mbalia ambainjana tis.’ Naso kembei ni ipakuru ila iwal biibi matan.

¹¹ Pa tomtom ta sombe ipakur itunu, nako tikoto i. Mi tomtom ta sombe ikototo itunu, inako tipakuri.” ✧

¹² Tona Yesu iso mini pa kini tamaana ta kembei: “Sombe kam kini biibi sa, na boobo zin guraaba ku, som tonmatizinj ku, som wal ku, som zin mbio uunu ta timbot koloujana pu na pepe. Pa wal ta kembei, kaimer ko tipekel mbulu ku mi tiboobu pa kini kanjana. Tona lem kadoono ambainjana toro sa pa kaimer i som.

¹³ Tana kam mbulu ta kembei pepe. Sombe kam kini biibi sa, to boobo zin wal sorrokjan, zin kaamanjan, zin narapejan, mi zin matan pisjan. ✧

¹⁴ Naso ndeene lem kampejana ambainjana. Pa zin na, tirao be tipekel mbulu ta nu kam pizin na som. Tamen indeene mbenj kaimer mi Anutu isombe ipei zin wal ndeenejan ma timanga mini pa naala, to Anutu itunu ko ikam lem kadoono ambainjana kat.” ✧

Sua tooronjana pa bobi ki Anutu

(Mt 22:1-10)

¹⁵ Timbotmbot ma tikanan kini, mi tomtom ta, ni ilenj sua tana, to isu na iso pa Yesu. Iso: “Waii,

✧ **14:11:** Mt 23:12; Lu 18:14; Yems 4:6; 1Pe 5:5 ✧ **14:13:** Lo 14:29 ✧ **14:14:** Yo 5:29

zin wal ta so tilela ma mbulen su mi tikan kini biibi isu kar ki Anutu, ina zin tina ko lelen ambai mi tindeenje kampenana biibi kat.” ☆

16 To Yesu ipekel kwoono mi ikam sua tooronana tingi. Iso: “Lwoono ta na, tomtom ta, ni isombe ikam kini biibi. Tabe ikam sua ma ila pizin tomtom boozomen be timar ma zinan tikan kini tana.

17 Tiparanran koron makin to, kini tamaana ingo mbesoono kini ma ila mini be iso pizin tomtom ta sua ikam zin kek na ta kembei: ‘Ouo, kamar ta buri. Pa koron ta boozomen amurpe lup kek.’

18 “Tamen zin tomtom ta mbesoono ila pizin na, mburan be tila som. Tabe tiurur sua ila kena, ila kena. Tomtom mataana kana imanga na iso: ‘Aiss, nio ti ko irao anma na som. Pa buri nonono ta anjiimi toono pakaana ta. Tana ingi be anla mi anjiiri i.’

19 Mi toro na iso: ‘Aiss, nio ti tomimi irao anma som. Pa buri nonono ta anjiimi bapalo laamuru. Tana ingi be anla mi antoombo zin pa uraata i.’

20 Mi tomtom toro na iso ta kembei: ‘Nio buri ta anwoolo i. Irao anma na som.’ ☆

21 “Mbesoono tana imiili ma ila, mi iso uunu kizin tana ila ki biibi kini ma ilej. To biibi kini keteene malmal, mi iso pini ma iso: ‘Kena lonja mi miili ma la pa zaala lwonlwon, mi yo zin wal sorroknan, kaamanan, narapejan, mi matan pisnan ma timar.’ ☆

22 Tana mbesoono tana ila mi iso zin makin, to imiili ma imar mi iso: ‘Biibi, kaljom ta anla

☆ 14:15: Lu 13:29; Tur 19:9 ☆ 14:20: 1Kor 7:33 ☆ 14:21: Ep 2:11+

aŋso pizin ma timar kek. Tamen ruumu leleene imbotmbot i. Bok zen.'

²³ “Tona biibi iso pini ma iso: ‘Kena la mini, mi wwa kiŋakiŋa pa zaala namannaman ta boozomen, mi maŋmaŋ zin tomtom ma timar bekena ruumu tio bok.

²⁴ Mi kelenj. Nio aŋso kat piom ta kembei. Zin tomtom ta muŋgu bobi tio ila pizin mi mburan som na, kizin tasa ko irao kwoono iteege kini tio tiŋgi na som. Som ma som kat!’ ” ☆

Bela takam kat ŋgar muŋgu, mana tewe naŋgaŋ ki Yesu

(Mt 10:37-38)

²⁵ Iwal biibi ta titoto Yesu ma ziŋan tila. To Yesu itoori ma iso pizin. Iso:

²⁶ “Tomtom sa, sombe leleene be ito yo, mi tamen ikam ŋgar biibi mete pa tamaana ma naana, som kusiini ma lutuunu bizin, som toŋmatiziŋ kini, som ikam ŋgar biibi mete pa itunu kuliini, inako irao be iwe naŋgaŋ tio na som.

²⁷ Mi sombe tomtom sa leleene be ito yo, tamen ikwaara ke pambaaraŋana kini som, inako ni tomini irao be iwe naŋgaŋ tio na som. ☆

²⁸ “Kembei ta niom, sombe tomtom tiom sa leleene iur be ipo ruumu ta uteene molo, nako mbuleene isu mi mataana iurur pa pat ma ire pat irao be ruumu imun, tonabe imanŋa pa ka uraata.

²⁹ Kokena kitiimbi men isula, mana kaimer ni irao be iposop som. Tona tomtom tire i mi matan pasom i.

☆ **14:24:** Mt 21:43; Nŋgo 13:46 ☆ **14:27:** Mt 16:24+; Lu 9:23+; Yo 16:33; 2Tim 3:12

³⁰ Mi tiso pini ma tisombe: “To tana, imanjan pa ruumu ponjana ta ipo ma isala kek?”

³¹ “Mi king ta so ikam malmal pa king toro, na ta kembena. Ko mataana su pa wal kini munju ma ire. Sombe ni le malmal kan munjana laamuru men, mi king toro ni le malmal kan munjana tomoota, ko ni irao pini, som som?”

³² Beso som, inako lonja men mi ingo tomtom kini pakan ma tila be tipunmeete malmal.” ☆

³³ Tona Yesu iposop sua kini mi iso: “Mi niom ta kembena. Bela kezem koron tiom ta munjana men ma imborene, tona karao be kewe nanjan tio. ☆

Tai ka sua
(Mt 5:13; Mk 9:50)

³⁴ “Tai, ina koron ambainana. Tamen sombe isaana, nako tuurpe mini be parei? Som. ☆

³⁵ Tana ko tipiri ma ila ne. Pa irao ipembeze toono mini som. Mi irao totooro raama bapalo tieene be tuurpe mokleene pa na som. Tana ka uraata sa mini som. Sua ta anso ma ima na. Mi niom so taljoyom, inako kelej mi kakam ngar pa.”

15

Sua tooronana pa sipsip ta imbirizi
(Mt 18:12-14)

¹ Aigule ta na, wal pakan ta tiyyo takesnan i zinan wal sananjan pakan tila ma timokor la ki Yesu be tilen sua kini.

² Tabe zin tutu kan mi zin ngarjan ki tutu timanga, to tikam nununjunun ma tiso: “Wai,

☆ 14:32: 2Kor 5:20 ☆ 14:33: Lu 5:11,28; Pil 3:7+ ☆ 14:34: Ibr 6:4-6

parei ta to ti leleene pizin wal sananņan ma zinņan tikanan kini la mbata?” ☆

³ To Yesu ikam sua tooronņana taiņgi pizin. Iso:

⁴ “Lak, kozobe tomtom tiom tasa imborro zin sipsip tomtolamata, mi sombe tasa imbirizi, inako ikam parei? Ni ko izem zin tomtolamoro mata mi paņ (99) tana ma timbotmbot su lele bilimņana, mi ila iru sipsip tamen ta isanņan na. ☆

⁵ Iru i, iru i ma sombe indeeņi, to iwiti ma iuri se regeene,

⁶ mi ikwaari ma imiili pa kar. Tona iboobo wal kini mi zin wal ta ruumu kizin timbot kolouņana na ma timar, mi iso pizin. Iso: ‘Ouo, kamar ma tulup ti mi itinņan menmeen ti. Pa sipsip tio ta imbirizi, ta inņi anņeeņi kek.’ ☆

⁷ “Nio anņso kat piom. Tomtom sananņana sa isombe itooro leleene, na kar saamba kan ko tikam mbulu raraate men. Ko tikam orooro biibi isala, mi lelen ambai kat pa tomtom tina ma ilip pa wal tomtolamoro mata mi paņ (99) ta tindemeere sorok kembei zin wal ndeeņeņan mi titooro lelen som.

Sua tooronņana pa pat ta imbirizi

⁸ “Mi moori sa, sombe ni le pat milmilņan laa-muru imbotmbot, mi so tamen sa imbirizi, inako ikam parei? Ni ko itun lam, mi isiiri ruumu leleene ma ipitiiri kat, ma irao indeeņe pat tana.

⁹ Mi re beso indeeņe, nako loņa mi iboobo zin wal kini mi zin moori ta timbotmbot kolouņana na, mi iso pizin: ‘Ouo, kamar ma tulup ti mi itinņan

☆ **15:2:** Lu 5:30; Ngo 11:3; Ga 2:12 ☆ **15:4:** Mbo 119:176; Ezek 34:11,16; Lu 19:10 ☆ **15:6:** 1Pe 2:25

menmeen ti. Pa pat tio ta imbiriizi, ta inġi anġdeenġ kek.'

¹⁰ “Nio anġso kat piom: Sombe tomtom sananġana sa itooro leleene, na zin anġela ki Anutu tikam mbulu raraate men. Ko menmeen zin biibi kat pa tomtom tamen nġonoono tana.”

Sua tooronġana pa tomtom ta iur kat leleene pa lutuunu bizin ru

¹¹ To Yesu ikam sua tooronġana tinġi. Iso: “Kembei ta tomtom ta, ni lutuunu bizin ru.

¹² Timbot ma lwoono ta na, lutuunu kaimernġana i imanġa to iso pa tamaana. Iso: ‘Tamanġ, rai koronġ ku ma nio leġ imar pataanġa.’ Tabe taman irai koronġ ma kolmanġana lene, kaimernġana lene.

¹³⁻¹⁴ “Aigule pakan ilae, to lutuunu kaimernġana i, iyauyau koronġ kini ta boozomen, mi iko ma ila lele molo. Ila ipet lele tana na, ipasaana pat kini ma imap pa mbulu soroksorok ta boozomen. To isu imbota nġoobo. Mi peteele biibi isu lele tana. Tabe ikam ma mbotġana kini ambai som kat.

¹⁵ Tona ila ma iwi kartu ta, bekena ikam uraata pini. Ila to tomtom tina inġo i ma ila be imboro zin nġe kini.

¹⁶ Mi ni ra, peteli ma isaana kat. Tabe irru zaala be ikam nġe kini kizin risa ma ikan be ikoto keteene pa. Tamen tiyok pini som.

¹⁷ “Imbotmbot ma nġar kini ipet, to itwer la pa mboti ki tamaana zinġan mbesoonġo kini. Iso: ‘A tina ko! Tamanġ mbesoonġo kini na, inġa tikan tikan ma som, mi ka lwoono isu imborene. Mi nio tinġi, inġi be anġmeete pa koġ kini i.

¹⁸ Kena ko anġmanġa ta buri mi anġla ki tamanġ. Mi sombe anġla anġpet kini, to anġso pini ta kembei. Anġso:

Tamaŋ, nio aŋkam sanaana pa Anutu mataana, mi aŋkam ŋoobo mbulu pu. Nio sananŋoŋ kat. ✧

¹⁹ Tana kozo paata yo be lutum mini pepe. Mi parei, ko irao yok pio be aŋkam uraata pu kembei mbesooŋo?’

²⁰ “Tona ni imanŋa na imiili ma ila ki tamaana. Iwwa ma ila na, molo mi tamaana ire la pini. Ikilaali, to leleene isaana pini mi iloondo ma ila. Ila to, isou i mi itaŋ.

²¹ To ni iso pa tamaana. Iso: ‘Tamaŋ, nio aŋkam sanaana pa Anutu mataana, mi aŋkam ŋoobo mbulu pu. Nio sananŋoŋ kat. Tana kozo paata yo be lutum mini pepe.’

²² “Tamen tamaana iyembut sua kini, mi iboobo zin mbesooŋo kini ma timar, mi iso pizin. Iso: ‘Loŋa mi kakam mburu ndabokŋana kat imar be lutuŋ izeebi pa. Mi kakam kukuugu tio isala namaana, mi kakam kumbu keteene ila kumbuunu.

²³ Mi kala ma kere mbili ndekndekŋana tasa, to kupuni be takam kini biibi mi lelende ambai pini.

²⁴ Pa lutuŋ ti, iti toso ko ni imeete ma ila ne kek. Tamen ni imeete som. Mataana yaryaara, mi koozi imar ipet mini. Ni, toso ko imbiriizi kek. Tamen som. Koozi tendeenji mini.’ Tana tilup zin ma tikan kini mi menmeen zin. ✧

²⁵ “Tikamam, mi lutuunu ta kolmanŋana i, imbot mokleene mi imar. Iwwa ma imar igarau ruumu, mi ileŋ tizze kombom mi tirakrak ma kalŋan iza-lla.

²⁶ Tabe imar na, iboobo mbesooŋo ta, mi iwi i. Iso: ‘Inŋa wal kalŋan izalla paso? Uraata sa?’

²⁷ Mi mbesoonjo ipekel kalŋaana ma iso: ‘E, to-mom leleene ambai kat mi ipun mbili ndekn-dekŋana ta. Pa tizim ri ta toso ko imeete, ta imiili ma imar imbotmbot a.’

²⁸ “Tomtom kolmanŋana i ileŋ sua tana na, ke-teene malmal mi mburaana be ilela ruumu som. Tabe tamaana iyooto ma ipet kini, to imanŋanji be ilela.

²⁹ Tamen ni ipekel tamaana kalŋaana ma iso: ‘Re. Ndaama ndaama ta tamar i, mi nio anzooro la kalŋom pa tasa? Som. Nio anbelmbel mbesoonjo pu. Mi nu kam kosa sa pio som. Mekmek lutu-unu sorokŋana tomini, nu kam tasa pio bekena niamŋan waenjin bizin amkan mi menmeen yam pa? Som.

³⁰ Mi lutum tina, ni ila ma zinjan moori zaala lwoono kan tipasaana koron ku ma imap, mi imiili ma imar na, nu nŋal mbili ndekndekŋana ma isala ki mini. Re. Mbulu ku tina indeeŋe?”

³¹ “To tamaana iso pini. Iso: ‘O lutun, nu ituru ta tombotmbot i. Mi koron tio ta boozomen, ina nu ku tau.

³² Mi tizim ri ta toso ko ni imeete ma ila ne kek, ta koozi imiili ma imar mataana yaryaara. Ni, toso ko imbirizi kek. Mi som. Koozi tendeeŋi mini. Tana sombe takam kini biibi mi menmeen ti pini, ina indeeŋe.’ ”

16

Sua tooronjana pa mbesoonjo sananjanana ta iru zaala be imbot ambai pa kaimer

¹ Yesu ikam sua tooronjana tinŋi pizin nanŋan kini. Iso: “Lwoono ta na, mbio uunu ta, ni le

mbesoŋo ta imborro koronj kini. Mi biibi kini ilen kembei mbesoŋo tana ikamam kat uraata som,

² to iboobi ma imar, mi iso pini. Iso: 'Lak, nio anlej sua pakan pa uraata ku, mi anjute som: Ko ŋonoono, o ŋonoono som? Tana uraata ta kamam na, karau men mi beede ka sua ise ro, mi kam ma imar be anjiiri. Pa inji be nu map pa uraata i.'

³ "Mbesoŋo imbot ma som, to iso pa itunu. Iso: 'Wai, inji ko anjam parei? Pa inji be biibi tio iyembut yo pa uraata i. Mi nio mburoŋ irao be anjam uraata mat kana som. Mi koŋ mianj be ansun zin wal pa lej pat.'

⁴ Imbotmbot mi irru ngar. To ngar ta ipet pini. Tana iso: 'Aa, buri! Motoŋ injal zaala ta kek. Inji ko anjam mbulu tabe ikam zin tomtom ma lelen ambai pio. Beso anjam pa uraata, tona tomtom pakan ko tiboobo yo ma anla ruumu kizin mi anjbot se kizin.'

⁵ "Tana imanga na iso la pizin wal tataŋa ta len mbun imbot la ki biibi kini na be timar. Tomtom mataana kana imar ipet kini na, mbesoŋo iwi lae pini. Iso: 'Ai, nu mbun ku piizi?'

⁶ Mi ni ipekel ma iso: 'Ngere kesjana tomtom lamata.'

To iso pini: 'Is, kam mbun ku ka ro ti, mbulem su, mi beede karau tomtooru laamuru men ise. Mi pakan imborene.'

⁷ To iwi lae pa toro. Iso: 'Mi nu na, mbun ku piizi?'

Ni ipekel ma iso: 'Bek tomtom lamata ta bokbok pa kini wit.'

To mbesoŋo iso pini: 'Is, kam mbun ku ka ro ti, mi beede tomtom paŋ men ise. Mi tomoota

imborene.’

⁸ “Biibi ileŋ mbesooŋo kini sananŋana tana uru-unu, to iwit zaana. Paso, ni ikam kat ŋgar mi indeeŋe zaala tabe imbot ambai pa.

“Tomtom ta titoto ŋgar ki toono na, tilip pa zin wal ta timbot la mat ki Anutu leleene. Pa zin wal toono kan na, len ŋgar biibi mi tiute kat zaala tabe tikam mbotŋana ambaiŋana isu toono. Mi ŋgar tana, ta ikamam peeze pizin pa mbulu ta tiparkamam pizin. ☆

⁹ Tana niom ta kembena. Kuru zaala be kombot ambai. Karai koronŋ tiom ki toono pizin tomtom. Naso lelen piom. Mi sombe koronŋ ta boozomen ki toono imap, tona tikam yom raama lelen ambai, mi kala muriyom ta saamba a, mi kombotmbot ma alok. ☆

Koronŋ saamba kana ta koronŋ ŋonoono.

¹⁰ “Tomtom ta sombe mataana ise mi imboro kat koronŋ musaana, nako irao imboro koronŋ biibi tomini. Mi tomtom ta sombe ikam pakaamŋana mi ipasaana koronŋ musaana, nako ipasaana koronŋ biibi tomini. ☆

¹¹ Tana niom sombe komboro kat koronŋ toono kana som, inako Anutu indemeere yom pa koronŋ ŋonoono ki saamba be parei?

¹² Mi parei, sombe tomtom sa iur koronŋ kini ima be komboro, mi sombe komboro kat som, na asiŋ ko ikam leyom koronŋ ŋonoono ma ima be komboro? Som.

¹³ “Tomtom sa ko irao be imbeeze kat pa bibip ru na som. Pa ina ko iur leleene pa ta, mi ileŋ la

☆ **16:8:** Yo 12:36; Ep 5:8; 1Tes 5:5 ☆ **16:9:** Mt 6:19+; Lu 12:33

☆ **16:10:** Lu 19:17+

sua kini. Mi toro, nako iur koi pini mi irepiili i. Tana niom sombe kembeeze pa Anutu mi koronj sa ki toono, nako karao som.” ✧

¹⁴ Zin tutu kan na, matan moniŋan. Tana tilenj sua ki Yesu tana, to tikam sua repiiliŋana pini.

¹⁵ Tabe Yesu iso pizin: Iso: “Niom kaka-mam mbulu tiom ambaimbaiŋan ilala tomtom matan bekenata tire yom kembei wal ndeenjenjyom. Tamen Anutu, ni iute leleyom ma imap. Mi kelenj! Koronj ta tomtom tire kembei koronj ŋonoono mi tipakur, ina Anutu ire kembei koronj sananŋana kat, mi leleene pa risa som. ✧

Tutu ki Anutu mi peeze kini

¹⁶ “Tomtom timbot la zaala ki Mose ziŋan Anutu kwoono bizin ma imar imiili su ta Yoan ikam yok pizin tomtom. To peeze ki Anutu ipet mat, mi ka tomtom bizin timanŋa be tisoyaara uruunu. Tanata tomtom tikam kaisiigi mi tirru zaala be timbot lela peeze kini mi tilela kar kini. ✧

¹⁷ “Saamba mi toono ko timbiriizi ma tila len. Tamen tutu ka bude kimbiŋana risa ko irao imbiri-izi ma ila lene na som. ✧

¹⁸ “Tomooto sa sombe iziiri kusiini ma ila lene, mi iwoolo moori toro, na ni ipasaana ula ka tutu. Mi sombe tomooto sa iwoolo moori ta kusiini iziiri i na, na ni tomini ipasaana ula ka tutu.” ✧

Mbio uunu mi Lazarus

¹⁹ Yesu ikam sua tooronŋana tinŋi. Iso: “Kembei ta mbio uunu ta. Aigule ta boozomen, ni irru pa

✧ **16:13:** Mt 6:24 ✧ **16:15:** Mbo 7:9; Mt 23:28; Lu 10:29, 18:9+

✧ **16:16:** Mt 11:12+; Ro 10:4 ✧ **16:17:** Mbo 119:89; Yesa 40:8; Mt 5:18; Lu 21:33; 1Pe 1:25 ✧ **16:18:** Mt 5:32, 19:9; Ro 7:2+; 1Kor 7:10+

mburu totonjan ta ngeezenjana kat. Mi mbotjana kini na, ambai komboono. Mi imbomboorene ta kembei.

²⁰ Mi tomtom sorokjana ta, ni imbotmbot tomini. Zaana Lasarus. Ni mbetmbeete iloli ma sik, mi ila ikenne su mbio uunu tana kataama kini kwoono.

²¹ Pa peteli ma isaana. Tana ilala tina be ikanan ka kini muunu ta itoptop pa mbalia ki mbio uunu mi tiwirri pera mat na. Ni imbotmbot tina, mi me tilala be tinemnem mbetmbeete kini.

²² “Ikamam ta kena kena ma ra, imeete. To anela tikami ma isala saamba, mi tiuri la muriini ndabokjana ta imbot isu Abaraam ziljana uunu. Mi mbio uunu tomini, ni imeete ma titwi i.

²³ “Mi isula Andewa ma ire yoyoujana biibi kat. Be mataana isala kor na, ire la pa Abaraam ziru Lasarus timbutultul ma timbotmbot.

²⁴ To iboobo. Iso: ‘Oo tamañ Abaraam, muñai yo lak! Ngo Lasarus ma imar iur nama lutuunu isula yok, mi ipembeeze mion risa. Pa inñi anre yoyoujana biibi isu you tinñi.’ ✧

²⁵ Tamen Abaraam iso: ‘Ooi lutuñ, motom la pa mbotjana ku ta kam su toono na. Ambai komboono. Mi Lasarus na, imbot noobo kat. Tana buri, ni leleene ndabok mi imbotmbot ambai su kar taññi, mi nu rre yoyoujana biibi isu tana.’ ✧

²⁶ Mi re lele sipkatjana biibi ta imbotmbot la mazwanda i. Sombe tomtom tiam tasa leleene be ima, nako irao som. Mi niom ta kembena, tiom tasa ko irao imar ti na som.’

✧ **16:24:** Yesa 66:24; Mk 9:48 ✧ **16:25:** Mbo 17:14; Lu 6:24

27 “To mbio uunu itanroro i ma iso: ‘O taman, kena ngo Lasarus ma imiili ma isula ki wal tio ta timbot taman ruumu kini na,

28 bekena isope zin. Pa tiziŋ bizin lamata, ta timbotmbot a. Kokena timar sorok lele tiŋgi. Pa lele tiŋgi ambai som kat.’ ☆

29 Mi Abaraam iso pini ta kembei. Iso: ‘Mi tizim bizin tiute sua ki Mose mi Anutu kwoono bizin pakan kek. Sombe tileŋ la kalŋan, inako timbot ambai.’ ☆

30 “Mi mbio uunu ipekel mini ma iso: ‘E-e taman, ina irao som. Bela tomtom meeteŋana sa imanŋa, mi ila ma iso zin, tona tiurla mi titooro lelen.’

31 Tamen Abaraam iso: ‘Ina na som. Sombe tileŋ la Mose ziŋan Anutu kwoono bizin kalŋan som, nako irao tiurla ki tomtom ta burup ma imanŋa pa naala i som tomimi.’ ” ☆

17

Watŋana ka sua

(Mt 18:6-7,21-22; Mk 9:42)

1 Yesu iso pizin nanŋan kini ta kembei. Iso: “Watŋana boozo kola indeeŋe zin tomtom, mi ikam zin ma titop pa sanaana. Mi tomtom ta sombe iwe zaala pa tomtom toro be itop pa sanaana, na ra, tembeli kek.

2 Sombe tikam pat biibi ma timbit ila ŋgureene, mi tila tipundu i sula mozo lukutuunu ma ila lene, to ambai. Kokena imbot, to iwe zaala pa zin nanŋan popoŋan taiŋgi ma kizin tasa itop pa sanaana.

☆ **16:28:** Ngo 2:40 ☆ **16:29:** Yesa 8:20; Yo 5:39-47; Ngo 15:21

☆ **16:31:** Yo 11:44+, 12:10+

³ Tana motoyom ingalngal ituyom!

“Tonmatizij ku tasa isombe ikam njoobo mbulu sa, na yaambi. Mi sombe ileŋ la kalŋom mi itooro leleene, to motom mbiriizikaala sanaana kini mi lelem ambai pini. ☆

⁴ Sombe ni ikam njoobo mbulu pu pa lamata mi ru pa aigule tamen, mi imama mi izzo pu ta kembei: ‘Nio leleŋ ipata pa mbulu ta aŋkam pu na,’ to motom mbiriizikaala sanaana kini mi lelem ambai pini mini.”

⁵ To njoŋana kini timaŋga mi tiso pini. Tiso: “Merere, nakena kozo pombol urlaŋana tiam ma imbol kat!”

⁶ Merere ipekel kalŋan ma iso: “Niom sombe leyom urlaŋana risa, inako karao be koso pa ke bi-ibi tingi ta kembei: ‘Puru itum, mi la mender sula mozo lukutuunu.’ Mi ke tana ko ileŋ la kalŋoyom. ☆

Mbesooŋo ki Merere ko ikam mbulu pareiŋana?

⁷ “Kozobe lem mbesooŋo sa ta ikelel toono pu, som imborro mbili ku, mi sombe rou ma uraata kini imap, mi imar pa ruumu, nako so parei pini? Ko loŋa men mi so pini be ila keteene su mi ikan ka kini?

⁸ Som. Nu ko so pini ma sombe: ‘La, kelu mi urpe koŋ kini, mi mbesmbeeze pio ma aŋkan ma aŋwin muŋgu, mana nu kadoono ketem su mi kan kom.’ ☆

⁹ Mi parei? Sombe mbesooŋo ku tana ileŋ la kalŋom, mi ikam uraata ta boozomen tana, ko iur mataana pu be pakuri? Som. Pa ina ni uraata kini.

☆ **17:3:** Mt 18:15; Ep 4:32; Yems 5:19+ ☆ **17:6:** Mt 17:20; Mk 11:23 ☆ **17:8:** Lu 12:37

10 Ina raraate men piom. Sombe kakam uraata boozomen ta Anutu iur ma nomoyom, na kozo koso men ta kembei. Koso: ‘Amkam mbulu sa tabe tipakur yam pa i na som. Pa niam ingi mbesoonjo sorok ki Anutu. Tabe motoyam ingalngal uraata tiam mi amkamam.’ ” ☆

Yesu iurpe tomtom laamuru ta mbetmbeete sananjana ikam zin

11 Yesu iwwa be isala pa Yerusalem. Mi ila ma indeene lele pakaana ki Samaria mi Galilea kan kambasa, to isombe ilela kar ta.

12 Iwwa ma ilela, mi tomtom metenjan laamuru ki kar tana tise kini. Zin tina mbetmbeete sananjana ikam zin.

13 Tana timbot molo, mi tiboboobo la pini ma tiso: “Yesu, biibi tiam, mujai yam lak!” ☆

14 Yesu ire zin, to leleene isaana pizin ma iso: “Kala ma koso ituyom pizin patoronjana kan.” Tana tizemi, mi tipa ma tila. Tiwwa pa zaala lwoono, mi mete iko pizin ma kulin ingeeze. ☆

15 To kizin ta i, ire itunu kembei kuliini ingeeze na, kaljaana izalla mi iwidit Anutu uruunu, mi imiili ma ila ki Yesu mini.

16 Ila ipet kini, to itop su kumbuunu uunu, mi ipakuri raama leleene ambai kat. Mi tomtom tina, ni Yuda som. Ni ki Samaria. ☆

17 Tabe Yesu iso: “Wai, niom tomtom laamuru, ta anjurpe yom ma kuliyom ingeeze na. Mi lamata pan tila parei?”

18 Parei ta lele toro ka tomtom taingi itutamen imiili ma imar be ipakur Anutu zaana?”

☆ **17:10:** Mt 25:30; 1Kor 9:16+ ☆ **17:13:** Wkp 13:45+ ☆ **17:14:** Lu 5:14 ☆ **17:16:** Yo 4:9

19 To Yesu iso pini. Iso: “Manga mi la raama lelem ambai. Pa urlanana ku, ta iuulu u.” ✧

Peeze ki Anutu ko ipet mat ŋiizi?

20 Zin tutu kan pakan timanga mi tiwi Yesu ma tiso: “Peeze ki Anutu ko ipet mat ŋiizi?”

Yesu ipekel kwon ma iso: “Peeze ki Anutu ko ipet mat be tomtom tire pa matan na som.

21 Tana tomtom sa ko irao iso: ‘Kere. Peeze ki Anutu tis’, o ‘imbot tanga,’ na som. Pa peeze ki Anutu imbot la leleyom.” ✧

*Nol ki Tomtom Lutuunu be imiili
(Mt 24:23-28,37-41; Mk 13:14-23)*

22 Yesu iso pizin nanjan kini. Iso: “Mazwaana sa kola imar. Tona niom ko kakam siliigi be loja kere nol ki Tomtom Lutuunu ipet. Tamen ko loja kere na zeen.

23 Tana kere yom. Pa wal pakan kola tiso piom ta kembei: ‘A, kere itunu tis!’, som ‘Itunu tanga!’ Tamen niom kelej la sua kizin pepe, mi kala kagaaba zin pepe. ✧

24 Pa sombe nol ki Tomtom Lutuunu ipet, inako ni isu kembei ta lolo niini iyaara ma ikakat saamba. ✧

25 Tamen mbulu tana ko ipet loja na zen. Pa bela Tomtom Lutuunu imbot mi ibaada patajana boozomen. Mi tomtom ta koozi timbotmbot i kola tititi. ✧

26 “Nol kini isombe igarau, nako tomtom tika-mam mbulu raraate men kembei ta mazwaana ki Noa na. ✧

✧ **17:19:** Mt 9:22; Lu 7:50 ✧ **17:21:** Yo 18:36; Ro 14:17 ✧ **17:23:** Lu 21:8; 2Tes 2:1 ✧ **17:24:** 1Tes 4:16+ ✧ **17:25:** Mk 8:31; Lu 9:22 ✧ **17:26:** Un 6:5-7:1

27 Indeeŋe tana, tomtom matan lawelawe, mi tikanan ma tiwinin, mi tiparwolwoolo zin, ma ila indeeŋe kat aigule ta Noa ilela woongo. Tona nonor ipet ma ipambiriizi zin ma timap ma tila len.

28 “Mi ina ko raraate kembei ta mazwaana ki Lot na tomini. Pa indeeŋe tana, tomtom tikanan ma tiwinin, tiparŋgimgiimi koronj kizin, tiwaswaaza kini, mi tiwwo ruumu ma ila

29 indeeŋe aigule ta Lot izem kar Sodom. To you raama ka kakoi ta kuziini sananŋana kat na, imbot saamba mi baram baram su, mi ipambiriizi zin ma timap ma tila len. ✧

30 Mi nol ki Tomtom Lutuunu tabe iswe mburaana ma ipet mat i, ko raraate men tau. ✧

31 “Nol tana isombe ipet, mi sombe tomtom sa imbot ruumu kini ka pooto, na irao imiili ma ilela ruumu be iyo mburu kini na pepe. Mi sombe tomtom sa imbot mokleene kini mi ikamam uraata, na ni ta kembena. Irao imiili ma iyo mburu kini na pepe. ✧

32 Pa motoyom ingal mbulu ta ipet pa Lot kusiini na. ✧

33 Tomtom ta sombe ŋgar kini ilala pa mbotŋana ki toono mi ikiskis, inako ila lene. Mi tomtom ta sombe ŋgar kini ilala pa mbotŋana ki toono som, inako imbot ambai. ✧

34 “Nio anso piom. Indeeŋe mbeŋ tana, sombe tomtom ru tikeene sala mbalia ta, nako tiyake ta, mi tizem ta ma imbot. ✧

✧ **17:29:** Un 18:20-19:25; 2Pe 2:6; Yud 7 ✧ **17:30:** 2Tes 1:7+
 ✧ **17:31:** Mt 24:17+; Mk 13:15+ ✧ **17:32:** Un 19:26 ✧ **17:33:**
 Mt 10:39; Lu 9:24; Yo 12:25 ✧ **17:34:** Mt 24:40+; 1Tes 4:17

[
³⁵ Mi sombe moori ru tikamam uraata ila mbata, inako raraate men. Tiyake ta, mi tizem ta ma imbot.

³⁶ Mi sombe tomooto ru tilup zin pa uraata su mokleene, nako tiyake ta, mi tizem ta ma imbot.”]

³⁷ Nangan kini tileŋ sua tana, to tiwi i. Tiso: “Merere, mbulu ta zzo pa i, ko ipet swoi?” Yesu ipekel kwon ma iso: “Kere. Lele ta sombe koron buzaanaŋana sa imbotmbot pa, inako man aŋkor tila mi tindoundou pa be tikan.” ✧

18

Tusun taparpaara. Naso tere ŋonoono

¹ To Yesu ikam sua tooroŋana tiŋgi pizin nangan kini bekena ipaute zin be tisuŋ taparpaara, mi nin gesges pa pepe. ✧

² Iso: “Kembei ta kar ta, biibi kizin ta itirtiiri sua i, ni imototo Anutu som, mi ikamam ŋgar pizin tomtom som.

³ Mi kar tana na, ka nora ta imbotmbot tomini. Ni koron to inoknok lalaŋana ki biibi tana, mi itaŋoro i ta kembei: ‘Uulu yo pa sua tio lak! Mi ur kadoono pa koŋ koi.’

⁴ “Maŋaana molo ta ila kek na, ni inoknok ta kembei. Mi biibi tana leleene be ileŋi som. Ma kaimer to isu mi iso pa itunu ma iso: ‘Nio ti aŋmototo Anutu som, mi aŋkamam ŋgar pa tomtom sa som.

⁵ Tamen niŋ gesges kek pa norabi ti pataŋana kini ta imarmar tio pa i. Tana ko aŋre i mi aŋuuli

pa sua kini. Kokena anjuuli som, to inoknok ma ko ikelwai motonj ma isu lene.’ ” ☆

⁶ To Yesu iseenge sua ma iso: “Lak, sua ta tirinjana ka tomtom sananjana tana iso na, kelenj kek?”

⁷ Sombe tomtom sananjana ta kembeia ilenj norabi tana sua kini mi iuuli, na Anutu ko ikam parei pizin wal ta itunu ipeikat zin mi ikam zin ma tiwe lene na? Sombe zin titanjoro i pa mbenj ma aigule, ko ilentut zin? ☆

⁸ Som. Ko lonja men mi ikam mbulu ndeenjana ma iuulu zin pa patajana kizin. Tamen wal urlanjan ta kembei, sombe Tomtom Lutuunu imiili ma imar mini, ko indeenje sa imbot su toono?” ☆

Tapakur itundu pepe

⁹ Yesu ikam sua tooronjana tingi pizin wal pakan ta tire zitun kembei zin ndeenjan, mi matan repilpiili tomtom pakan. ☆

¹⁰ Iso: “Lwoono ta na, tomtom ru tisala Urum Merere be tisunj. Ta na, tomtom tutu kana. Mi toro na, tomtom ta iyyo takesjana i.

¹¹ Ni ta tutu kana na, ila to, imender mi isunj la leleene ta kembei. Iso: ‘O Anutu. Nio lelenj ambai kat pu. Pa nio ti mbulu tio ipa ndel pa wal pakan. Anjamam kuumbu som, anjamam njoobo zin tomtom som, mi anbulmbuulu zin moori som. Mi nio kembei ta to ta iyyo takesjana tinga na som. ☆

¹² Nio ti anjamam katkat mbulu. Pa aigule rurunja ikot wik tataja na, anjalsek itunj pa kini kanjana mi anjuzunj men. Mi koronj tio ta

☆ **18:5:** Lu 11:7+ ☆ **18:7:** Mbo 88:1; Tur 6:10 ☆ **18:8:** 2Tim 3:1+ ☆ **18:9:** Lu 16:15 ☆ **18:11:** Yesa 1:15; Tur 3:17

boozomen na, anpetpeete ma iwe uunu laamuruṅa, mi anḱamam tatanḱa ma iwe lem.’ ✧

13 “Ni izzo ta kembei, mi tomtom ta iyyo takesḱana i, ilela to imbot lae zilḱaana. Mi mataana ise kor som. Ituundu mi itanḱ. Paso, leleene ipata pa sanaana kini. Tana iso men ta kembei: ‘O Anutu. Nio ti, tomtom sananḱoḱ. Muḱai yo lak!’ ” ✧

14 To Yesu iseḱḱe sua kini mi iso: “Nio anḱo kat piom: Tomtom ta iyyo takesḱana i, ta ikam kat mbulu pa Anutu mataana. Tana ni iyooto ma ila na, Anutu ire i kembei tomtom ndeeḱḱana. Mi ni ta tutu kana i, na som. Pa tomtom ta sombe ipakur itunu na, Anutu ko ikoto i. Mi tomtom ta sombe ikoto itunu, na Anutu ko ipakuri.” ✧

*Yesu ipombol zin nanḱan munmun
(Mt 19:13-15; Mk 10:13-16)*

15 Tomtom pakan tikam pikin munmun ma tila ki Yesu bekenḱa iteeḱe zin. Mi nanḱan kini tire zin, to timanḱa mi tiḱasaara zin.

16 Tamen Yesu iboobo zin pikin ma timar kini, mi iso: “Ai, kapakaala zin paso! Pa peeze ki Anutu ka tomtom bizin, ina ta kembei. Tana kezem zin ma timar.” ✧

17 Nio anḱo kat piom. Bela kotooro ḱḱar tiom ma kewe kembei ta zin pikin, tona karao be kombot la peeze ki Anutu mi kelela kar kini.” ✧

*Mbio uunu ta ila ki Yesu
(Mt 19:16-30; Mk 10:17-31)*

✧ **18:12:** Mt 23:23 ✧ **18:13:** Mbo 51:1; Yesa 57:15 ✧ **18:14:** Lu 14:11; Ro 4:5; Yems 4:6; 1Pe 5:5+ ✧ **18:16:** 1Kor 14:20; 1Pe 2:2 ✧ **18:17:** Mt 18:3

18 Tomtom peeze kana ta kizin Yuda, ni imar ki Yesu, mi iwi i ma iso: “Mos katuunu, nu ambainjom. Ko ankam parei mi Anutu ikam mbotɲana mata yaryaaraɲana pio?”

19 Yesu ipekel kwoono ma iso: “Parei ta nu sombe nio ambainjom? Anutu itutamen ta ni ambainjana. Tomtom toro sa som.

20 Tutu, nu ute kek: ‘Pasaana ula pepe, pun tomtom ma imeete pepe, kem pepe, pombol sua pakaamɲana pepe, mi lem ɲger pa tomom ma nom mi mbeeze pizin.’ ” ✧

21 To tomtom tana ipekel ma iso: “Wai, tutu soɲana? Tutu ta boozomen tana, ta nanɲaɲɲon mi anɲo anɲo ma imar indeeɲe koozi.”

22 Yesu ileɲ to iso: “Ambai. Mi koronɲ tamen ta so kam, to imap. La mi kam ɲgomo pa koronɲ ku ta munɲaana men, mi rai ka pat pizin wal ta sorrokɲan i. Naso kam lem koronɲ ɲonoono su kar saamba. To mar mi to yo.” ✧

23 Tomtom tana ileɲ na, leleene ipata. Paso, ni le koronɲ boozo kat.

24 Yesu ire kembei tomtom tana leleene ipata, to isu mi iso: “Zin wal ta mbio uunu na, inako ipata pizin be tiwe Anutu lene mi timbotmbot lela peeze kini leleene. ✧

25 Kere. Mbili sa isombe itoombo be iloondo pa sor sumbuunu, ko irao? Som. Mi zin mbio uunu na, ka ɲgar tamen tau. Sombe zitun itoombo be tiwe Anutu lene mi timbot lela peeze kini leleene, inako ipata kat pizin. Tiraosom kat.”

✧ **18:20:** Kam 20:12+; Ro 13:9 ✧ **18:22:** Mt 6:19+; Lu 12:33; Ngo 2:45; 1Tim 6:17+ ✧ **18:24:** Lu 8:14; 1Tim 6:9+; Yems 5:1+

26 Tabe zin wal ta tilenlen Yesu na, tisu mi tiso: “Wai, kena ko asin tabe Anutu ikamke i ma imbot ambai?”

27 Mi Yesu ipekel kwon ma iso: “Tomtom zitun sombe titoombo, nako tirao som. Mi Anutu na, ni itat pa kosa sa som.”

28 To Petrus imanga mi iso: “Mi parei pa niam ti? Pa ingi amzem koron tiam ta boozomen ma imborene lup mi amtoto u i.” ☆

29 Yesu iso pizin ma iso: “Nio anso kat piom. Tomtom sa sombe mataana ise pa peeze ki Anutu, mi izem ruumu kini, som kusiini, som tonmatizin kini, som tamaana ma naana, som lutuunu bizin,

30 inako ikam kampana biibi isu toono ma ilip kat pa koron ta izem na. Mi kaimer ko ikam mbotnana mata yaryaaranana tomini.”

*Yesu iso mini pa meetenana kini ma iwe tel pa
(Mt 20:17-19; Mk 10:32-34)*

31 To Yesu ikam zin nanjan kini laamuru mi ru ma tilae, mi iso pizin. Iso: “Kelen. Ingi be tasala pa Yerusalem i. Mi sua boozomen ta Anutu kwoono bizin tibeede pa Tomtom Lutuunu na, kola iur nonoona.” ☆

32 Pa ni ko tiuri ila zin wal ta Yuda somjan i naman. Mi zin ko tipeneu i, mi tipamianj, mi tipureskaali. Mi ko tibalisi, mi tipuni ma imeete.

33 Tamen ko ka mbenj iwe tel pa, tona burup ma imanga mini pa naala.”

34 Yesu izzo na, nanjan kini tikam ngar pa sua kini risa som. Pa ka uunu ike pizin.

☆ **18:28:** Mt 4:19+; Lu 5:11 ☆ **18:31:** Mbo 22; Yesa 53:3+; Mt 16:21; Lu 24:44

*Yesu iurpe tomtom matapisñana ta
(Mt 20:29-34; Mk 10:46-52)*

³⁵ Yesu ila igarau kar Yeriko, mi indeenje tomtom matapisñana ta. Ni imbutultul su zaala zilñaana be izunzun le koronj.

³⁶ Mi ileñ iwal biibi timar mabe tizemzemi ma tila, to iwi zin. Iso: “Ou, parei?”

³⁷ Mi zin tiso pini ta kembei: “Wai, Yesu ki Nasaret ta imar ma inñgi be ila i.”

³⁸ Tomtom tana ileñ, to kalñaana biibi ma iso: “Yesu, Dabit Lutuunu, muñai yo lak!”

³⁹ To zin tomtom ta muñga kan i tinasaara miili pini be imaane. Tamen ni iboobo mini mi kalñaana kat ma iso: “Oo Dabit Lutuunu, muñai yo lak!”

⁴⁰ Tabe Yesu imender, mi iso pizin be tikami ma imar. Imar kolouñana na, Yesu iwi i. Iso:

⁴¹ “Nu lelem be ankam parei pu?” Mi ni iso: “Merere, nio leleñ be urpe motonj mi anre lele.”

⁴² To Yesu iso pini ma iso: “Re lele lak! Urañana ku ta iuulu u.”

⁴³ To loña men, mi tomtom matapisñana tana mataana ikam pak mi ire lele. Tana itoto Yesu mi zinan tila, mi ipakurkur Anutu zaana. Mi iwal biibi ta timbotmbot mi tire mos tina na, timap ma tipakur Anutu zaana tomini. ✧

19

Yesu ma Sakaius

¹ Yesu iwwa ma ilela pa kar Yeriko.

² Mi tomtom ta imbotmbot, zaana Sakaius. Ni biibi kizin wal ta tiyyo takesñan i. Mi ni mbio uunu kat.

✧ **18:43:** Yo 9:1+

³ Sakaius tana leleene be iute Yesu ni tomtom pareiḡana. Tana ikam kinkiini be ire i. Tamen ni kumbuunu katḡana mete. Tabe irao ire i na som. Pa iwal biibi.

⁴ Tana iloondo ma imuḡḡu ma ila to, ire ke ta. Tana isala ma imbotmbot, beso Yesu imar to ire i.

⁵ Yesu iwwa ma ila mi indeeḡe ke tana uunu. To mataana sala pa Sakaius, mi iso pini. Iso: “Sakaius, nol ku ta koozi be aḡma ruumu ku. Tana loḡa mi su.”

⁶ Sakaius ileḡ na, leleene ambai kat pa Yesu. Tana karaukarau ma isu, mi ikami ma ziru tila ruumu.

⁷ Tamen iwal biibi tire Yesu ikam mbulu tana na, irao lelen som. Tabe tikam ḡunuḡḡunuḡ pa ma tiso: “Wai, to ti ila ma iwe leembe pa tomtom sananḡana taḡa paso?”✧

⁸ Sakaius isu to iso pa Yesu. Iso: “Merere leḡ! Koronḡ tio, ko aḡpeete ma pakaana ila pizin wal sorrokḡan ta buri. Mi sombe aḡwatke leḡ koronḡ ki tomtom sa, nako aḡkot pa paḡ.”✧

⁹ To Yesu iso: “Koozi Anutu ikamke ruumu ti ka tomtom bizin kek. Pa tomtom ti, ni tomini Abaraam popoḡana kini.”✧

¹⁰ Mi Tomtom Lutuunu, ni imar be iru zin tomtom ta tisaḡsaḡ pa Anutu zaala kini na mibe ikamke zin.”✧

*Uraata ta Merere iur mar namanda na,
matanda iḡgal be takam
(Mt 25:14-30)*

✧ **19:7:** Lu 5:30, 7:34, 15:2 ✧ **19:8:** Kam 22:1+; Wkp 6:1+; Lu 3:13 ✧ **19:9:** Ga 3:7,29 ✧ **19:10:** Mbo 23; Ezek 34:11+; Lu 15:1+

¹¹ Indeeŋe tana, Yesu imar igarau kar Yerusalem kek. Mi ikamam sua pizin tomtom ma tilenleŋ. Mi zin tiso ko molo som, to Anutu iswe peeze kini ma ipet kat mat. Tana Yesu ikam sua tooroŋana taiŋgi pizin.✧

¹² Iso: “Kembei ta tomtom ta. Ni zaana biibi, mi iso ila lele pakaana toro ta imbot molo na, be tiuri ma iwe king pa itunu lele kini. Ma ko kaimer to imiili ma imar mini.

¹³ Tana iboobo mbesooŋo kini laamuru ma timar, to irai pat milmilŋan ma irao zin makin, mi iso pizin. Iso: ‘Nio iŋgi be aŋla i. Mi pat ta aŋkam ma irao yom kek. Sombe aŋla aŋbotmbot taŋga, na niom bela kakam uraata pa pat tana, be ipeebe.’ Ni iso sua ma imap, to imanŋa pa pai ma ila.✧

¹⁴ “Mi tomtom tana, lele kini ka tomtom bizin lelen pini som. Tana tiŋgo wal pakan ma tito i ma tila pa lele molo tana, mi tiso ka sua ta kembei. Tiso: ‘Tomtom taiŋgi, niam leleyam be ni imboro yam ma iwe king piam na som.’✧

¹⁵ Tamen zin bibip ki lele toro tana tilen la kalŋan som. Mi tiur tomtom tana ma iwe king pa lele kini. Tona ni imiili ma ila kar kini mini. Ipet to, iso la pizin mbesooŋo kini ma timar be tiso i pa uraata kizin. Ko tiyaaru pat pispiziŋa pa pat ta muŋgu ni ikam pizin na.

¹⁶ “Tomtom mataana kana imar to iso: “Biibi, pat milmilŋana ta, ta ur mar tio, ta aŋkam uraata pa ma ipeebe laamuru tomen tis.’

¹⁷ Biibi ileŋ to iso pini. Iso: ‘Yo barau! Nu mbesooŋo ambaiŋom kat. Pa motom seŋom mi

✧ **19:11:** Nŋo 1:6 ✧ **19:13:** Ro 12:6+; 1Kor 12:7+; Ep 4:7-13

✧ **19:14:** Yo 1:11

kam kat uraata pa koronj musaari. Tana ko anjuru ma mboro kar laamuru.’[☆]

¹⁸ “Mi mbesoonjoro toro imar to iso: ‘Biibi, pat milmiljana ta, ta kam mar tio ta ankam uraata pa ma ipeebe pat lamata tomen tis.’

¹⁹ Tana biibi iso pini. Iso: ‘Kena ko nu mboro kar lamata.’

²⁰ “Tona mbesoonjoro toro ta iwe tel pa i, imar na iso: ‘Biibi, re pat milmiljana ku ta tis. Nio anjuk pa kawaala pakaana tainji, mi anjurke lem koronj ma imbotmbot.

²¹ Pa nio anjmoto u. Nu tomtom toro. Pa nu munainjai zin tomtom risa som. Mi mbotmbot se wal pakan uraata kizin tieene.’

²² “To biibi tana ipekel kwoono ma iso: ‘O nu tina, mbesoonjoro sananjom kat! Sua ta ipet pa itum kwom, ta iwe uunu pu be anjal motom mi anjur kadoono pu. Pa nu sombe nio tomtom toro. Mi anmunainjai zin tomtom som. Mi nu so nio anjbotmbot se wal pakan uraata kizin tieene na?’

²³ Nakena uunu parei ta nu ur pat tio tana ilela ruumu pat kana be ipeepeebe som? Naso anmar to ankam pat tio nonoono mi lej gegeene ri isala ki.’

²⁴ “To iso pizin wal pakan ta timendernder koloujana na. Iso: ‘Pat ta imbot la to tina namaana, katatke pini, mi kakam la ki mbesoonjoro ta itektege pat laamuru na.’

²⁵ Mi zin ta imbotmbot na tiso: ‘E-e, biibi. Ina ila ki tomtom toro. Pa ni na, ikam laamuru kek.’

²⁶ Tamen biibi tana iyembut sua kizin ma iso: ‘Som. Pa nio anso kat piom: Zin wal ta sombe len koronj mi tikam uraata pa, inako tikam len koronj

[☆] **19:17:** Mt 24:45+; Lu 16:10; 1Kor 4:2

pakan ma isala ki. Mi tomtom ta so le koron ri, mi ikam uraata pa som, inako titatke koron tana pini, mi ni imbot sorok.*

²⁷ Mi kon koi bizin ta lelen be anwe king mi anboro zin som na, kakam zin ma kamar, mi kakas zin su kereu uunu ma timap.’ ”

Yesu isala pa Yerusalem

(Mt 21:1-11; Mk 11:1-11; Yo 12:12-19)

²⁸ Yesu ikam sua tooronana tana makin, to imanga mini ma imuungu, mi iwal biibi tito i ma zigan tisala pa Yerusalem.

²⁹ Ila ila ma igarau pa kar Betpage mi Betania ta timbot pa abal Olib lwoono na. To ingo nangan kini ru be timuungu ma tisala.

³⁰ Iso: “Kozo kasala pa kar ta imbot mar kembei. Beso kala kepet kar, to ko kere donki poponana ta, ta timbiti lae ma imbotmbot. Ina tomtom sa mbuleene ise ndemeene mi ipa pa zen. Kuputke i, mi kakami ma kimiili ma kusu.

³¹ Mi sombe tomtom sa iwi yom ma iso: ‘Wai, ina uunu parei ta kuputke i na?’ To koso ta kembei: ‘Merere, ni le uraata ri pini.’ ”

³² Beso ziru tila na, tire koron ta boozomen timbotmbot la murin kembei ta ni iso na.

³³ Tila ma tiputkewe donki, mi katuunu bizin tiso la pizin ma tiso: “Ai, niomru kuputke donki tiam tana paso?”

³⁴ To ziru tipekel kwon ma tiso: “Merere, ni le uraata ri pini.”

* **19:26:** Mt 13:12; Mk 4:25; Lu 8:18

³⁵ Tiso ta kembei, to tikam donki ma tisula ki Yesu. To tikinke mburu kizin mat kana, mi tipeele sala donki ndemeene. Mi tiuulu Yesu be isala.

³⁶ Ni ise donki ma ilala na, zin timuŋmuŋgu pini mi tiwar mburu kizin mat kana su zaala beken a tipakuri.

³⁷ Tila ma tizirir pa dogo ma tisula be tisala mini pa Yerusalem, to zin iwal ta titoto i ŋan i, menmeen zin biibi kat. Mi timaŋga mi kalŋan izalla ma tipakurkur Anutu zaana. Paso, tikam ŋgar pa uraata bibip boozomen ta tire kek na.

³⁸ Tana kalŋan izalla ma tizzo:
 “Merere ko ipombol king ti ma ikampe i!
 Pa ni ikam Merere ruŋguunu ta imar i.
 Anutu ta imbotmbot saamba a leleene iluumu pizin wal kini.

Tana tapakur zaana biibi ma isala kor kat!”☆

³⁹ Tabe zin tutu kan pakan ta ziŋan tiwwa i, tiso lae pa Yesu. Tiso: “Biibi, peteke zin naŋan ku be timaane lak!”

⁴⁰ Tamen Yesu iso pizin: “Wa! Kozobe zin wal taŋgi timaane, so pat timaŋga ma tikam orooro biibi.”☆

Yesu itaŋ pa Yerusalem

⁴¹ Yesu iwwa ma ila mi ire sala pa Yerusalem, to leleene isaana pa mi itaŋ.

⁴² Mi iso: “O niom Yerusalem koyom, koozi kozobe kuute zaala tabe kombot ambai pa i, so ambai. Mi iŋgi som. Pa zaala tana, ike piom.”☆

⁴³⁻⁴⁴ Tana mazwaana sa kola imar. To koyom koi bizin timar ma tiliu yom, mi tiurpe len zaala

☆ **19:38:** Mbo 118:26; Lu 2:14; Ro 5:1; Ep 2:14 ☆ **19:40:** Hab 2:11 ☆ **19:42:** Mt 13:13+; Ro 11:8

be tilema kar tiom. Mi ko irao koko na som. Pa tiliu yom kek. Tana ko timaŋga piom, mi tikas yom ramaki lutuyom bizin ma kamap lup. Mi ko tireege kar tiom ma isu lene. Ka koronjana risa ko imbot se muriini mini som. Paso, Anutu, ni ima piom kek be iuulu yom tau. Tamen niom kikilaali som.”✧

Yesu iziiri zin tomtom pa Urum Merere

(Mt 21:12-17; Mk 11:15-19; Yo 2:13-22)

⁴⁵ Yesu iwwa ma ilela siiri ki Urum Merere leleene, mi ire zin wal tikamam ngomo pa koron kizin. To imaŋgayaara zin, mi iziiri zin ma tipera mat,

⁴⁶ mi iso: “Tibeede sua ki Anutu pataaŋa kek ta kembei:

Urum tio, ina sunjana muriini.✧

“Tamen niom kakam ma iwe kembei sumbuunu ta zin kuumbu kan tikewe lela i!”*✧

⁴⁷ Indeeŋe mazwaana tana mi ila, Yesu keteene isu som. Aigule ta boozomen na, ilala Urum Merere mi ikamam sua pizin tomtom. Tabe zin patoronjana kan zinjan zin ngarjan ki tutu mi zin peeze kan tirru zaala be tipuni ma imeete.

⁴⁸ Tamen tikam ma som. Pa iwal biibi timokorkor la kini be tileŋ sua kini.

20

Zin bibip tiwi Yesu pa asiŋ ta iuri pa uraata kini

(Mt 21:23-27; Mk 11:27-33)

✧ **19:43-44:** Mika 3:12; Lu 21:6 ✧ **19:46:** Yesa 56:7 * **19:46:** Yesu iyaamba zin paso, koron ta tomtom tinjingiimi lela urum be tikam patoronjana pa i, na katuunu bizin tiurur kadon ma isala ta kor a. Mi tipase pa urum tana be ikamke zin pa Anutu kete malmal kana kini. ✧ **19:46:** Yer 7:11

¹ Aigule ta na, Yesu, imbotmbot lela siiri ki Urum Merere leleene, mi ikamam sua pizin tomtom mi izzoyaryaara uruunu ambainana pizin. Mi zin bibip kizin patoronana kan, zinan zin ngarjan ki tutu mi zin peeze kan tilup zin mi tila tipet kini.

² To tiso pini ta kembei. Tiso: “Ai, nu so yam lak. Uraata ta kamam na, nu zom pa? Mi asinj iuru pa?”✠

³ Yesu ipekel kwon ma iso: “Winana tiom tana ambai. Mi nio anj sombe anwi yom pa tio ta i.

⁴ Lak, Yoan ta mungu ikamam yok pizin tomtom na, asinj iuri pa uraata kini? Ni ta imbotmbot saamba a, som zin tomtom?”

⁵ Mi zin tipekel karau som. Tiparwwi zin ma tiso: “Wai, inji kozo ko toso parei? Pa sombe toso: Ni ta imbotmbot saamba a iur Yoan pa uraata kini, to ni ko iso piti ta kembei: ‘Kena parei ta niom kuurla kini som?’

⁶ Mi sombe toso: ‘A Yoan, tomtom tiuri pa uraata kini’, ina kozo ko iwal biibi ti timanga piti mi tipun ti pa pat. Pa timap ma tiurla kat ta kembei: Yoan ni Anutu kwoono nonoono.”✠

⁷ Tana zin tiso: “Ii, niam ti amute som. Yoan uraata kini tana imar ki parei?”

⁸ To Yesu kadoono isu mi iso pizin ta kembei: “Kenako nio tomini, irao be anso yom pa Ni ta iur yo pa uraata tio i na som.”

*Sua tooronana pa zin wal uraata kan
(Mt 21:33-46; Mk 12:1-12)*

⁹ Tona Yesu imannga mini mi ikam sua tooronana taingi pizin iwal. Iso:

✠ **20:2:** Yo 2:18; Ngo 4:7 ✠ **20:6:** Mt 14:5; Lu 7:29

“Kembei ta tomtom ta, ni ipaaza ke baen isula toono kini, mi izem la kizin uraata kan naman be matan pa. To imanga ma izem kar kini, mi ila imbot lele pakaana toro.”[☆]

¹⁰ Imbot imbot ma indeenje mai ki baen kenjana, to ingo mbesoono kini ta ma ila kizin uraata kan, beken a ikam kana baen nonon pakan ma imar. Tamen mbesoono kini tana iwwa ma ila mi ipet kizin uraata kan na, tibalisi. To tiseri ma namaana men mi imiili ma ila ne.

¹¹ Tona baen katuunu ingo mbesoono kini toro ma ila. Tamen ni tomini, tibalisi mi tipamiani. To tiseri ma namaana men mi imiili ma ila ne.

¹² Tona baen katuunu ingo mbesoono kini toro ma iwe tel pa ma ila. Beso ila ipet na, ni tomini, tipuni tipuni ma runguunu isaana, to tiseri ma ila ne.

¹³ “Baen katuunu ire ma som, to isu na iso: ‘Wai, a ingi kembei men, mana ko ankam parei? Kenako ango itun lutun tamengana ila. Pa ni, nako len nger pini mi tipou i.’

¹⁴ “Tana ingo lutuunu ma ila. Beso ber na, molo mi, uraata kan tiparso pizin ma tiso: ‘Ouo, kere. Inga biibi itunu lutuunu ta imar a. Ni tabe imender pa koron ti pa kaimer. Lak, kozo tupuni ma imeete. Naso koron ti imbot ma iwe lende.’[☆]

¹⁵ Tana ni ipet, to tiyaaru tataati pera siiri nde-meene, mi tipuni ma kup.”[☆]

Yesu iso sua tana ma imap, to iwi zin. Iso: “Lak, ina kozo ko baen katuunu ikam parei pizin wal tana?”

[☆] **20:9:** Mbo 80:8+; Yesa 5:1+ [☆] **20:14:** Mt 27:18 [☆] **20:15:** Ibr 13:12

16 Ni kola imar mi ikas zin ma timetmeete lup, mi ikam baen lene kini tana ma iur la wal pakan naman be timboro kat.” Zin iwal tileŋ sua kini tana, to tiso: “E-e, so kembena pepe.”✧

17 To Yesu igeede zin mi iso: “Nakena ko parei pa sua ki Anutu ta isombe:
Pat ta zin ruumu poŋana kan matan repiili mi tipiri lae lene na,
pat tamen tana, ta ko tipamender ruumu sala ma imbol. ✧

18 Mi wal ta so titutkat zin sala pat tana, inako tisaana kat. Mi sombe pat tana itop sala ŋwan ma ipun zin, inako tiron murummurum ma imap.”✧

19 Zin ŋgarŋan ki tutu ziŋan zin bibip kizin pa-toronŋana kan tileŋ sua tooronŋana tana na, tiki-laala kembei Yesu iso sua tana ise kizin tau. Tana tisombe tikiskisi pataaŋa. Tamen timoto kan pizin iwal biibi. Tabe tikami som.

Wiŋana pa takes piriŋana
(Mt 22:15-22; Mk 12:13-17)

20 Zin ŋgarŋan ki tutu ziŋan zin bibip kizin pa-toronŋana kan tirru Yesu le uunu. Tana tiŋgo tomtom pakan ta tipakaam kembei zin lelen kat be tileŋleŋ sua ki Yesu. Tamen zin tila be tireuti mi titoombi pa wiŋana pakan. Beso ipekel ŋoobo sua, to iwe le uunu be tiuri ila gabana ki Rom namaana.

21 Tana zin pautu tana tila ma tiso lae pa Yesu. Tiso: “Mos katuunu, niam amute: Nu nin tomtom sa som, mi lae ki tomtom sa som. Nu tomtom ki

✧ 20:16: Ngo 13:46, 28:28 ✧ 20:17: Mbo 118:22 ✧ 20:18: Yesa 8:14+; Dan 2:34+

zso sua ŋonoono men, mi paute katkat zin tomtom pa Anutu zaala kini.

²² Tana so yam lak. Tutu kiti iso parei? Iti sombe tigiibi takes ila ki Kaisa, ko indeenje, som som?”

²³ Tamen Yesu, ni iute pakaamŋana kizin kek. Tana isu mi iso pizin. Iso: “Pat ta tiwirri pa takes na, kakam tasa imar ma anre.”

²⁴ Tikam ta ila kini, to iwi zin. Iso: “Lak, asiŋ runguunu mi zaana ti?” To tiso: “Ina Kaisa tau.”

²⁵ To Yesu iso: “Tana. Koron ta Kaisa zaana pa na, ambai be imiili ma ila ki itunu. Mi koron ki Anutu, to ila ki Anutu.”✧

²⁶ Yesu ipekel ma len sua sa som. Timaane men. Pa titoombo be tipakaami ila iwal biibi matan, tamen tirao som.

Wal meeteŋan ko timaŋga mini, som som?

(Mt 22:23-33; Mk 12:18-27)

²⁷ Zin sadusi na, zin Yuda pakan ta tiurla kembei Anutu ko ipei zin meeteŋan ma timaŋga mini som. Tana Yesu imbotmbot, mi zin sadusi pakan timar kini mi tiwi i ta kembei. Tiso:✧

²⁸ “Mos katuunu, Mose ibeede tutu piti ta kembei: Sombe tomooto sa iwoolo moori ma tipeebe sa som, mi imeete, to tiziini bela iwoolo ka nooro. Beso ipeebe ma inŋi, to pikin ikel toono kolmanŋana ta imeete na.”✧

²⁹ Lak, lwoono ta na, tonmatiziŋ lamata mi ru. Timbotmbot ma muŋgamuŋga iwoolo. Mi ikam kelŋana sa som, mi imeete.

³⁰ To tiziini ta ito i na ikam ka nooro. Mi tipeebe sa som, mi ni tomini ra, imeete.

✧ **20:25:** Un 1:27; Lu 23:2; Ro 13:7; 1Pe 2:17 ✧ **20:27:** Ngo 23:8

✧ **20:28:** Lo 25:5

³¹ To tiziini ta iwe tel pa na, ikam mbulu raraate men. Ta kembei kembei ma zin lamata mi ru tana, timetmeete lup. Mi len keljan sa som.

³² To kaimer na, moori tomini, ni imeete.

³³ Lak, indeenje mbej kaimer ma zin meetejan tisombe timanja mini pa naala, nako moori tina iwe tomtom injoi kusiini? Pa zin lamata mi ru ta tiwooli na.”

³⁴ Yesu ipekel kwon ma iso: “Zin tomooto ma moori ta timbot su toono ti na, tiparwolwoolo zin.

³⁵⁻³⁶ Mi zin wal ta Anutu ire zin kembei wal ndeejejan, mi ipei zin ma timanja mini be timbot kar kini, nako irao be tiwoolo mini som, mi timeete mini som. Pa zin ko kembei ta zin anjela. Mi manganana kizin ta ko iswe kembei zin Anutu lutuunu bizin.✧

³⁷ Mi niom na, sombe kakam kat ngar pa sua ki Mose, so kikilaala kembei Mose tomini iso zin meetejan ko timanja mini. Ingi anso pa sua ta ni ibeede pa mazwaana ta Anutu ipet kini na. Indeeje tana, Anutu iwe kembei you ta ikanan la ke lelene na, mi iso pa Mose ma iso: Nio inji Anutu ki Abaraam, Isak, mi Yakop.✧

³⁸ Sua tana iswe kembei zin matan yaryaara ma timbotmbot raama Anutu. Mibe timeete ma tila len kat, so ni irao ipaata itunu be Anutu kizin na som. Pa Anutu wal kini ta boozomen na, timbotmbot matan yaryaara men. Irao meetejanana ikis zin na som.”✧

³⁹ Zin ngarjan ki tutu pakan tilej sua ki Yesu tana, to timanja na tiso: “O mos katuunu, pekeljana ku tana ambai kat.”

✧ **20:35-36:** Yo 1:12; 1Kor 15:42,49,52 ✧ **20:37:** Kam 3:6; Ngo 7:32; Ibr 11:16 ✧ **20:38:** Ro 6:10+, 14:8+

40 Tana kaimer tomtom tiwi i pa kosa sa mini som. Pa timoto.

Mesia ko iyooto pa Dabit be parei?

(Mt 22:41-46; Mk 12:35-37)

41 Yesu imanga to iwi zin. Iso: “Lak, parei ta tisombe Mesia, ko iyooto pa king Dabit poponjana kini?”

42 Pa Dabit itunu ibeede sua ise ro ki mboe ta kembei:

Merere Anutu iso pa Biibi tio.

‘Mar mbulem su ta nomoŋ woono,

43 ma irao anŋkoto kom koi bizin ma mburan imap kat,

mi kumbum ise ŋguren.’[☆]

44 Tana Dabit itunu ipaata Mesia be Biibi kini. Lak, poponjana sa ki Dabit ko irao be ilip pini be parei?”

Mbulu pakurjana kizin ŋgarjan ki tutu

(Mt 23:1-36; Mk 12:38-40; Lu 11:37-54)

45 Iwal biibi timbotmbot, mi tileŋ Yesu iso pizin nanŋaŋ kini ta kembei. Iso:

46 “Motoyom inŋalŋgal ituyom pizin ŋgarjan ki tutu. Pa zin lelen be tirru pa mburu kizin ta mololo i. Mi tiwwa pa kar keteene, beken a tomtom tire zin mi tiso sua pakurjana pizin. Mi sombe tilela pa lupjana muriini, som tila pa kini kanjana, to loŋa mi tiserseere ma tila be mbulen se mbalia mataana kana ta zin wal zanŋan murin na.

47 Mi zin koronŋ to tiwatkewe zin noronja, beken a tikem len ruumu kizin ramaki mburu kizin. Mi tipakamkaam ma tikamam sunjana

[☆] 20:43: Mbo 110:1; Nŋo 2:34+; 1Kor 15:25; Ibr 1:13

molo. Tana kadoono tabe tikam pa mbulu kizin tana, ko sorok som kat.”

21

*Nora ta ipiri pat sula Anutu pelpeelee kini
(Mk 12:41-44)*

¹ Yesu imbotmbot mi mataana ila na, ire zin mbio uunu ta tiurur pat izulla kolekta muriini i.

² Molo som na, ire nora ta. Ila to ipiri pat sijsiņņan ru ta munmun i.

³ Ire i, to iso: “Ai, kere nora tuunu tiņga. Nio aņso kat piom. Pat ta ni ipiri sula kolekta na, ilip pa zin tomtom ta boozomen tiņgi.

⁴ Paso, zin pakan na, koronj kizin boozo imbotmbot mi tipiri rimen. Mi ni na som. Pat kini ri tabe imboro i, ta imap lup ma isula. Tana itunu ko imbot sorok.” ✧

*Yesu iso pa Urum Merere reegeņana
(Mt 24:1-2; Mk 13:1-2)*

⁵ Timbotmbot, mi naņganj kini pakan tisu to, kwon imbesmbeeze pa Urum Merere. Tiso: “Urum ta a, tipo ma tipenģeeze pa pat ndabokņan ta kan mos yaryaaraņan ma ambai kat! Pa tomtom boozomen lelen ambai pa Anutu tabe tipiri naman pa.”

⁶ Tana Yesu isu to iso pizin. Iso: “Kere. Koozi iti tombotmbot mi tere la pa urum tiņga. Mi talala ma sombe ka nol ipet, to tireege ma isu lene. Ka koronģana risa ko imbot se muriini mini na som.” ✧

Pataŋana boožo kola iwedet mana urum reeŋana

(Mt 24:3-14; Mk 13:3-13)

⁷ Tabe zin tiwi i. Tiso: “Mos katuunu, sua ta so pa urum reeŋana na, ko iur ŋonoono ŋiizi? Mi sombe ka nol igarau, inako ka kilalan pareiŋana?”

⁸ To Yesu ipekel kwon ma iso: “Motoyom iŋgalŋgal ituyom! Kokena wal pakan tipandelndel yom. Pa wal boožo kola timaŋga mi tipaata sorok nio zoŋ mi tiso: ‘Ulaaŋa tabe imar i, na nio tau’, mi ‘Toono swoono ka nol, ta iŋgi be ipet i.’ Tamen niom sombe kelej sua ta kembei, na koto zin pepe.

✧

⁹ Mi sombe kelej malmal bibip, som wal pakan ta tiparyanŋwiiri zin na urun, na keteyom guruk mi komoto pepe. Pa mbulu ta kembena kola iwedet. Mi toono swoono nako zen.”

¹⁰ To Yesu iseŋge sua kini ma iso: “Pa toono ta boozomen ka tomtom bizin kola tiparkam malmal pizin. King ta ko ikam malmal pa king ki lele toro.

✧

¹¹ Yenyeŋge bibip kola itok toono. Mi peetele, mi mete sananŋan kola ipet pa lele pakan mi ipasaana kat zin tomtom. Mi uraata bibip matakiŋa kola ipet mi ipa sala maŋaanaŋana. Tana motonana biibi ko ikam zin tomtom. ✧

¹² “Tamen uraata ta boozomen tina ko ipet zen, mi tikis yom ma tiseeze motoyom. Ko tipamender yom lela lupŋana murinmurin, mi tizeebe yom lela ruumu sanaana. Mi ko tikam yom ma tipamender yom la zin king mi zin bibip keren uunu

✧ **21:8:** Ep 4:14; 2Tes 2:1+; 1Yo 4:1 ✧ **21:10:** Tur 6:3+ ✧ **21:11:** Yoel 2:31; Tur 6:12+

tomini. Paso, niom kezzwe nio uruŋ mi kopombolmbol sua tio. ✧

¹³ Mi mbulu tana ko iwe zaala piom be kosoy-aara uruŋ pizin. ✧

¹⁴ Tana kuurpe ŋgar tiom pataaŋa be kemender mbolŋana. Mi kuru ŋgar ma sua tabe koso i pepe. ✧

¹⁵ Pa nio ituŋ ko aŋpazal ŋgar mi sua piom. Tana ko kupumun koyom koi bizin kwon, mi kakam zin ma tiru zalan pa sua. ✧

¹⁶ Indeeŋe mazwaana tana na, ituyom tomoyom ma noyom bizin, toŋmatizin tiom, wal tiom, mi toroyom bizin ko tiur yom la koyom koi bizin naman. Mi niom pakan, nako tipun yom ma kemetmeete. ✧

¹⁷ Mi tomtom ta boozomen ko timap tiur koi piom. Paso, niom kototo yo tau. ✧

¹⁸ Tamen komoto pepe. Nonoono, kuliyoŋ ko ire yoyouŋana. Tamen Anutu ko mataana piom. Tana uteyom ruunu tasa ko irao ila lene na som. ✧

¹⁹ Tana kemender mbolŋana mi kikis urlaŋana tiom. Naso kakam mbotŋana mata yaryaaraŋana. ✧

*Pataŋana biibi kat kola ikam zin Yerusalem kan
(Mt 24:15-21; Mk 13:14-19)*

²⁰ “Niom sombe kere zin malmal kan timar ma tiliu Yerusalem, tona kuute: Nol tabe tireege Yerusalem ma isu lene, ta ka nol igarau kek.

✧ **21:12:** Ngo 16:23, 22:19,30, 24:1+, 25:23+; 2Kor 11:24 ✧ **21:13:** Ngo 4:5+, 9:15, 22:1+, 24:10+, 26:1+ ✧ **21:14:** Mt 10:19+; Lu 12:11+ ✧ **21:15:** Ngo 6:10 ✧ **21:16:** Ngo 7:59, 12:2 ✧ **21:17:** Mt 10:22; Yo 15:18,20 ✧ **21:18:** Mt 10:30; Lu 12:7 ✧ **21:19:** Ibr 10:36; Tur 2:7

²¹ Mbulu tana iso ipet na, zin wal tau timbotmbot lele pakaana ki Yudea na, loŋa mi tiko ma tisala pa lele abalabalŋana. Mi zin tau timbotmbot kar Yerusalem na, tizem kar biibi mi tiko ma tila len. Mi zin tau timbotmbot Yerusalem zilŋanzilŋan na, kozo tilela kar biibi mini pepe. Kaŋkaŋ pataŋa ma tila len.

²² Pa indeeŋe tana, sua boozomen ki Anutu ta tibeede kek na, kola iur ŋonoono, mi zin Yuda tire kadoono pa mbulu kizin sananŋana. ✧

²³ Zin moori ta sombe koponŋan mi zin ta pe-myamŋan pa mazwaana tana, na ra, tembel zin kek. Pa Anutu ko iswe kete malmalŋana pizin tomtom ta timbotmbot toono tiŋgi, mi pataŋana biibi ikam zin. ✧

²⁴ Tana tomtom pakan ko timetmeete pa buza kwoono, mi pakan ko tikoki zin ma tila timbot leŋaleŋa pa karkari ta boozomen mazwan. Mi zin wal ta Yuda somŋan i ko tipadagdaaga Yerusalem ma irao mazwaana ta Anutu iur pizin na imap. ✧

Miiliŋana ki Tomtom Lutuunu
(Mt 24:29-31; Mk 13:24-27)

²⁵ “To mbulu pakan ko ipet pa zoŋ ma puulu mi zin pitik be iwe kilalan. Mi toono na, pataŋana ko ikam zin tomtom ma tiseŋeeŋe. Pa tai kola isaana ma isaana kat. ✧

²⁶ Mi koronŋ mburanŋan ta timbot sala maŋaanaŋana na, Anutu kola itok zin. Tana tomtom ko tikam ŋgar ma tiso: ‘Wai, pataŋana

✧ **21:22:** Yer 5:29; Dan 9:26+; Hos 9:7; 1Tes 2:14 ✧ **21:23:** 1Kor 7:26 ✧ **21:24:** Mbo 79:1; Lu 20:16; Ro 11:25; Tur 11:2 ✧ **21:25:** 2Pe 3:10+; Tur 6:12+

biibi sa ko iwwa i.' Tana ko ikam zin ma timoto kan mi mburan imap kat.

²⁷ Tona tomtom kola tire sala pa Tomtom Lutunu imbot lela miiri tieene, mi imiili ma isu raama mburaana mi azunƙa kini biibi kat. ✧

²⁸ Tana kere, beso uraata ti imanƙanƙa, to leleyom ambai mi niyom ise. Pa ina be ulaanƙa tiom isu.”

Sua tooronana pa ke fik
(Mt 24:32-35; Mk 13:28-31)

²⁹ To Yesu ikam sua tooronana tinƙi pizin. Iso: “Kere la pa ke fik mi ke pakan tomini, mi kakam ngar pa.

³⁰ Sombe tirun, tona kikilaala kembei inƙi be zon biibi isu.

³¹ Ina zaala raraate men tau pa mbulu ta anƙzo yom pa i. Niom sombe kere mbulu ta boozomen tana tiwedet, to kikilaala ta kembei: Inƙi be Anutu iswe kat peeze kini ma ipet mat isu toono.

³² “Nio anso kat piom: Wal ta koozi timbotmbot i ko timap pa toono zen, mi tire uraata ta boozomen men ta inƙi ipet.

³³ Saamba ma toono kola timbiriizi ma tila len. Tamen sua tio na, irao be ila lene na som. Ko imbotmbot men ta kembei. ✧

Tapamatmaata mi matanda inƙanƙal itundu

³⁴ “Kere yom. Kokena kiwinin ma kakankaana, som kakam ngar boozo pa pataƙana ki toono, to ikam yom ma kakam ngar pa miilinana ki Tomtom

✧ **21:27:** Dan 7:13; Mt 26:64; 1Tes 4:16+; Tur 1:7 ✧ **21:33:** Mbo 119:89; Yesa 40:8; Mt 5:18; 1Pe 1:25

Lutuunu som, mi ni ipamorsop yom kembei ta kilis. Tana motoyom ingalngal ituyom. ✧

³⁵ Pa mbulu tabe ipet pa aigule tana na, tomtom sa ko irao iko pa na som. Ko ise kizin tomtom ta boozomen ta timbotmbot su toono.

³⁶ Tana kapamatmaata totomen, mi kuzunzun Anutu be ipombol yom mibe kemender mboljana. Naso patajana tana irao ipasaana yom som, mi sombe kemender la Tomtom Lutuunu mataana, nako komoto som.”

³⁷ Indeeḅe mazwaana tana na, aigule ta boozomen, Yesu ilala ma ikamam sua pizin tomtom lela Urum Merere. Beso rorou na, ilala abal Olib be imbotmbot pa mbeḅ.

³⁸ Tana aigule ta boozomen, zoḅ ise na, zin iwal biibi tilala urum leleene be tileḅ i.

22

Zin bibip timbuuru pa Yesu

(Mt 26:1-5; Mk 14:1-2; Yo 11:45-53)

¹ Timbotmbot ma sunjana biibi kizin Yuda ta tipaata be Pasoba na, ka nol igarau be tila tilup zin, mi tikan narabu ta ka yis somjana i. ✧

² Mi zin bibip kizin patoronjana kan zinan zin ngarnan ki tutu na, tilup zin, mi tirru zaala be tipun Yesu ma imeete. Mi lenen be iwal biibi tiute som. Pa timoto zin. ✧

Yudas iyok be iswe Yesu

(Mt 26:14-16; Mk 14:10-11)

✧ **21:34:** Mt 24:42+; Mt 25:13+; Ro 13:11+; Ep 5:18; 1Tes 5:2+; 1Pe 4:7; 2Pe 3:10; Tur 16:15 ✧ **22:1:** Kam 12:15+ ✧ **22:2:** Mbo 2:2; Ngo 4:27

³ To nanḡaḡ ki Yesu laamuru mi ru tana, tomtom kizin ta, zaana Yudas Iskariot. Ni Sadan izeebi,✠

⁴ to imanḡa mi ila kizin bibip kizin patoronḡana kan mi zin menderḡan ki urum, mi zinḡan timbuuru pa Yesu. Mi Yudas isotaara zin pa zaala tabe iur Yesu ila naman i.

⁵ Zin tileḡ na, lelen ambai mi tiso tikam Yudas le pat.

⁶ Mi ni iyok pa sua kizin. To ila ma iru zaala be iur Yesu ila naman. Mi isombe ikam ki keḡana. Kokena iwal biibi tiute.

*Nanḡaḡ ki Yesu tiurpe Pasoba ka kini
(Mt 26:17-25; Mk 14:12-21; Yo 13:21-30)*

⁷ To aigule tabe tikan narabu ta ka yis somḡana i ipet. Mi ina aigule tabe tipun zin sipsip pa Pasoba i.✠

⁸ Tana Yesu inḡo Petrus ziru Yoan. Iso: “Niomru kala be kuurpe kanda kini pa Pasoba.”

⁹ To ziru tiwi i. Tiso: “Mi lelem be amla amurpe isu swoi?”

¹⁰ Mi Yesu iso: “Kelela kar biibi, to kere tomooto ta ikwaara yok kuuruḡana mi ikoḡuru yom ma ima. Koto i mi kere, beso isala ruumu tasa, to koto i ma kelela.

¹¹ Mi koso pa ruumu katuunu ta kembei. Koso: ‘Mos katuunu tiam iso pu ta kembei: Ruumu leleene kizin leembe inḡoi tabe zinḡan nanḡaḡ kini timbot pa mi tikan Pasoba ka kini i?’

¹² Mi ni ko iso yom pa ruumu leleene biibi ta imbot kor mi tiurpe ma ambai pataaḡa kek. Tana niomru kaparaḡraḡ koronḡ ta boozomen isu tana.”

✠ 22:3: Yo 13:2,27 ✠ 22:7: Kam 12:18+

13 Beso ziru tila na, tire koron ta boozomen ila itoptop kat la Yesu kaljaana. Tana tiparaŋraŋ kini ma koron ta boozomen pa Pasoba.

*Yesu ziŋan naŋgaŋ kini tikan Pasoba ka kini
(Mt 26:26-30; Mk 14:22-26; 1Kor 11:23-25)*

14 Zon isula na, Yesu ziŋan ŋgoŋana kini tila ma mbulen su pa kini kanŋana.

15 Mi ni isu ma iso pizin. Iso: “Nio aŋjurur moton pa mben ta taŋgi be itinŋan tumbutultul mi takan Pasoba ka kini ŋiŋi muŋgu, mana aŋbaada pataŋana mi aŋre yoyouŋana.

16 Mi nio aŋso piom: Imap ta ti. Ko aŋkan Pasoba ka kini mini som ma irao Pasoba ka ŋonoono ipet isu Anutu kar kini, to aŋkan.”✧

17 To ikam mbooro ma isun pa, mi isara la kizin mi iso: “Kakam mbooro ti mi kiwin ma irao yom.

18 Nio aŋso piom: Nio ko aŋwin baen mini som ma irao Anutu iswe peeze kini ma ipet kat mat.”

19 To ikam narabu ma isun pa, mi itette ma irai pizin mi iso: “Ingi nio mozon ŋonoono. Pa nio ko aŋkam muriyom mi aŋmeete piom. Mbulu ti, kozo kakamam bekena motoyom ingalŋgal yo.”✧

20 Tikan kini makin, to Yesu ikam mbulu raraate men tau pa baen. Ikam mbooro, mi iso: “Ingi nio siŋin tabe ireere ma isu piom, mi iurpe zaala popoŋana piom be niomŋan Anutu kaparlup yom ma kewe tamen.”✧

21 Mi kelen. Iti ta tombotmbot mi takanan kini ila mbata i, tiom tasa ko iur yo la kon koi bizin naman.”✧

✧ 22:16: Lu 13:29, 14:15; Tur 19:9 ✧ 22:19: 1Kor 10:17

✧ 22:20: Kam 24:8; 1Kor 10:16; Ibr 9:12+, 10:10 ✧ 22:21: Mbo 41:9; Yo 13:21+

22 Pa zaala ta Anutu iur pa Tomtom Lutuunu be ito na, ni bela ito. Mi tomtom tabe iur yo la koŋ koi bizin naman i, na tembeli kek.”✧

23 Yesu iso sua tana, to nanŋaŋ kini timaŋga mi tiparwwi zin ma tiso: “Wai, kiti asiŋ ta irao ikam mbulu ta kembei?”

*Tomtom pareiŋana tabe iwe biibi i
(Mt 20:25-27; Mk 10:42-44)*

24 To zin nanŋaŋ timaŋga mi tiparzorzooro pa asiŋ ta ni zaana biibi ma ilip kat.✧

25 Tabe Yesu iso pizin. Iso: “Mbulu ki toono na, niom kuute kek. Zin king kizin karkari tipakurkur zitun, mi tikototo wal kizin. Mi zin peeze kan kizin lelen be zin wal ta timbot la kopon mbarmaana na, kwon imbesmbeeze pizin pa uraata ta tikamam na.

26 Tamen niom na, koto zin pa mbulu kizin tana pepe. Tiom tasa isombe leleene be iwe mataana piom, na bela ikoto itunu mi imbesmbeeze piom kembei ta tiziyom bizin ta kaimernŋan i tikamam. Mi tomtom ta so ikamam peeze piom, na bela ikoto itunu ma iwe kembei ta mbesooŋo.✧

27 Lak, aŋwi yom. Asiŋ ta ni biibi? Ni ta mbuleene isu mi ikan kini, som ni ta inŋal tomtom kan kini mi imbesmbeeze pizin? Ina tomtom ta mbuleene isu mi ikan na! Mi kere. Inŋi nio aŋbesmbeeze piom kembei ta mbesooŋo i.✧

28 “Nio, pataŋana boozo indenŋeŋe yo. Tamen niom kezem yo som, mi inŋi kagabgaaba yo men.✧

✧ 22:22: Ngo 1:6, 2:23 ✧ 22:24: Mk 9:34+; Lu 9:46 ✧ 22:26: 1Pe 5:3 ✧ 22:27: Mt 20:28; Lu 12:37; Yo 13:12+; Pil 2:7 ✧ 22:28: 2Kor 1:7; 2Tim 2:12

29-30 Ambai. Mi Tamaŋ Anutu, ni iur yo be aŋkam peeze pa koron ta boozomen. Tana nio ta kembena. Ingi aŋur yom be kaimer to kombot sala muriyom peeze kana isu kar tio, mi kakam peeze pa zin Israel un bizin laamuru mi ru. Mi ko itijaŋ takanan ma tiwinin ila mbata ma tombotmbot.”✠

*Yesu iso Petrus ko iwatkaali
(Mt 26:31-35; Mk 14:27-31; Yo 13:36-38)*

31 Yesu isu to iso pa Petrus. Iso: “O Simon, Simon, re u! Pa ingi Tomtom Sanaana, irru zaala be itok urlaŋana tiom.”✠

32 Tamen nio aŋsuŋ pu kek: Kokena zem kat urlaŋana ku. Tana kaimer ma sombe urlaŋana ku imiili ma imbol mini, tona pombol toŋmatiziŋ ku ti.”✠

33 Tabe Petrus isu mi iso: “Merere, inako zin pakan. Mi nio na, irao aŋzemu na som. Som ma som kat! Sombe tiuru la ruumu sanaana, inako ituru mi tala. Miso tipunu ma meete, nako tipun yo tomini ma ituru mi temetmeete raraate!”

34 To Yesu iso pini. Iso: “Petrus, nio aŋso kat pu. Mbeŋ ta koozi, nu kola watkaala zoŋ pa tel, mana man itaŋ.”

Yesu isope zin naŋgaŋ kini pa mburu tabe tikam mi tipa raama i

35 Tona Yesu iwi zin naŋgaŋ kini ma iso: “Lak, muŋgu indeeŋe ta aŋgo yom pa uraata na, aŋso piom ta kembei: Kapa raama kautu pepe, pelpeelee pepe, mi kumbuyom keteene pepe. Tana nomoyom men mi kala. Mi parei, mazwaana

✠ **22:29-30:** Mt 19:28; Lu 14:15; Tur 3:21, 19:9 ✠ **22:31:** 2Kor 2:11; 1Pe 5:8 ✠ **22:32:** Yo 17:9+, 21:15+

tana, niom kuru zoloyom pa leyom koronj sa, som som?” Mi zin tiso: “Som. Niam amrao pa koronj ta boozomen.”✠

³⁶ To Yesu iso: “Tana. Tamen buri, sombe kala, na kala raama kautu tiom mi pelpeele tiom. Mi sombe tomtom sa, ni le pat be ingiimi buza som, na kozo ila mi ingomoono mburu kini bekena ingiimi le buza tasa.

³⁷ Pa nio anso kat piom. Mbenj ta koozi, sua ta tibeede munju kek na, ko iur nonoono ise tio. Sua ta kembei:

Zin tire i kembei ta tomtom sananjanana sa.

Pa sua boozomen ta munju tizzo se tio, ingi buri be iur nonoono i.”✠

³⁸ Nanjanj kini tiso: “Merere, buza ru tis.” Yesu iso pizin: “Ina irao.”

Yesu isunj su lele Getsemane

(Mt 26:36-46; Mk 14:32-42)

³⁹ Yesu ito mbulu kini ta ikamam na, mi izem kar biibi be isala abal Olib. Mi nanjanj kini tito i ma zinan tila.

⁴⁰ Tila tipet, to iso pizin. Iso: “Niom kombotmbot ti mi kusunj. Kokena toombojanana sa ikam yom.”✠

⁴¹ To izem zin, mi ilae ri na, ingun kumbu mbukuunu mi isunj.

⁴² Iso: “O Tamanj, sombe lelem, na tatke mbooro taingj pio. Ingi nio anso. Mi nu itum tau.”✠

⁴³ Ni izunjunj, mi anjela ta, imbot saamba mi isu kini be ipomboli.

✠ **22:35:** Mt 10:9; Lu 9:3 ✠ **22:37:** Yesa 53:12; Lu 24:26+

✠ **22:40:** Mt 6:13 ✠ **22:42:** Mt 6:10; Yo 6:38

44 Pa Yesu leleene ipata mi ikamam sunɲana mbolɲana kat. Tabe ikam ma mburaana be imap. Tana ka uze raama siɲ ndoɲdoɲ sula toono.✧

45 Isunɲ makinɲ, to imanɲa, mi imiili ma ila be ire zin nanɲanɲ kini. Mi zin tikeene ma tizemke zin kat. Pa lelen isaana kat, tabe ka malainɲana ikam zin.

46 Tana ni isu na iso pizin. Iso: “Wai, kekeene rimos! Kamanɲa mi kusunɲ. Kokena toomboɲana ikam yom to kotop.”

Tikam Yesu

(Mt 26:47-56; Mk 14:43-50; Yo 18:3-11)

47 Yesu izzo sua tana, mi molo som na, Yudas iyaaru zin iwal ma timar. (Yudas tana, ni tomtom ta ta imbot la Yesu nanɲanɲ kini laamuru mi ru na.) Ikonɲuru Yesu ma ila, to imbenɲeenɲe pini.

48 Mi Yesu iso pini: “Wai Yudas, inɲgi mbenɲeenɲe pa Tomtom Lutuunu be uri la ka koi bizin nanɲanɲ?”

49 Nanɲanɲ kini ta timbotmbot raami na, tire ma irao lelen som kat. To tiso: “Merere parei, ko ampas buza mi amkas zin?”

50 To tomtom kizin ta, ni imanɲa na ipas buza kini, mi ipiri na isap tomtom ta talɲaana woono ma itop su. Tomtom tana, ni mbesoonɲo ki biibi kizin patoronɲana kan.

51 Tamen Yesu iso: “Hait, imbot. Kezem zin mi tikam.” To iteege lae pa mbesoonɲo tana talɲaana, mi iurpe ma ambai mini.

52 Mi Yesu iso pizin patoronɲana kan ziɲan zin menderɲan ki urum, mi zin mboronɲan ta timar be tikam i na. Iso: “Wai, nio ti tomtom malmalɲonɲ sa, ta kamar ramaki buza ma zaaba be kakam yo i?”

✧ **22:44:** Yo 12:27; Ibr 5:7

⁵³ Aigule ta boozomen ta itijan tombotmbot la Urum Merere kwoono mi ankamam sua piom na. Parei ta kakam yo pataaŋa som? Ambai. Kakam yo lak. Pa ingi mazwaana ta zugut mburaana ikamam peeze. Tana nol tiom ta ti.”✧

Petrus iwatkaala Yesu zaana

(Mt 26:57-58,69-75; Mk 14:53-54,66-72; Yo 18:12-18,25-27)

⁵⁴ To tikiskis Yesu, mi tikami ma tila ruumu ki biibi kizin patoronŋana kan. Mi Petrus, ni itokel-keele zin ma ila.

⁵⁵ Mi tomtom pakan tindou you isu biibi ruumu kini kwoono, mi timbutultul ma timbotmbot. Tana Petrus ila igaaba zin.

⁵⁶ Molo som na, mbesooŋo moori ta, ni imar ma ire Petrus imbotmbot you uunu. To igeedi ma iso: “To ti, ni tomini zijaŋ Yesu tiwwa.”

⁵⁷ Tamen Petrus iwatkaali ma iso: “Wa moori, nu so sorok. To tana, nio aŋute i som.”

⁵⁸ Timbotmbot, mi tomtom toro imar. Mi ikilaali to iso: “Ai, nu tana tomini, niomŋan tau.” Tamen Petrus iso: “E-e. Nio som kat.”

⁵⁹ To timbotmbot ma moloŋana ri, mana tomtom toro ire i. To imanŋa na kwoono imbol ma iso: “Ouo, to ti, ingi zin tau! Pa ni sa tomtom ki Galilea na.”

⁶⁰ Tamen Petrus iso: “Ai, sua ku tana, nio aŋute risa som.” Indeeŋe kat Petrus izzo sua tana na, man itaŋ.

⁶¹ To Merere itoori mi mataana ila ki Petrus. Mi Petrus ire i, to mataana la pa sua ta munŋu Yesu

✧ 22:53: Lu 19:47, 21:37; Yo 12:27

iso pini na. Sua ta isombe: “Mbeŋ ta koozi, nu kola wafkaala zoŋ pa tel, mana man itaŋ.”

⁶² Tana Petrus imanŋa mi iyooto ma ipera mat, to itaŋ ma iyeryer.

Tipeŋeu Yesu mi tipuni
(Mt 26:67-68; Mk 14:65)

⁶³⁻⁶⁴ Indeeŋe tana, zin menderŋan ta timborro Yesu na, timanŋa be tipeŋeu i. Tisu to, tizuk mataana mi tiununi. Mi tiwwi i ma tizzo: “O Anutu kwoono, so lak. Asiŋ ta ipunu na?”

⁶⁵ Mi timbel sua repiilinana pini.

Tipamender Yesu isu zin peeze kan keren uunu
(Mt 26:59-66; Mk 14:55-64; Yo 18:19-24)

⁶⁶ Timbotmbot ma ila berek, to zin peeze kan kizin Yuda, ziŋan zin bibip kizin patoronŋana kan, mi zin ŋgarŋan ki tutu tilup zin, mi tikam Yesu ma ila imender su keren uunu. Mi tiwi i ma tiso:

⁶⁷⁻⁶⁸ “Lak, sombe nu Mesia, na so kat ta buri!”

Yesu ipekel kwon ma iso: “Sombe aŋso piom, na niom ko kuurla kalŋoŋ som. Mi sombe aŋwi yom pa koron sa, na niom ko kepekel som tomini.

⁶⁹ Tamen koozi mi ila na, Tomtom Lutuunu ko mbuleene su Anutu mbolkenkenŋana namaana woono.” ✧

⁷⁰ Tabe tilup kwon ma tiso: “Kena ko nu Anutu Lutuunu tau?” Yesu ipekel kaljaana ma iso: “Sua ta ituyom koso na.”

⁷¹ Tona timanŋa mi tiso: “Oo imap. Turu tomtom toro be iso ka sua paso? Buri na tapas kat sua ila itunu kwoono i.”

✧ 22:69: Mbo 110:1; Dan 7:13; Nŋo 7:56; Ibr 1:3, 8:1

23

*Yesu imender su Pilatus kereene uunu
(Mt 27:1-2,11-14; Mk 15:1-5; Yo 18:28-38)*

¹ Tona zin bibip timap ma timaŋga mi tikam Yesu ma tiuri la ki Pilatus.

² Mi tinjal sua boozo pini. Tiso: “Tomtom tinji, niam amkami paso, ni ipandelndel yam Yuda mi isokere zin iwal be tipiri takes ila ki Kaisa pepe. Mi ipakuri ma iso ni Mesia mi king.”✧

³ Tabe Pilatus iwi Yesu ma iso: “Parei, nu tana, ta king kizin Yuda?” Yesu ipekel kwoono ma iso: “Sua ta so na.”✧

⁴ To Pilatus iso pizin bibip kizin patoronŋana kan zinjan zin iwal biibi. Iso: “To ti, nio andeenje le uunu sa isaana som.”✧

⁵ Tamen zin kwon imbol ma tiso: “Ai, to tina, ni ikamam sua pizin tomtom mi ikurru lelen pa lele ta boozomen tiam Yuda. Imaŋga su ta Galilea, mi imar imar, ma inji buri ipet taiŋgi.”

Tiur Yesu ila ki Erot

⁶ Pilatus ilenj sua kizin tana, to iwi zin ma iso: “O to ti, ni ki Galilea?” Mi zin tiso: “E, ni tomtom ki Galilea.”

⁷ Pilatus ilenj kembei Yesu imar pa lele pakaana ta Erot ikamam peeze pa na, to iuri ma ila kini. Pa indeenje mazwaana tana, Erot, ni imbotmbot Yerusalem tomuni.

⁸⁻⁹ Mazwaana molo ta ila a, Erot ilenjen Yesu uruunu mi ikam kinkiini be ire i. Pa leleene be ire Yesu itooro mos pakan. Tana Yesu ila ipet kini,

✧ 23:2: Mt 17:27; Lu 20:25; Nŋo 17:7 ✧ 23:3: 1Tim 6:13 ✧ 23:4: 1Pe 2:22

to ni leleene ambai mi ikam wiņana boožo pini. Tamen Yesu ipekel sua sa som.✧

¹⁰ Mi zin bibip kizin patoronņana kan, ziņan zin ņgarņan ki tutu ta timbotmbot na, timbel sua ņgalņana pa Yesu.

¹¹ Mi Erot ziņan zin malmal kan kini na, tikam mbulu repiiliņana pa Yesu mi tipeņeu kati. Tisu to, tiur mburu ambaimbaiņan ise regeene, mi tipimiili i ma ila mini ki Pilatus.

¹² Muņģu na, Erot ziru Pilatus tiparwe kan koi. Tamen indeeņe aigule tina mi ila, to ziru tiparlup zin mi lelen par pizin.✧

*Pilatus iyok be tipun Yesu ma imeete
(Mt 27:15-26; Mk 15:6-15; Yo 18:39-19:16)*

¹³ Yesu ila ipet ki Pilatus mini, to ni iboobo zin bibip kizin patoronņana kan ziņan zin peeze kan mi iwal biibi ma timar,

¹⁴ mi iso pizin. Iso: “Niom tana, ta kakam tomtom tiņģi ma imar tio, mi koso ni ikurru zin iwal lelen. Mi ituyom kombotmbot mi aņģiiri sua kini na, aņģeeņe kembei ni le uunu sa isaana kembei ta kozzo na som.

¹⁵ Mi Erot tomimi iru le uunu ma som. Tanata ipimiili i ma imar kiti. Tana to ti, ni le uunu sa tabe imeete pa i som.

¹⁶ Kenako aņģbalisi men, mi aņģzemi ma ila?” [

¹⁷ Indeeņe lupņana biibi tana na, Pilatus bela izem tomtom tasa ma iyooto pa ruumu sanaana ma ila lene.]

✧ **23:8-9:** Yesa 53:7; Lu 9:9 ✧ **23:12:** Nģo 4:27

18 To iwal biibi tilup kwon, mi kalɲan izalla ma tiso: “To tana, puni ma imeete. Mi Barabas na, zemi ma iyooto mi imar tiam.”

19 Barabas tina, ni imbotmbot lela ruumu sanaana paso, igabgaaba wal pakan ta timaŋga ma tikam malmal pa gabman ki Rom isu Yerusalem, mi tipun tomtom pakan ma timetmeete.

20 Pilatus, ni leleene be izem Yesu ma ila lene. Tana itoombo sua pizin mini.

21 Tamen kalɲan izalla ma tizzo ta kembei: “Puni sala ke pambaaraŋana, puni sala ke pambaaraŋana!”

22 Tinoknok to Pilatus iso la pizin mini ma iwe tel pa. Iso: “To ti, aɲpuni sorok paso? Ni ikam mbulu sananŋana sa? Nio aɲre kembei ni le uunu sa tabe imeete pa i som. Ingi ko aɲbalisi men, mi aɲzemi ma ila ne.”

23 Iso ta kembei, tamen zin tiyok som. Timap ma kalɲan izalla be ipun Yesu ma imeete sala ke pambaaraŋana. Tana Pilatus itoombo be ipeteke zin ma irao som.

24-25 To ileŋ la kalɲan, mi izem tomtom ta zin iwal lelen pini na, ma iyooto pa ruumu sanaana. Ni ta igabgaaba zin wal ta tikamam malmal pa gabman ki Rom mi tipun wal pakan ma timetmeete na. Mi Yesu na, Pilatus ito iwal biibi tana lelen, mi iuri la zin malmal kan naman be tipuni ma imeete.

Tikam Yesu ma tila be tipuni

(Mt 27:32-44; Mk 15:21-32; Yo 19:17-27)

26 Tana zin malmal kan tikam Yesu, mi tiwwa ma tila pa zaala na, tise ki tomtom ta ki Kairini,

zaana Simon. Ni iwwa ma imar be ilela pa kar bi-ibi. To tisasaara lae pini, mi tiur ke pambaaranjana ki Yesu ise regeene ma kadoono ikwaara. Mi ito Yesu ma ziŋan tila.

²⁷ Mi zin iwal biibi kat ta titoto Yesu ma tilala. Mi moori boozomen ta ziŋan tiwwa na, lelen isaana pini mi tikamam tinjiizi biibi.

²⁸ Tamen Yesu itoori mi iso pizin. Iso: “Niom Yerusalem nan, katan pio pepe. Katan pa ituyom mi lutuyom bizin.

²⁹ Pa kaimer nol tasa kola ipet, to tomtom ko titwer mi tiso ta kembei: ‘O tina! Zin moori ta tipepeebe som, mi zin tau len pikin somŋan i, na lelen ambai pa kampejana ta ise kizin i!’[☆]

³⁰ Indeeŋe mazwaana tana, tomtom kola timaŋa mi tiso pizin abal ta kembei: ‘Kopol salakaala yam mi kokoto yam!’[☆]

³¹ Tana niom motoyom iŋgal ituyom. Pa sombe tikam mbulu ta kembei pa tomtom ta le uunu sa isaana som, nako mbulu pareiŋana ipet piom?”[☆]

Tipun Yesu sala ke pambaaranjana

³² Mi wal sananŋan ru tomen, ta tikam zin ma tila be tipun zin raama Yesu.

³³ Timar ma tipet lele ta zaana ‘Tomtom Uteene Putuunu’ na, to tipun Yesu ziŋan wal ru tana la ke pambaaranjan, mi tipamender zin. Wal ru tana, ta imbot la Yesu namaana woono, mi toro imbot la ki ŋas.

³⁴ Timbotmbot mi Yesu iboobo. Iso: “O Tamaŋ, reege sanaana kizin. Pa mbulu ta tikamam i,

[☆] **23:29:** Mt 24:19; Lu 21:23 [☆] **23:30:** Yesa 2:19; Hos 10:8; Tur 6:16 [☆] **23:31:** 1Pe 4:17+

zin tikankaana pa.” To zin malmal kan tisombe tiparraai mburu kini. Tana tikam mbulu ta, be tire so tomtom tabe ikam so mburu i.✠

35 Mi zin iwal biibi na, timendernder mi tirre la pa Yesu zinan wal ru tana. Mi zin peeze kan tomini timbotmbot mi timbel sua repiilijana pini ma tiso: “Ni imbot be iuluulu zin wal pakan. Mi ni itunu na som. Sombe ni Mesia mi Anutu iroogi, nakena ikamke itunu lak!”✠

36 Mi zin malmal kan tomini tipejeu i. Tila kini mi tikam yok pakpakjana mi tisara sala pini be iwin.✠

37 Mi tiso pini ma tiso: “Nu sombe king kizin Yuda, na kamke itum lak!”

38 Mi bude ta imbot sala Yesu ke pambaaranjana kini uteene, ta iso ta kembei: “Ingi king kizin Yuda.”

39 Mi wal sananjan ru ta timbotmbot sala ke pambaaranjan na, kizin ta ikam sua repiilijana pa Yesu ma iso: “A, nu ta sombe nu Mesia na? Nakena uulu itum mi niamru tomini.”

40 Tabe toro inasaara lae pini ma iso: “Hai, nu moto kom pa Anutu som? Nu ituru ko temetmeete raraate kembei ta ni.

41 Mi patanana ta ituru tabaada i, ingi indeenje men. Paso, ikot mbulu kiti sananjanana. Mi ni na, le sanaana sa som.”✠

42 To iso mini. Iso: “Yesu, sombe lela kar ku, na motom ngal yo.”

43 To Yesu iso pini. Isombe: “Nio anso kat pu: Koozi, ko ituru tombot lele ta ndabokjana kat.”

✠ 23:34: Mbo 22:18; Mt 5:44; Ngo 3:17, 7:60 ✠ 23:35: Mbo 22:7

✠ 23:36: Mbo 69:21 ✠ 23:41: Lu 23:33; Yo 8:46; Ibr 4:15

*Yesu imeete**(Mt 27:45-56; Mk 15:33-41; Yo 19:28-30)*

⁴⁴⁻⁴⁵ Zoŋ mataana ikam kembei palakuutu ma inŋi, to zoŋ mataana imeete mi zugut biibi izuk toono tana ma imap, mi imbot ma irao zoŋ mataana ikam tel. To kawaala biibi ta ipakaala urum leleene ta potomŋana kat na, rek ma iwe ru.✠

⁴⁶ Mi Yesu kalŋaana biibi ma iso: “Tamaŋ, inŋi anŋur ituŋ ima nomom i.” Iso ta kembei, mi iy-ataaŋa ma ka bolboolo ipol.✠

⁴⁷ Biibi kizin malmal kan ire mbulu ta ipet, to iwit Anutu uruunu ma iso: “Nonoono kat. Tomtom ti, ni tomtom ndeenŋana kat. Ni le uunu sa isaana som.”

⁴⁸ Mi iwal biibi ta timar be tire len uraata tana na, ŋgar kizin ipet, to lelen ipata mi titaŋtaŋ mi timilmiili ma tila kar.

⁴⁹ Mi Yesu gaabaŋana ta boozomen ziŋan zin moori pakan ta ziŋan Yesu timbot Galilea mi timar na, timendernder moloŋana ri mi tirre la pini.✠

*Titwi Yesu**(Mt 27:57-61; Mk 15:42-47; Yo 19:38-42)*

⁵⁰⁻⁵¹ Yuda ta, ni zaana Yosep mi kar kini ta Arimatea. Mi ni tomtom ambaiŋana mi ndeenŋana, mi iurur mataana pa peeze ki Anutu be ipet mat. Mi ni imbot la lupuunŋu biibi kizin peeze kan kizin Yuda tomini. Tamen mbulu ta zin tikam pa Yesu na, ni igaaba zin pa som.

⁵² Tana indeeŋe ta Yesu imeete na, ni ila ki Pilatus, mi iwi i be ikam Yesu putuunu mi ila itwi i.

✠ **23:44-45:** Yoel 2:31; Ibr 9:3,8 ✠ **23:46:** Mbo 31:5; Ngo 7:59; 1Pe 2:23 ✠ **23:49:** Mbo 38:11; Lu 8:2+

⁵³ Pilatus iyok pini, to ila ikam Yesu ma isu pa ke pambaaranjana, mi izuki pa kawaala kokoujana, mi ila iuri lela ran sumbuunu ta tiurpe pataana kek ma iwe naala na. Naala tana tiur tomtom sa ilela zen.

⁵⁴ Aigule tana na, zin Yuda be tiparanran koron kizin ta boozomen bekena keten su pa aigule potomjana. Mi inji rou, tana aigule potomjana imar igarau kek.

⁵⁵ Zin moori Galilea kan ta titoto Yesu na, zinan Yosep tila ma tipet naala uunu. Mi tire Yesu putuunu ka nakene,

⁵⁶ to timiili ma tila kar, mi tiparanran Yesu le ngere ta kuzinjan i. Mi aigule potomjana ki Anutu imar kek. Tana tikam uraata sa mini som. Tito tutu kizin ma timbot kar mi keten su.

24

*Yesu burup ma imanga mini pa naala
(Mt 28:1-10; Mk 16:1-8; Yo 20:1-10)*

¹ Aigule potomjana imap mi aigule mataana kana ipet, to mbenbenjana mi zin moori tikam ngere kuzinjan ta tiurpe kek na, mi tila be tilou naala.

² Tila tipet na, tire pat biibi imbot naala kwoono mini som ma kembei ta tipatimbil ma ilae.

³ To tilela. Tilela na, tire Yesu putuunu imbot mini som.

⁴ Tabe tikam ngar boozo. Molo som na, wal ru ta tiru pa mburu milmiljana kat na, tipet kizin. ☆

⁵⁻⁶ Zin moori tire zin ajela na, timoto. Tabe tingun kumbun mi tituundu su toono. Mi wal

☆ 24:4: Ngo 1:10

ru tana tiso pizin. Tiso: “Ai, niom na kamar ma kuru tomtom mata yaryaaraŋana ila meetenjan murin paso? Ni imbotmbot ti mini som. Imaŋga kek. Parei, sua ta munġu iso yom su Galilea na, motoyom mbeleele?

⁷ Ta isombe: ‘Tomtom Lutuunu, bela tiuri la zin wal sananjan naman, mi tipuni ma imeete sala ke pambaaraŋana. Mi ko mbeŋ iwe tel pa, to imaŋga mata yaryaara mini.’ ” ✧

⁸ Zin tiso, to zin moori matan la pa Yesu sua kini tana.

⁹ To zin moori tizem naala, mi timiili ma tila, mi tisotaara zin nanġan laamuru mi ta, mi wal pakan.

¹⁰⁻¹¹ Moori tana zan ta kembei: Maria ki Magdala, Yoana, Maria toro ta Yems naana i, mi zin moori pakan tomini. Tiso zin nġonana pa mbulu boozomen ta ipet pizin na. Tamen zin nġonana tiurla som. Pa tiso ko tiyo kwon ma inġi.

¹² Mi Petrus, na som. Imaŋga mi iloondo ma ila ta naala uunu a. Ila ipet na, ituundu mi mataana ilela. To ire kawaala ta tizuk Yesu pa na men ta imbotmbot. Mi koron toro sa som. Tana izem naala mi imiili ma ila. Mi ikam nġar boozo pa mbulu ta ipet na.

Yesu ipet ki nanġan ru isu zaala ta ila pa kar Emaus na
(Mk 16:12-13)

¹³ Aigule tamen ta tina na, Yesu nanġan kini ru tisombe tila pa kar Emaus. Kar tana, imbot molo ri pa Yerusalem.

¹⁴ Ziru tiwwa mi tiparzzo pizin pa mbulu boozomen ta ipet na.

✧ 24:7: Lu 9:22, 18:31+

15-16 Sua izalla ma tiwwa, mi Yesu itoto zin ma ila ise kizin. To ziŋan tiwwa ma tila. Tamen koron sa ikam ma tirao be tikilaali som.

17 Ni isu na iwi lae pizin. Iso: “Ou, niomru kozzo pa so sua i?”

To ziru timender mi tigeede lae pini. Tamen ngar kizin sa ambai som mi lelen ipata.

18 Tana kizin ta, ta zaana Kelopas na, imanja to iwi lae pa Yesu. Iso: “Wai, a nu tina ko mbot swoi ta kam wiŋana ta kembena? Mbulu ta neeri ŋonoono ipet na, tomtom boozomen ta timbot Yerusalem a tiute makin. Mi nu itum tamen som?”

19 Tabe ni iwi zin ma iso: “So mbulu i?”

To ziru tiso: “Wai, mi mbulu ta tikam pa Yesu ki Nasaret na. Ni Anutu kwoono ŋonoono. Sua kini mi uraata kini ta mburaanaŋana men. Tabe ikam ma niam tomtom boozomen amre i kembei ni, Anutu imbotmbot raami. ✧

20-21 Mi amdemeere kembei ni ulaaŋa biibi tabe ikamke zin Israel pa pataŋana kizin. Tamen zin bibip kizin patoronŋana kan ziŋan zin peeze kan kiti tiuri sorok ila gabana ki Rom namaana. To ni iur sua ma tipuni ma imeete sala ke pambaraŋana ta uriizi. ✧

22 “Tamen mankwooni mbulu toro ipet piam. Zin moori tiam pakan ta mbenbenŋana mi tila naala uunu.

23 Tamen tila na, tire i som. Mi mbulu toro ipet pizin tomini. Aŋela pakan tipet kizin, mi tiso pizin ta kembei: ‘Yesu imbot mataana yaryaara.’

✧ 24:19: Mt 21:11; Yo 6:14; Nŋo 2:22 ✧ 24:20-21: Lu 1:68, 2:38, 19:11; Nŋo 1:6, 13:27+

²⁴ To timiili ma timar mi tisotaara yam. Tabe ammurur, mi wal tiam pakan tila be tire. Beso tila na, kembei ta zin moori tiso na. Tiru Yesu ma som. Tingi tabe ikam yam ma amkam ngar boozo.” ✧

²⁵ Yesu imanga mi iso pizin. Iso: “Wai, niom tina leyom ngar som? Sua boozomen ta Anutu kwoono bizin tiso na, parei ta kuurla karau som?”

²⁶ Pa sua imbot pataanja kek ta kembei: Mesia bela ire yoyoujana mi ibaada patajana boozomen ta kembei, to isala kar saamba be ikam zaana biibi.” ✧

²⁷ To ni ipei ngar kizin pa sua matamur boozomen ta izze kini na. Ipit la ta Mose ibeede na, mi imar imar ma indeenje sua ki Anutu kwoono bizin ta boozomen. ✧

²⁸ Tiwwa ma timar kwa uunu, to ni be izem zin mi kanjan ma ila.

²⁹ Tamen ziru tiruuti. Tiso: “Ai, la pepe. Miili ma mar mi itijan tombot. Pa ingi rou kek.” Tana Yesu ila ma zijan timbot.

³⁰ Tila timbotmbot ma ingi be tikan kini. Tana Yesu ikam narabu ma isun pa, to itete mi isara la pizin.

³¹ Tona matan ikam pak, mi tikilaali. Tamen ni karau men mi imbiriizi la mazwan.

³² Ziru tipargeede zin ma som, mi tiso: “Wai, tamar pa zaala, mi ni iwesweeze sua ki Anutu piti na, lelende ikam uraata biibi kat. Tayamaana kembei ta you ikanan lela lelende i.”

³³ To ziru burup na tizem kini kanjana, mi timiili mini pa Yerusalem. Tila na, tindeenje zin nanjan

✧ **24:24:** Yo 20:3+ ✧ **24:26:** Lu 9:22; Ngo 17:3; Ibr 12:2; 1Pe 1:10+

✧ **24:27:** Un 3:15; Lo 18:15; Mbo 22; Yo 1:45

laamuru mi ta, ta ziŋan wal pakan tilup zin ma timbotmbot.

³⁴ Ziru tipet na, zin wal ta tilup zin na, tiso pizin ma tiso: “Nɔnoono kat. Merere, ni imaŋga mi ila ipet ki Simon kek.” ✧

³⁵ Tona ziru tomini tiso pizin pa mbulu ta ipet pizin su zaala lwoono na. Mi tiso pizin ta kembei: Indeeŋe ta ni itete narabu na, matan ikam pak.

Yesu ipet kizin nanŋaŋ kini

(Mt 28:16-20; Mk 16:14-18; Yo 20:19-23; Nŋo 1:6-8)

³⁶ Ziru tizzo sua, mi molo som na, Yesu itunu ila ipet la mazwan mi iso pizin. Iso: “Leleyom ambai.”

³⁷ Tamen zin timorsop, mi motonŋana biibi ikam zin. Pa tiso ko tire kon.

³⁸ To Yesu iso pizin. Iso: “Wai, parei ta kakamam ŋgar boozo mi leleyom iwe ru?”

³⁹⁻⁴⁰ Kere zaaba kwo muriini ta imbot la nomon ma kumbuŋ i. Inŋi nio itunŋ tau. Kamar mi keteeye kat yo. Kon, ni mazaana mi tiroono kembei nio i? Som.” ✧

⁴¹ To zin menmeen zin biibi. Tamen lelen iwe ru mi tikamam ŋgar boozo. Tabe Yesu isu to iso pizin: “Lak, kini sa imbotmbot i?” ✧

⁴²⁻⁴³ Tana tikam ye neeneŋana suruunu ila kini, to tirre i mi ni ikan.

⁴⁴ Tona Yesu iso pizin. Iso: “Kere. Sua ta munŋu itinŋan tombotmbot mi aŋzzo yom pa, ta inŋi koozi iur nɔnoono i. Pa sua ta imbot la Mose tutu kini, mi bude ki Anutu kwoono bizin, mi mboe pakan

✧ 24:34: 1Kor 15:4+ ✧ 24:39-40: 1Yo 1:1 ✧ 24:41: Yo 21:5; Nŋo 10:41

tomini, sua matamur ta munjaana men ta tiso se tio i, na bela iur nɔnoono.” ✧

⁴⁵ Iso ta kembei, to ipei nɔar kizin pa sua ki Anutu ta tibeede kek na, bekena tiute kat ka uunu. ✧

⁴⁶ Iso: “Sua imbot pataaŋa kek ta kembei: Mesia, ni bela ire yoyouŋana, mi imeete ma aigule iwe tel pa, tona imanŋa mini. ✧

⁴⁷ Mi uraata tinŋi, bela tisoyaara uruunu su Yerusalem munŋu, mana ila ma irao karkari ta boozomen. Ko tiso ta kembei: Tomtom bela titooro lelen mi tizem mbulu kizin sananŋana, mi tiurla ki Mesia, tona Anutu ireege sanaana kizin. ✧

⁴⁸ Mi niom ta kere kat uraata taŋgi pa motoyom na, bela kala mi kopombol ka sua. ✧

⁴⁹ Tamen kala loŋa pepe. Kombotmbot kar ti mi kazza ma irao sua mbukŋana ki Tamaŋ iur nɔnoono piom, mi aŋgo mburaana ta imbot kor a ma isu isalakaala yom, to kala.” ✧

Yesu isala pa saamba
(*Mk 16:19-20; Nɔgo 1:9-11*)

⁵⁰ Timbotmbot ma Yesu ikam zin nanŋanŋa kini ma tila tigarau kar Betania. To iwit namaana isala kor, mi ipombol zin.

⁵¹ Ipombolmbol zin, mi Tamaana ikami ma izem zin mi isala pa saamba. ✧

✧ **24:44:** Mbo 2, 16, 22, 69, 72, 110, 118 ✧ **24:45:** Nɔgo 16:14
 ✧ **24:46:** Nɔgo 17:3 ✧ **24:47:** Mt 28:19; Nɔgo 1:8, 2:38; Nɔgo 10:42+, 13:38; 1Tim 3:16 ✧ **24:48:** Yo 15:27; Nɔgo 1:8,21+, 2:32 ✧ **24:49:** Yesa 44:3; Yoel 2:28; Yo 14:16, 15:26, 16:7; Nɔgo 1:4, 2:4; Ga 3:14
 ✧ **24:51:** Yo 20:17

⁵² Tana zin tire i to, tilek kumbun mi tipakuri. Imap na, timiili mini ma tila Yerusalem raama lelen ambai mi menmeen zin biibi kat. ☆

⁵³ To indeenje tina mi ila na, tiluplup zin lela Urum Merere ka siiri leleene, mi tipakurkur Anutu zaana. ☆

**Anutu Sua Kini Potomaxana
Genesis, Exodus, Ruth, Psalms, Proverbs, Jonah, and
The New Testament in the Mbula Language of Papua
New Guinea
Sampela hap Buk Baibel long tokples Mbula long
Niugini**

Copyright © 1996 The Bible Society of Papua New Guinea

Language: Mbula

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

a815c47a-4c36-5240-a396-70cbd5e9b593